

DE MASSILIENSIA REBUS
QUAESTIONES.

DISSERTATIO INAUGURALIS

QUAM

AD MAGISTRI HONORES

AB AMPLISSIMO

HISTORICORUM ET PHILOLOGORUM ORDINE DORPATENSI

RITE IMPETRANDOS

IN PUBLICO DEFENDET

ADOLFUS SONNY.

Adversarii erunt:

Guillelmus Hoerschelmann P. P. O., Ludovicus Mendelssohn P. P. O., Georgius
Mekler Mag. Gr. Comp.

PETROPOLI.

TYPIS ACADEMIAE IMPERIALIS SCIENTIARUM.

MDCCLXXXVII.

DE MASSILIENSIMUM REBUS

QUAESTIONES.

Ex decreto ordinis Historicorum et Philologorum publicatum.
Dorpati, die XIX mensis Martii a. MDCCCLXXXVII.

№ 41.

Dr. Leo Meyer
h. t. decanus.

SCRIPSIT

ADOLFUS SONNY.

PETROPOLI.

TYPIS ACADEMIAE IMPERIALIS SCIENTIARUM.

MDCCCLXXXVII.

Ex decreto ordinis Historicorum et Philologorum publicatum.
Dorpati, die XIX mensis Martii a. MDCCCLXXXVII.

№ 41.

Dr. Leo Meyer
h. t. decanus.

D 109348

Типографія Імператорської Академії Наукъ (В. О., 9 л. № 12).

Sententiae controversae.

1) Aeschyl. Agam. v. 385 sqq. Weekl. = 360 sqq. Kirchh. sic restituendos esse conicio:

πέφανται δ' ἐγκονοῦσ' (cod. ἐγγόνους)
ἀτολμήτων Ἀρά (cod. Ἄρη)
πνεόντων μεῖζον ἢ δικαίως.

2) Aeschyl. Agam. v. 670 W. = 643 K. ως μῆτ' ἐν ὅρμῳ κύματος
ζάλην ἔχειν; pro ὅρμῳ scribo ὅρμῃ.

3) Aeschyl. Sept. v. 263 W. = 259 K. scripturam ἱσθήμασιν, quam
prima manus cod. Med. et scholiasta exhibent, vestigium genuinae
lectionis esse puto ab emendatoribus male neglectum.

4) Aristoph. Nub. v. 1474 iniuria spurius esse creditur.

5) Dion. Chrys. or. IV § 91, 7 Emper. = p. 169 Reiske pro πλέον
οὐκ εἶναι scriendum esse arbitror πλεονεκτεῖν.

6) Dion. Chrys. or. VII § 22, 2 = p. 228 R. ἐξενίσαμεν δὲ αὐτὸν
ως ἐδυνάμεθα μάλιστα; lege κάλλιστα.

7) A. Nauckium Verg. Aen. II 97 pro «*hinc* mihi prima mali labes»
recte restituisse «*haec* etc.» imitatione, qua Pompeius Trogus (Iust.
XVII 1,5) hunc locum expressit, demonstratur.

8) Liv. XXI 44,9 «si hoc bene fixum omnibus destinatum in animo est» non ita sanari arbitror cum editoribus, ut aut «bene fixum» deleatur aut ante «destinatum» «si» vel «et» inseratur; immo «destinatum» ut glossema eiciendum esse duco.

9) Ovid. Fast. II 192 «Maenaliam *tactis* ne lavet arcton aquis»; pro «tactis» repone «*tacitis*».

10) Stat. Silv. I 3, 20 sqq.:

«ipsa Anien (miranda fides) infraque superque
«*saxeus*, hic tumidam rabiem spumosaque ponit
«murmura».

«*saxeus* corruptum esse videtur ex «*lacteus*».

11) Iust. XLII 4, 13: «ubi dolor *voci viam* (codd. vocem) laxaverat» scribendum censeo.

12) Avien. Or. Mar. v. 340: «et distineri [*utrosque*] milibus tribus»; pro «*utrosque*», quod Wernsdorfio debetur, «*latera*» supplendum est.

13) Aeschyli codex Mediceus ex exemplo litteris *minusculis* exarato descriptus est.

14) Quod apud Curtium Rufum (V 13, 2) occurrit Tabae oppidum idem est atque Thara vicus Iustini (XI 15, 1) et Γάγα πόλις Arriani (III 20, 1). Etenim cum Trogus in nomine Graeco legendo oculus falsus esset (**ΠΑΓΑΙ-ΤΑΠΑΙ**), Curtius Rufus *hunc exscribens* simili lapsus est errore (**ΤΑΡΑΕ-ΤΑΒΑΕ**).

15) Quae G. Götz (in progr. Jenensi 1884/85) de Statii Silvarum variis lectionibus e vetustissimo Poggii codice Sangallensi marginibus editionis principis in bibliotheca Corsiniana adservatae ab Angelo Politiano enotatis disputavit, fundamento carent quippe in prava illarum notitia posita.

16) Scholia, quae in cod. Laur. 69, 33 ad Philostrati Vitam Apollonii adscripta leguntur et a Kaysero partim sunt edita, ab Aretha Caesareae Cappadociae archiepiscopo composita esse suspicor.

I.

De Iustini rerum Massiliensium enarratione.

Cum a reliquis scriptoribus de Massiliensium rebus paucissima caque valde abrupta et disiecta tradantur, conspectus ille a Iustino (XLIII 3, 4—5, 10) e Pompei Trogi opere conservatus, quo vetustior Massiliensium historia comprehenditur, quamvis et ipse exiguus sit ac confusus, ad res huius urbis cognoscendas maximi est momenti. Qui quanquam saepius a viris eruditis tractatus est, restant tamen quae aut nondum satis sint animadversa aut aptius fortasse, quam adhuc factum est, exponi possint.

Atque si primum de origine eorum, quae apud Iustinum leguntur, quaesiveris, Trogum non ab ipsis Massiliensibus Gallisque illa accepisse crediderim. Quae sententia a plerisque viris doctis probata eo solo nititur argumento, quod Trogus a Vocontiis, Gallorum vel Ligurum gente haud procul Massilia habitante, oriundus fuit. Immo Graecum illum scriptorem, cuius opus effinxit Trogus, sive Timagenes is fuit sive quis alius, etiam loco ab eo expressum esse consentaneum est. Ille quonam hauserit fonte, haud facile dixeris. Theopompi manum apud Iustum agnoscere sibi videbatur Müllenhoff¹⁾. Sed ne constat quidem Massiliensium res ab eo tractatas fuisse. Probabilius ad Timaeum relegantur quae apud Iustum tradita sunt. Hic enim gravissima utebatur auctoritate in historia regionum sub occasu positarum explananda, et ad eundem recedere constat quae idem Iustinus de

1) Deutsche Altertumskunde I p. 179.

Siciliensium et Carthaginiensium rebus exponit. — Ipse se πολυπραγμονῆσαι τὰ Λιγύων ἔθην καὶ Κελτῶν, ἀμφὶ δὲ τούτοις Ἰβηρῶν¹⁾ professus est. Massiliensium autem rebus eum operam navavisso Scymni, qui fertur, et Stephani Byzantini testimoniis (Ps. Sc. v. 211. St. B. s. v. Μασσαλία) appetat. — Ad eundem bene convenit, quod fabellarum plena est Iustini de Massiliensium rebus narratio, quarum γραῦς illa συλλεκτρία scis quam studiosa fuerit. Praesertim amatorias narrationulas, et primus quidem quantum scimus²⁾, operi suo inscrebat tales, quales duae apud Iustum leguntur.

Sed iam ad singula accedamus.

Rerum Massiliensium enarrationi Iustinus pauca de Phocaeensium navigandi mercandique studio et de longinquis eorum itineribus maritimis praemittit. Quod autem «exiguate ac macie terrae coacti» ad rei navalis studium se convertisse narrantur, habes hic scriptoris rerum gestarum causas πραγματικῶν indagantis, Timaei scilicet, hariolationem³⁾. — Illam enim orae Asiaticae partem caeli amoenitate fertilitateque soli prae ceteris insignem fuisse constat⁴⁾. — De longinquis Phocaeensium itineribus, quibus primi Graecorum maria ad occidentem sita p̄tiverunt, etiam Herodotus agit (I 163). Qui eos Adriam et Tyrrheniam et Iberiam et Tartessum Graecis «commonstravisse» dicit: τὸν τε Ἀδρίην καὶ τὴν Τυρσηνήν καὶ Ἰβηρίην καὶ τὸν Τάρτησον οὗτοι εἰσιν οἱ κακαδέξαντες. — In Galliae Hispaniaeque ora praeter Massiliam etiam alias colonias constituisse a nonnullis scriptoribus perhibentur; quae tamen certioribus testimoniis a Massiliensibus conditae esse dicuntur⁵⁾. Quod teneatur necesse est, ne de coloniarum Massali-

1) Polyb. XII 28^a. In eis, quae antecedunt, Beloch (Fl. Jhrb. 1881 p. 697 sqq.) pro συνγαγεῖν τὰ παρ' Ἀσσυρίων ύπομνήματα scribi voluit συν. τὰ Μασσαλιώτῶν ὑπ., sed sine sonica, ut mihi videtur, causa.

2) Cf. Rohde der griech. Roman. p. 39.

3) Simili modo Phoenices quanquam agris fruebantur fertilissimis, rem navalem propter soli sterilitatem amplexi esse perhibebantur. Cf. Movers die Phoenicer I 1 p. 247. Meltzer Gesch. d. Karth. I pp. 6; 420.

4) Hdt. I 142. Paus. VII 5, 4.

5) Tauroentum Artemidorus (Steph. Byz. s. v. Ταυρόεις) a parte Phocaeensium, qui in ostia Rhodani pergebant Massiliam condituri (ἐποριφέντες ἀπὸ τοῦ στόλου), constitutum esse tradiderat. Agatham Scymnus (Steph. Byz. s. v.) Phocaeensium urbem dixerat. Emporiis Plinius (n. h. III 3, 6) «Phocaeensium subolempa habitavisse refert. Hemeroscopium Artemidorus (Steph. Byz. s. v.) Φωκαέων ἄποικον appellaverat. Maenacam denique Strabo (III p. 156) ὑστάτην τὸν Φωκαϊκῶν πόλεων fuisse prodit. At Tauroentum Strabo (IV p. 180) simul cum Olbia et Antipoli et Nicaea ut ἐπιτείχισμα contra Ligurum rapacitatem a Massiliensibus consti-

oticarum temporibus perperam iudicetur¹⁾. Ipsam Massiliam non tam condidisse quam Phoenicibus eripuisse putantur Phocaeenses a pluribus viris eruditis. Quae sententia cum inscriptione illa celeberrima Phoenicia anno 1845 Massiliae reperta tum ipso urbis nomine, quod Phoenicum esse volunt, innititur. — Si titulus ille Massiliae exaratus esset, Phoenicum conventum propriis magistratibus subiectum, propriis legibus praeditum saceculo quinto vel quarto — ad hanc enim actatem Renani iudico pertinet — in Graeca urbe exstitisse demonstraret. — Talem autem Phoenicum conventum vix aliter explicaveris, nisi illos iam ante Phocaeenses illo loco habitavisse et a Graecis urbe occupata inquinitorum condicione in novam civitatem receptos esse dixeris. Neque enim tantum peregrinorum numerum corunque maxime strenuorum et qui summo emendi ac vendredi studio ducerentur, Carthagine in suam urbem transmigrare Massilienses passos esse verisimile est, praesertim cum graves iniurias acerrimamque simultatem inter Carthaginienses et Massilienses intercessisse constet. — Sed id ipsum, num Massiliae exarata sit illa inscriptio, post accuratissimas Renani²⁾ disquisitiones quam maxime est dubium; immo Carthagine illuc advecta esse videtur. — Soli autem nominis formae, quamvis verisimilis videatur explicatio a Schroeder³⁾ prolata, equidem tantum auctoritatis

tutum esse tradit. Idem Agatham a Massiliensibus ut castellum τοῖς περὶ τὸν ποταμὸν σίκουσι τὸν Ροδανὸν βαρβάροις collocatam esse refert eamque alio loco (IV p. 182) κτίσμα Μασσαλιωτῶν appellat. — Emporias vero et Strabo (III p. 160) et Steph. Byz. (s. v.) Μασσαλιωτῶν κτίσμα, Scylax § 1 Μασσαλιωτῶν ἀπόκοις dicunt. Hemeroscopium denique a Strabone (III p. 159) πολύχινον Μασσαλιωτῶν, Maenaca a Pseudo-Scymno (v. 145 = Ephorus) Μασσαλιωτικὴ πόλις appellatur. Quae cum ita sint, etiam illis locis, quibus Phocaeensium urbes dicuntur, non ipsos Phocaeae incolas, sed Massilienses intellegendos esse apparent. Sic apud Scymnum (v. 203) Μασσαλιωται Φωκαῖς et οἱ Μασσαλίον κτίσαντες Φωκαῖς pro Massiliensibus legimus. A poetis vero Latinis quaecunque Massiliensium sunt, sollemni quodam more Phocaeensium esse dicuntur. Cf. Lucan. III 301; Sil. I 335; II 369; IV 52; XV 172.

1) Id quod Meltzero (Gesch. d. Karth. I p. 150—158) et qui eum sequitur, Busoltio (Griech. Gesch. I p. 287—289) accidit.

2) Corp. inscr. Semit. p. 218—238.

3) Die phoen. Sprache p. 241. — A voce לִבְנָה = masal, quae «deversorium, deverticulum» valet, Massiliae nomen derivandum esse putat; quae explicatio cum aliarum urbium Semiticarum appellationibus (cf. רַבָּת, graece Δωρᾶ = domicilium, נַעֲמָן = deversorium, Judaeae urbes) bene congruit et Massalia fluvii Cretensis nomine confirmari videtur. לִבְנָה enim a radice לֵב (= nasal) derivandum est, quae primum quidem «defluendi» vel «delabendi» notionem habet, deinde vero «descendere, devertere, considerare» valet, quarum significationum ut haec ad

tribuere non ausus sim, cum argumenta e nominum etymologiis petita mirum quantum sint lubrica.

Phocaeensium manum «temporibus Tarquinii regis» Massilium condidisse Iustinus auctor est. — Consentit igitur cum Timaeo, qui Massilium 120 annis ante pugnam Salaminiam constitutam fuisse prodiderat¹⁾. Eandem sententiam Aristotelem complexum fuisse ex Harpocratiorum colligitur, qui (s. v. Μασσαλία) haec exhibet: Ἰσοκράτης μὲν φησιν ἐν Ἀρχιδάμῳ ὡς Φωκαῖς φυγόντες τὴν τοῦ μεγάλου βασιλέως δεσποτείαν εἰς Μασσαλίαν ἀπώκησαν δὲ τὸ πρὸ τούτων τῶν χρόνων ἥδη ὑπὸ Φωκαίων φυιστὸν ή Μασσαλίαν καὶ Ἀριστοτέλης ἐν τῇ Μασσαλιωτῶν πολιτείᾳ δηλοῖ. — Eodem spectat Livii (V 35) testimonium, qui Massilium, sicut Iustinus, «Tarquinio Prisco Romae regnante» conditam esse refert. — Consentunt denique etiam Eusebius (chron. ed. Schoene p. 92) et Solinus (II 52), quorum ille Massiliae initium ab anno IV ol. XLVI, hic ab ol. XLV repetit.

Sed cum anno c. 542 Phocaea a Persis expugnata pars incolarum Massilium concessisset²⁾, nonnulli posterioris aetatis scriptores rem tam prave intellexerunt, ut Massilium tum demum conditam esse putarent. — Cuius erroris primum commissi Isocrates insimulari solet; at iniuria. In Archidamo (c. 4) enim eximii libertatis amoris exempla afferens Φωκαῖς inquit φεύγοντες τὴν βασιλέως τοῦ μεγάλου δεσποτείαν ἔκλιπόντες τὴν Ἀσίαν εἰς Μασσαλίαν ἀπώκησαν. Quibus in verbis nihil inesse apparet, quo Massilium id temporis conditam esse significetur³⁾.

urbis, ita illa ad fluvii nomen vide quam bene quadret. — Si quis vero etymologiae Schroederiana eis (†) litteram utpote leniter spirantem duobus sigma reddi non potuisse opponere voluerit, idem in voce ὄστρωπος factum esse scito.

1) Ps. Scymn. 211: ἐν τῇ Λιγυστικῇ δὲ ταῦτην ἔκτισαν | πρὸ τῆς μάχης τῆς ἐν Σαλαμῖνι γενομένης | ἔτεσιν πρότερον ὡς φασιν ἔκατὸν εἴκοσιν | . Τίμαιος οὐτως ιστορεῖ δὲ τὴν κτίσιν.

2) Hdt. I 163 sane huius rei nullam facit mentionem, cum Phocaeenses relicta patria primum Chium, deinde Corsicam navigavisse ibique V annos moratos Carthaginiensibus et Etruscis lacescentibus Hyelam condidisse narrat. — Sed habemus illa de re certum Antiochi Syracusani testimonium a Strabone conservatum (p. 252): φησὶ δ' Ἀντίοχος Φωκαῖς ἀλούσης ὑφ' Ἀρπάγου τοῦ Κύρου στρατηγοῦ τοὺς δυναμένους ἐμβάντας ἐς τὰ σκάφη πανοκίους πλεύσας πρῶτον εἰς Κύρον καὶ Μασσαλίαν μετὰ Κρεοντιάδου· ἀποκρουσθέντας δὲ τὴν Ἐλένην κτίσαι. Ubi cave cum Casaubono Ἀλαλίαν scribas. — Strabonem enim Antiochi verba male contraxisse apparet. Cf. Meltzer Gesch. d. Karth. I p. 485.

3) Harpocratio sane Isocratis verba de Massilia tum condita intellexisse videtur; sed nullo pacto ex eius loco Aristotelem illum Isocratis errorem, quem volunt, refutavisse colligi posse puto, id quod Classen (ad. Thuc.³ I 13 append.)

Eiusdem sententiae auctores afferri solent Aristoxenus Tarentinus (frg. 23 Müll.): ἦν (sc. τὴν ὑπὸ Ἀρπάγου τοῦ Μήδου Ιώνων πολιορκίαν καὶ ἔναστασιν) Φωκαῖς φυγόντες Μασσαλίαν φεγγον et Timagenes (frg. 7 Müll.) = Ammian. Marcell. (XV 9, 7): «a Phocaea vero Asiaticus populus Harpali inclemtam vitans, Cyri regis praefecti, Italiam navigio petit; cuius pars in Lucania Veliam, alia condidit in Viennensi Massiliam». — Qui tamen non ipsi in hoc errore versati esse videntur, sed verba eorum ab excerptoribus male intellecta esse crediderim; id quod facillime sane fieri potuit. — Restant pravae huius sententiae auctores Hyginus (apud Gellium X 16, 4), Seneca (cons. ad Helv. 8), Pausanias (X 8, 6), Solinus (II 52), qui quanquam de tempore cum Timaeo Aristotele reliquis consentit, ipse quoque Phocaeenses Persarum adventu fugatos fuisse ait; Isidorus (Orig. XVI 63), Eustath. (ad Dion. Per. 75).

His nullius momenti scriptoribus plerumque addi solet gravissimus, Thucydidem dico, apud quem haec leguntur (I 13): Φωκαῆς τε Μασσαλίαν οἰκιζοντες Καρχηδονίους ἐνίκων ναυμαχοῦντες. — Qui tamen locus vario modo a viris doctis explicatus est. — Piores enim Thucydidis editores quin verba ἐνίκων ναυμαχοῦντες pugnam apud Alaliam commissam spectarent, qua Phocaeenses post patriam a Persis expugnatam in Corsicam profecti Carthaginienses devicerunt Etruseosque, nulli dubitaverunt Thucydidemque in ea sententia fuisse, ut Massilium post captam Phocaeam conditam esse crederet, persuasum habuerunt. — Quo errore turpissimo ut auctorem diligentissimum liberaret, Dederich, qui primus de Massiliae conditae temporibus accuratius quaesivit¹⁾, verba Μασσαλίαν οἰκιζοντες non de Massilia tum condita accipienda, sed hunc in modum explicanda esse putavit: «bei der allmählichen Colonisierung und Cultivierung des Landes», «bei der Fortentwicklung der Macht der gegründeten Colonie»; verba autem ἐνίκων ναυμαχοῦντες non ad pugnam Alaliensem, sed ad alia quaedam bella a Massiliensis cum Carthaginiensibus aliquanto post illam pugnam gesta referri voluit. — Sed neque ista οἰκιζειν verbi explicatio stare potest et pro Φωκαῆς Thucydidem Μασσαλιῶται dicturum fuisse exspectare. Item Classen²⁾ verba ἐνίκων ναυμαχοῦντες non ad pugnam apud Alaliam

ex eis effici voluit. Cui sententiae vel καὶ particula ab Harpocratiorum addita refragatur, nisi forte etiam alios Isocratem refellisse arbitrare.

1) Rhein. Mus. IV (1836) p. 99 sqq. Fl. Jhrb. 117 p. 589.

2) In appendice editionis Thucydideae tertium emissae; in prioribus editionibus eandem fere atque Dederich amplexus erat sententiam.

commissam, sed ad alia Carthaginiensium bella pertinere arbitratur. Quae tamen non cum Dederico post annum 537 a. Chr., sed multo maturius gesta esse vult. Phocaeenses enim c. annum 600 a. Chr., cum Massiliam essent condituri, Poenos identidem (hoc ex imperf. ἐνίκων concludit) devicisse putat. — Ad eadem bella aliorum quoque scriptorum refert locos, Paus. X 18,7, Strabo p. 180, Iustin. XLIII 5, 2. Hi tamen Massiliensium, non Phocaeensium spectant victorias, non c. annum 600 a. Chr., sed quinto sacculo reportatas, qua de re infra fusius exponetur. — Pausaniae vero locum, qui est X 8, 6: οἱ δὲ Μασσαλιῶται Φωκάεων εἰσὶν ἄποικοι τῶν ἐν Ιωνίᾳ, μοῖρα καὶ αὕτη τῶν ποτε "Αρπαγὸν τὸν Μῆδον φυγόντων ἐκ Φωκαίας· γενόμενοι δὲ ναυσὶν ἐπικρατέστεροι Καρχηδονίων τάν τε γῆν ἣν ἔχουσιν ἐκτίσαντο καὶ ἐπὶ μέγα ἀφίκοντο εὐδαιμονίας, ad pugnam *Alaliensem* pertinere inde efficitur, quod Massiliam a Phocaeensibus Persarum adventu e patria fugatis conditam esse dicit. — Nulla igitur bellorum illorum, quae Classen c. annum 600 gesta esse statuit, apud veteres scriptores exstat memoria. — Sed etiam ob aliam causam Classenii sententiam nullo pacto ferri posse puto. — Ipse enim temporis ordo, quo res a Thucydide narratae inter se sunt nexae, ei quam maxime repugnat. — Thucydides enim a quibus initios Graecorum res maritima profecta sit, breviter percurrens primos multum classe polluisse ait Corinthios, a quibus Ameinoclem navium aedificatorem ad Samios venisse annis fere trecentis ἐς τὴν τελευτὴν τοῦδε τοῦ πόλεμου i. e. c. annum 704 a. Chr. n. (vel c. 721 si cum Ulrico prooemium a Thucydide statim post τὸν δεκάτην πόλεμον conscriptum esse putas). Eosdem Corinthios c. annum 664 (vel 681) a. Chr. n. primam, quam hominum memoria complectatur, pugnam navalem Corecyraeis edidisse. Multo vero post (πολὺ ὅστερον) Cyro (558—529) et Cambysen (529—522) apud Persas regnabat Iones classem sibi comparavisse bellumque cum Cyro gerentes aliquod per tempus maris imperium obtinuisse. Cambysen deinde regnante Polyeratem Sami tyrannum rebus maritimis valuisse et cum alias insulas sua fecisse dicionis tum Rheneam captam Apollini Delio consecravisse. — Iam quaero, num Thucydidem, postquam reliqua servato temporis ordine narravit maritimasque Graecorum res usque ad Cambysen persecutus est, verbis Φωκᾶς τε Μασσαλίαν οἰκίζοντες Καρχηδονίους ἐνίκων ναυμαχοῦντες ad annum 600 a. Chr. redire verisimile sit. — Atque hoc eo magis esset mirandum, quod etiam in eis, quae sequuntur (c. 14), temporis ordinem retinet, cum post Cambysen deinceps Dareum, ὃς μετὰ Καρβύσην Ηερσῶν ἐβασίλευσε, et Xerxem commoret.

Cum neque Dederici neque Classeni explicatio ferri possit, ἐνίκων ναυμαχοῦντες ad pugnam apud Alaliam commissam referamus, Μασσαλίαν οἰκίζοντες de Massilia tum condita intellegamus necesse est. — Quid igitur? credemusne Thucydidem eodem errore lapsum esse quo Hyginum, Senecam, reliquos? Quod mea quidem sententia nullo pacto admitti potest.

Sed aliis quoque difficultatibus laborat hic locus. Nam primum quidem non intellegitur, cur Phocaeenses a ceteris Ionibus, quos in universum rebus maritimis multum valuisse et cum Cyro bellavisse dicit Thucydides, seiungantur atque nominatim efferantur. — Deinde temporum series his verbis interpellatur. Etenim cum haec ad rem pertineant anno 537 vel 536 a. Chr. n. gestam, quae antecedunt ad Cambysis, quae sequuntur ad Darei tempora referuntur. — Tum imperfectum ἐνίκων, quanquam saepius cum apud alios scriptores tum apud Thucydidem¹⁾ pro aoristo usurpatum, hoc quidem loco, ubi de rebus simillimis aut praesentia aut aoristi adhibeantur, de una illa apud Alaliam pugna mire dicitur, id quod Dederich et Classen recte monuerunt. Accedit quod etiam sequentia verba δυνατώτατα γάρ ταῦτα τῶν ναυτικῶν ἡν̄ magnam habent offensionem, quamobrem recte iam Classenio suspecta fuerunt²⁾. Etenim sicut apud Thucydidem inferuntur vix alio quam ad Phocaeenses et Carthaginenses ea rettuleris. Id tamen ferri non potest, quoniam Thucydides de solius Graeciae rebus maritimis disserit. Quamobrem a plerisque editoribus ad omnes Graecorum civitates, quae in antecedentibus sunt enumeratae, pertinere putantur. Sed, ut tales recapitulationem hoc quidem loco supervacaneam omnino atque languidam videri omittam, illarum civitatum classes potentissimas fuisse in universum dici non poterat. Nam primum sicut paulo inferius³⁾ ἐν τῇ Ἐλλάδι vel tale quid addi debebat. Deinde vero ne ita quidem sententia recte habuissest. Siciliensium enim tyrannorum et Corecyraeorum classes, quae postea commemorantur, sine dubio illis superiores fuerunt, quippe quibus τρήρεις ἐπλήθος essent.

Quae cum ita sint, verba «Φωκᾶς τε Μασσαλίαν οἰκίζοντες Καρχηδονίους ἐνίκων ναυμαχοῦντες» δυνατώτατα γάρ ταῦτα τῶν ναυτικῶν

1) Cf. e. g. I 100, 1; 116, 1.

2) In prioribus Thucydidis editionibus. Cum Thucydidem tertium emitteret sententiam suam mutavisce videtur.

3) C. 14, 2 ταῦτα γάρ τελευταῖα πρὸ τῆς Ξέρξου στρατείας ναυτικὰ ἀξιόλογα ἐν τῇ Ἐλλάδι κατέστη.

zv» a Thucydide abiudicanda esse censeo¹⁾. — Quae ab interpolatore esse profecta vel ex concisa atque delumbata sententiae forma perspicitur. — Quod ne solus concipere videar, Meltzeri²⁾, incorrupti profecto testis, quippe qui de verbis eiiciendis nullus cogitaverit, testimonium afferam: «die Notiz sieht aus wie nachträglich (a Thucydide scilicet!) eingefügt». — Sin vero quomodo factum sit quaeris, ut haec ab interpolatore adderentur, magna interredit similitudo inter ea, quae Thucydides de rerum maritimorum apud Graecos primordiis tradit, et ea, quae Herodotus (praesertim I 163 sqq.) de eadem re narrat³⁾. — Quamobrem facillime fieri potuit, ut is, qui Herodoti non visset narrationem, hoc Thucydidis loco perfecto illam Phocaeensium victoriam celeberrimam, post Herodotum saepissime apud oratores philosophos historicos commemoratam, desideraret paucisque verbis in margine additis attingeret; quae postea in textum irrepserunt. — Cum autem Massiliam tum demum a Phocaeensibus conditam esse putaret, ut plerique posterioris aetatis scriptores, foedum errorem auctori diligentissimo inculcavit. — Idem de una illa pugna imperfecto usus est, quod cum per se recte habeat, propter antecedentia praesentia et aoristos sententiam inclinat. Verbis autem δυνατώτατα γάρ etc. indicare voluit interpolator, cur Phocaeenses et Carthaginenses afferendos esse putavisset⁴⁾.

Sed iam ad Iustinum redeamus.

Phocaeensium illam manum priusquam in Galliam pergeret, ostio Tiberis invectam amicitiam cum Romanis iunxisse tradit. Quac narratio quanquam plerumque a Togo ficta esse putatur, equidem non video, cur non eatenus pro vera haberi possit, ut Phocaeenses Massiliensesque iam Tarquinii Prisci aetate aliquod commercium cum Latinis et Romanis exercuisse credamus. — Etruriam antiquissimis temporibus eos adiisse et Herodoti testimonio et thesauro apud Volaterras

1) Iam Roese Fl. Jhrb. 115 (1877) p. 257 verba Μασσαλίων οἰκιζοντες aliena manu addita esse iudicaverat. — Qua tamen athetesi non omnes difficultates removentur.

2) Gesch. d. Karth. I p. 485.

3) Quae tanta est, ut U. Koehler (comment. in hon. Mommseni p. 370) Thucydidem sua ex Herodoto hausisse non iniuria contendere videatur. Cui sententiae multi viri docti propter hunc ipsum maxime, de quo agimus, locum repugnaverunt.

4) Emblemata quorum summa ex aliis petita est scriptoribus, apud Thucydidem verbi causa etiam I 93, 5 (cf. Herbst Phil. 1879 p. 551) et III 84 (cf. Steup N. Rhein. Mus. 1869, p. 350—361; 1872 p. 687; contradixit Stahl N. Rhein. Mus. 1872 p. 278—283; 1873 p. 622—624) inveniuntur.

effosso¹⁾ satis constat. Romanos autem Tarquinio Prisco regnante cum Graecis aliquod commercium habuisse Cicero²⁾ testis est, qui de illa aetate «influxit, ait, non tenuis quidam e Graecia rivulus in hanc urbem, sed abundantissimus annis illarum disciplinarum et artium». — Quarum «disciplinarum et artium» plerasque a Phocaeensibus eorumque colonis acceperunt Romani³⁾. Imprimis antiquissima deorum simulacra ab eis mutuati sunt⁴⁾. Deos autem per simulacra colere ipsa quoque Tarquinii aetate Romani instituerunt⁵⁾.

Quae apud Iustinum sequitur narratiuncula de Phocaeensium duce a filia regis barbarorum per aquam porrectam in matrimonium electo iam ab Aristotele ἐν τῷ Μασσαλιωτῶν πολιτείᾳ⁶⁾ tradita fuerat. De solis personarum nominibus non constat inter utrumque. Iustinus enim Phocaeensium ducem Protim, virginem Giptim vel Gyptim appellat; Aristoteles contra illi Euxeno, huic ante matrimonium Pettae, postea Aristoxenae, filio autem eorum Proti nomina fuisse prodiderat⁷⁾. (De Nani, barbarorum regis, nomine consentiunt.) Atque Euxeni et Aristoxenae nomina ex ipsis rebus conficta esse appetat; Pettae contra et Giptis diversitas valde mira videtur. Quamobrem Trogum in Graeco nomine legendo oculis falsum fuisse haud ab re cōnieceris⁸⁾.

Fabella ab Aristotele et Togo prodita quam mire congrueret cum narratione, quam Charles Mytilenaeus apud Persas divulgatam fuisse rettulerat⁹⁾, E. Rohde¹⁰⁾ animadvertisit. Qui hanc quippe copiosiorem

1) Cf. Gamurrini Periodico di Numismatica e Sfragistica diretto dal march. Strozzi (Firenze) 1872 (IV) p. 208. 1874 (VI) p. 55.

2) De rep. II 19 § 34.

3) Cf. Lange Röm. Staatsalterth. I p. 435.

4) Strabo p. 180 ligneum Diana Aventinae simulacrum eadem figura fuisse dicit atque Artemidis Massiliensis effigiem. — Idem (p. 601) Minervae ξόανα Phocaeae, Massiliæ, Romæ asservata comparat.

5) Varro (ap. August. de civ. dei IV 136; Plut. Num. 8) Romanos per 170 annos nulla deorum simulacra habuisse tradit.

6) Unde ab Athenaeo XIII p. 576 affertur.

7) Propius ad Iustinum Plutarchus accedit Sol. c. 2: ἔνιοι (sc. ἔμποροι) δὲ καὶ πόλεων μεγάλων οἰκισταὶ γεγόνασιν ὡς καὶ οἱ Μασσαλίας Πρώτος ὑπὸ Κελτῶν τῶν περὶ τὸν Ροδανὸν ἀγαπηθεῖς; ubi Πρώτις scribendum.

8) Haec est Gutschmidii sententia, cum codicis Casinatis scriptura «gestis» nisus apud Iustinum «Geptis» pro «Gyptis» vel «Giptis» reliquorum librorum restitui vult. (vide præf. ed. Ruehlanae p. L). Putat igitur ΠΕΤΤΑ a Togo ΓΕΠΤΑ lectum esse. (De similibus Trogi erroribus cf. Gutschmidium Lit. Centralbl. 1872 p. 659).

9) Athen. 1.1. Similia etiam in libro regum (schah-nameh) Ferdusii et in fabulis quibusdam Indicis inveniri Rohde ostendit.

10) Der griech. Roman p. 44 sqq.

magisque expressam quasi fontem fuisse arbitratur, unde narratiuncula illa de Massiliae origine paulo tenuior atque aridior derivata sit. Phocaeenses scilicet Asiae cum gentibus rem gerentes fabellam illam fervidis Asianorum ingeniosis excogitatum excepisse Massiliamque trans-tulisse. Quanquam etiam contrarium factum esse potest, ut simplicior Graecorum fabula ab Asianis excepta in maius augeretur atque amplificaretur¹⁾.

Eadem fere condicio est fabellae a Iustino huic adnexae. Qua Ligurum contra Massilienses insidia a muliercula Graeci alicuius iuvenis amore incensa patefactae esse narrantur. Eadem enim de Meliis Cryassam (Plut. de mul. virt. 8 = scr. mor. p. 304 Düb.) et de Phocaeensibus Lampsacum (Plut. de mul. virt. 18 = p. 315) condentibus traduntur. Qua re hanc quoque fabulam ex Ionia a Phocaeensibus Massiliam translatam esse apparet. — A Massiliensis autem et huic et illi aliquid aetiologicali admixtum est. Protim enim Protiadarum, quod genus Aristoteles sua aetate Massiliae floruisse tradit, heroa eponymum esse apparet; a Ligurum autem incursione «solemni Floraliorum die» facta Iustinus Massiliensium morem etiam pacis temporibus atque adeo festis diebus urbem velut ab hostibus obsessam custodiendi repetit²⁾.

Quanquam igitur singula harum narrationum ficta atque commenticia esse apparet, tamen Phocaeenses initio quidem benigne a barbaris exceptos amicitiam cum eis exercuisse concludi potest; cum vero magnis augescenter incrementis, hostilia a Liguribus passos esse; quos tamen cum bellum Graecis intulissent, magna profligatos esse strage. — Etiam nomen gentis illius Liguris, quacum bellum gesserunt Massilienses, e fabula enucleari potest. — Recte enim Müllenhoff³⁾ Comani regis nomine ipsam Κομανῶν gentem, cuius in finibus Massilia sita erat, indicari intellexit⁴⁾.

De Ligurum bellis quae in dulcedinem fabulac composita esse vidimus, simplicibus verbis hoc modo a Iustino traduntur: «Sed Ligures incrementis urbis invidentes Gracos assiduis bellis fatigabant, qui periculo propulsando in tantum enituerunt, ut victis hostibus in captivis

1) In fabula a Charete tradita duae narratiunculae in unum conflatae esse videntur. Nam mariti per poculum traditum delectus nihil cohaeret cum specie secundum quietem visa adamataque et cum virginis a patre recusatae rapzione.

2) Similem morem in urbe inter truces barbororum gentes posita non mirandum Livius Emporiis Massiliensium in colonia fuisse tradit XXXIV 9, 5.

3) D. A. p. 179. 4) Ptolem. II 10, 8. — Cum antea Μασσαλία Κομανῶν πόλις legeretur, C. Müller ex optimis codd. Κομανῶν restituit.

agris multas colonias constituerent» (c. 3, 13). Ad eadem bella pertinere apparet, quae paulo inferius (c. 5, 1) a Iustino subiunguntur: «Post haec magna illis cum Liguribus, magna cum Gallis fuere bella; quae res et urbis gloriam auxit et virtutem Graecorum multiplicata Victoria celebrem inter finitos reddidit». — Nam quod a prioribus illis bellis separari videntur, Iustini culpa factum esse liquet. — Idem Liguribus perperam Gallos addidit, quos ea aetate, de qua hoc loco agitur, nondum prope Massiliam habitavisse infra videbimus¹⁾.

Colonias illas in capitivis Ligurum agris constitutas iam Hecataei aetate exstisset, Müllenhoff recte inde conelusisse videtur, quod in fragmentis eius (frg. 23 M.) Monoeci, ultimae Massiliensium coloniae orientem versus sitae, mentio fit.

Liguribus devictis barbari a Graecis ad humanum cultum civilemque deducti esse narrantur (c. 4, 1): «Ab his igitur Galli et usum vitae cultioris deposita ac mansuefacta barbaria et agrorum cultus et urbes moenibus cingere didicerunt. Tunc et legibus non armis vivere, tunc vitem putare, tunc olivam serere consuerunt adeoque magnus et hominibus et rebus impositus est nitor, ut non Graeci in Galliam emigrasse, sed Gallia in Graeciam translata videretur». — Quae non ita expedire iuvat, ut Gallos a Iustino vel Togo pro Liguribus substitutos esse²⁾ dicamus. Ligures enim quantum scimus ad Graecorum cultum humanitatemque rudes semper se praebuerunt. Immo vel ipsum Timaeum³⁾ vel Timagenem vel Trogum ex suorum temporum ratione haec exposuisse verisimile est.

Sequitur apud Iustum gravissimae rei memoria (c. 5, 2): «Carthaginiensium quoque exercitus cum bellum captis piscatorum navibus ortum esset, saepe fuderunt pacemque viatis dederunt; cum Hispanis amicitiam iunxerunt».

Ad eadem bella quin referendus sit Pausaniae locus X 18, 7, dubium esse nequit. Qui donaria in templo Delphico collocata de-

1) Nanus, a quo comiter habiti esse feruntur Phocaeenses, rex fuisse dicitur Segobrigiorum. Quod nomen cum ex Gallicis vocibus (sego et briga) compositum esse videatur, aliquid difficultatis habet. Sed factum esse potest, ut nomen alicuius gentis Gallicae inferiore aetate (post Gallorum scilicet migrationem) prope Massiliam habitantis in priscam illam infunderetur fabulam.

2) Id quod c. 3, 4 factum esse videtur, ubi Massilia «inter feras gentes Gallorum» condita esse dicitur.

3) Gallos iam Ephori aetate, i. e. paulo postquam ad Massiliam conserderunt, ad cultiorem vitae usum a Graecis traductos fuisse ex Ps. Scymni v. 183 sq. colligitur.

scribens ὁ δὲ Ἀπόλλων, inquit, ὁ ἐγγυτάτῳ τοῦ λέοντος Μασσαλιωτῶν ἐστιν ἀπὸ τῆς πρὸς Καρχηδονίους ναυμαχίας. Neque enim pugnam Alaliensem spectare¹⁾ potest, cum Massiliensium, non Phocaeensium fuerit illud anathema.— Eodem pertinet Strabonis testimonium p. 180: ἀνάκειται δὲν πόλει (Massiliae scilicet) συχνὰ τῶν ἀκροθινίων, ἢ ἔλαζον (Massilienses) καταναυμαχοῦντες ἀεὶ τοὺς ἀμφισβητοῦντας τῆς θαλάττης ἄδικος.

Iam qua aetate haec bella gesta esse videantur, accuratius definire conemur²⁾. Quod fieri nequit, nisi quae de Carthaginiensium rebus cognita habemus, quamvis sint exigua, adhibueris atque contuleris.—

Atque secundum Meltzerum, qui solus hanc quaestionem diligentius tractavit³⁾, hic est rerum Massiliensium Carthaginiensiumque conexus. Massilia condita Massilienses statim coloniarum emittendarum initium fecisse putat, et primo quidem oram Ligusticam usque ad Etruriam castellis stationibusque saepissime, deinde occidentem versus progressos non solum in Galliae ora, sed etiam in Hispania colonias atque horrea condidisse. Cum igitur Massilienses paene totam oram maritimam inde ab Herculis columnis usque ad Etruriam in sua tenerent dictione, medio fere saeculo sexto a. Chr. n. Carthaginienses surrexisse Graecisque ad id temporis libero cursu occasum versus tendentibus obstissee. Imprimis vero Hispaniam, quam Phoenices olim soli exercuerant, recuperaturos Massiliensibus arma intulisse. Hoc esse bellum a Iustino commemoratum. Massilienses devictos partem orae Hispaniensis amisisse et a Poenis coactos esse, ut certum aliquem terminum se non excessuros esse promitterent. — Quae omnia sine ullo fundamento a Meltzero constituta sunt. Nam primum quidem ipsis Iustini verbis magnopere repugnant. Iustinus enim Carthaginienses a Massiliensibus saepe fusos esse dicit, Meltzer Massilienses a Carthaginiensibus devictos esse putat; Iustinus Massilienses pacem vietiis dedisse refert, Meltzer eos magnam possessionis suae partem ex legibus pacis amisisse arbitratur; Iustinus denique Massilienses post Poenos devictos cum Hispanis societatem iniisse tradit; ex Meltzeri sententia hoc bello magno tractu orae Hispaniensis cedere coacti sunt.— Accedunt haec.

Carthaginienses multo maturius atque Meltzer et plerique

alii¹⁾ arbitrantur, in Hispania consedisse certo Diodori (V 16) testimonio constat, qui eos 160 annis post Carthaginem conditam i. e. circa annum 654 a. Chr. n. Pityusas insulas in suam dicionem redigisse et in maxima harum insularum coloniam condidisse tradit²⁾. Gadium autem expugnationem, post quam magna Hispaniae parte eos potitos esse Iustinus (XLIV 5, 1—12) testatur, ad priscam referri vetustatem inde colligitur quod Athenaeus (περὶ π. 9 Wesch.) et Vitruvius (X 19) tum arictum usum inventum esse narrant, cum ab aliis (Plin. n. h. VII 56 § 202) haec machina ad Troiam oppugnandam primum adhibita esse feratur.

Massilienses contra medio saeculo sexto in Hispania colonias habuisse ab omni probabilitate abhorret. Admodum enim duro atque humili initio usa est Massilia. Quae cum initio nihil esset aliud, quam emporium a Phocaeensibus ad rem cum indigenis gerendam³⁾ constitutum, prima aetate gravibus et diuturnis Ligurum bellis premebatur. Cum vero Ligures tandem aliquando devicti essent, primum terra urbi finitima

1) Movers (die Phoenizier II 2 p. 659) exeunte saeculo sexto Carthaginienses nondum in Hispania fuisse inde conclusit, quod Romani primo foedere Punico, cum Sardiniam, Siciliam, Libyam vicerunt advehiri, ab Hispania non arcentur, secundo contra foedere ab Hispaniae quoque ora ad Mastiam Tarseion usque prohibentur. Sed post ea, quae Unger his de foederibus nuper (N.Rh.M. 1882 p. 153 sqq.) disputavit, dubium esse nequit, quin celeberrima illa controversia contra Polybium Nissenumque, secundum annualium scriptores et Mommsenum dijudicanda sit, quamvis multa Ungeris argumenta probari non possint. Alio arguimento usus Müllenhoff (D. A. p. 111) eandem fere sententiam atque Movers complexus est. Nam cum Σύναις, Μαϊνοβόρα, Σίξος, Μολύβδανα urbes in Hecataei fragmentis (6—10 Müll.) a Stephano Byzantino conservatis non Carthaginiensium, sed Μαστιγῶν dicantur, illos, quos postea has urbes tenuisse putat, Hecataei aetate nondum in Hispania fuisse concludit. Sed, ut alia omittam, ne hoc quidem procerro contendit licet, urbes illas Hecataei temporibus Poenis non subditas fuisse. A Stephano enim saepius urbis nomini nomen gentis, cuius in finibus sita erat, adiungitur, non quo qui eam teneant, significetur, sed ut situs urbis accuratius definiatur. Cf. Ἀγάθη πόλις Αιγύων ἡ Κελτῶν (at Massiliensium erat colonia); Ἡμεροσκοπεῖον πόλις Κελτιβήρων, Φωκαέων ἄποικος. (Idem apud Ptolemaeum fit; cf. Μασσαλία· Κομανῶν πόλις, ubi Unger Sitzgbr. d. bayer. Ak. ph. h. Cl. 1876 p. 551 lacunam iniuria statuit). — Inde autem, quod in exercitu anno 406 a. Chr. n. a Poenis in Siciliam missi Iberes stipendiarii fuisse dicuntur (Diod. XIII 80), illos non habuisse id temporis colonias in Hispania, cum Ungero (Fl. Suppl. VI 199) colligi non posse, vix est quod moneam.

2) Cf. Meltzer Gesch. d. Karth. I 155.

3) Cf. Aristot. ap. Athen. XIII 576: Φωκαές οἱ ἐν Ιωνίᾳ ἐμπορίᾳ χρώμενοι ἔκτισαν Μασσαλίαν. Eodem spectat Plutarchi (Sol. 2) testimonium, qui Massiliae conditorem ἐμπορού fuisse refert.

1) Haec est Meltzeri (Gesch. d. Karth. I p. 485) sententia.

2) Classen (ad Thuc. I³ 13, app.) et Duncker (Gesch. d. Altert. VI⁵ p. 300) haec bella a Phocaeensibus Massiliam contentibus gesta esse putant; quam sententiam vel ipsa rerum a Iustino expositarum serie atque continuatione satis refelli credo. 3) I. l. p. 150—168.

castellis atque coloniis firmando et a barbarorum incursionibus tuenda erat (Iust. c. 4, 13) priusquam in remotiora loca Massilienses se convertere possent¹⁾.

Tenues Massiliensium origines quicunque reputaverit, eum fieri non potuisse concessurum esse credo, ut sexto saeculo a. Chr. n. Poenos devincecent Hispaniaeque ora pellerent. — Hi enim et ipsi illa aetate terra marique multum valebant et cum Etruscis, quos usque ad annum 472 maris imperium exercuisse constat, amicitia atque foedera coniuncti erant²⁾. — Etiam ineunte saeculo quinto Carthaginenses adeo opibus pollebant, ut anno 480 Gelonem Syracusanum trecentis milibus, ut tradit Herodotus, adorirentur. — Sed hoc ipso bello Carthaginensium res inclinatae atque flexae sunt. Himerensi enim clade opes eorum adeo sunt fractae, ut per septuaginta annorum spatium nihil in Sicilia agere auderent. — Paulo autem post (a. 472 a. Chr. n.) etiam Etrusei proelio naval i apud Cumas commisso ita sunt profligati, ut imperium maritimum in omne omittent tempus. — Post has demum Poenorū et Tuscorum clades illae Massiliensium victoriae cogitari possunt.

Quae sententia ipsa Iustini narratione diligentius perponderata confirmatur. Primum enim originem Massiliae refert (c. 3, 4—12); deinde diurna illa cum Liguribus bella narrat (c. 3, 13—4, 12); quae cum confecissent (c. 4, 11), Massilienses colonias in Liguria constituisse et paulatim ad magnas opes pervenisse (c. 5, 1). Tunc demum bellorum cum Poenis gestorum mentio fit (c. 5, 2). Quibus statim narratio de Gallorum in meridionalem Galliam migratione saeculo quarto ineunte facta subiungitur. Vides igitur, etiamsi Iustinum non ea, qua par erat, diligentia Trogum exscriptis concedas, Carthaginensium bella e rerum serie potius ad quintum, quam ad sextum saeculum referenda esse. — Cum vero saeculo quinto exeunte Massilienses in Hispania, quae his ipsis bellis eis patefacta est, multas colonias constitutas haberint, id quod ex Avieni Ora Maritima colligitur, bella illa hanc ita multo post annum 472 a. Chr. n. gesta esse concludi potest.

Iam Iustini enarrationem considerare pergamus. Quae apud eum

1) Cf. etiam Amm. Marcell. XV 9, 7 (= Timagenes): «dein *secutis aetatibus* oppida aucta virium copia instituere non pauca». — Prava Meltzeri sententia inde maxime orta est, quod de aetate Orae Maritimae Avieniana fallebatur. — Praeterea quibusdam scriptorum locis deceptus est, quibus nonnullae Massiliensium coloniae a Phocaeensibus conditae esse dicuntur. Cf. p. 2 sq.

2) Carthaginensium cum Etruscis foedera ab Aristot. Pol. III 9 commemo- rantur. Cf. Meltzer p. 169 sq.

subiunguntur «cum Romanis prope ab initio conditae urbis foedus summa fide custodierunt auxiliisque in omnibus bellis industrie socios iuverunt» etiamsi a veritate non abhorreant, a Trogo (vel Timagine) profecta esse videntur. Neque enim certum aliquod factum eis continetur, sed quomodo Massilienses erga Romanos in universum se gesserint, denotatur. — Accedit quod haec non dici poterant nisi ab eo, qui operas bello Hannibalico et Ligurum bellis a Massiliensibus in Romanos collatas novisset.

De impetu a Liguribus in Massiliam facto, cuius memoria apud Iustinum sequitur, priusquam agatur, Gallorum in Galliam meridionalem migratio paulo accuratius consideranda est.

Gallos in Italia ineunte saeculo quarto a. Chr. n. consedisse nunc quidem inter omnes constat. Livii enim testimonium (V 34 sqq.), qui eos ducentis fere annis prius Alpes transiisse refert, abiiciendum esse Niebuhr satis demonstravit. Sed operae pretium est, quae ab illo narrantur, diligentius exponere: «Prisco Tarquinio Romae regnante» Galliam frugum hominumque tam fertilem fuisse, ut terra multitudinem non caperet. Quamobrem ab Ambigato, rege Gallorum, Bellovesum et Sigovesum, sororis filios, cum magna hominum turba novas sedes quaesitos emissos esse. Deos cum de itinere consulerentur, hunc Hercyneos saltus versus misisse, illi lactam in Italiam viam dedisse. Atque Belloveso cum ingenti incedens agmine ad Alpes pervenisset, allatum esse «advenas querentes agrum ab Saluum gente oppugnari». Massilienses illos fuisse modo navibus Phocaea in Galliam advectos. «Id Galli fortunae suae omen rati adiuvere, ut quem primum in terram egressi occupaverant locum, patientibus Saluis communirent». — Hoc perfecto Gallos Alpes transgressos esse et in Italia consedisse. — Quae Livii narratio ne prorsus respueretur, Unger¹⁾ ita explicandam esse iudicavit, ut, cum recte ad Gallorum in meridionalem Galliam migrationem pertineret, a Livio perperam ad Italiam eam translatam esse diceret. — Gallos igitur c. annum 600 a. Chr. n. in ea Galliae parte, quae hac aetate Provence et Dauphinée appellatur, consedisse putat; ubi cum ducentos fere annos habitavissent, Alpibus traiectis in Italiam irrupisse.

Sententiam suam Unger rationibus aliunde subductis firmare co- natur. Quae tamen fluxae atque fragiles sunt. — Inde enim, quod a Iustino et Plutarcho in antiquissimis Massiliensium rebus exponendis praeter Ligures etiam Galli commemorantur, hos in vicinia Massiliae

1) Sitzungsber. d. bayer. Akad. 1876 phil. hist. Cl. p. 548 sqq.

habitavisse concludi non licet, cum ab inferioris aetatis scriptoribus ex suorum temporum condicionibus facililime substitui potuerint¹). — Idem de Segobrigiorum, Comani, Catumandi nominibus valet, quae Unger Gallicae esse originis vult. Accedit quod horum neque scriptura² neque etymologia³ satis constat, et eiusmodi argumenta per se parum auctoritatis habent. Quod porro Unger nomiullas Gallorum gentes, antequam in Italiam transierint, in Gallia meridionali habitavisse monet, nihil eo probat. Neque enim eas ante annum 387 a. Chr. ibi fuisse demonstravit. Potuerunt autem, cum ineunte saeculo quarto in Provincia consedissent, postea inde in Italiam transmigrare. — Quas vero gentes iam ineunte saeculo quarto in Italiam ex Gallia meridionali transiisse constat, Libuos dico et Salluvios (Liv. V 35, 2), Ligures, non Galli fuerunt. — Neque etiam Plutarchi testimonio (Cam. 15), cui plurimum tribuit Unger, quidquam probari censeo. — Plutarchus enim Gallorum duobus agminibus e patria progressorum partim Riphaeos montes superavisse, partim μεταξὺ Ηυρίνης ὄρους καὶ τῶν Ἀλπεων ἐγγύς Σενώνων καὶ Κελτορίων⁴) consedisse dicit; hos cum multum temporis in meridionali parte Galliae habitavissent, sero (ὅψε) ab Arunte Etrusco vini dulcedine pellectos in Italiam irrupisse. Hoc loco easdem duas narrationes, quae a Livio separatae traduntur, de duabus scilicet Gallorum expeditionibus in diversas partes missis (Liv. V 34)⁵ et de Arunte Etrusco (Liv. V 33), in unum conflatas esse appetat. — Quas cum consociare vellet Plutarchus, non poterat aliter nisi ita, ut illa priore expeditione Gallos non in Italiam, sed tantum usque ad

1) Quod eo facilius fieri poterat, quia Gallorum appellatione non solum ipsa gens, sed quicunque Galliam incolunt significantur.

2) De Segobrigiorum nomine non consentiunt codd.; pro «Catumarus» Ruehl ex optimis libris «Catumarandus» restituit.

3) Quid quod Cuno (Vorgesch. Roms I p. 89 sqq.) omnia nomina Ligura ex lingua Celtica derivat eaque re Ligures Celticae fuisse originis se demonstravisse putat.

4) Σενώνων Sintenis e codd. restituit pro Σεννώνων; idem nomen saepius per o scribitur. — U. I. I. p. 561 Σεντίων καὶ Κατορίγων scriendum esse conjectit. Ego pro **ΚΕΝΩΝΩΝ** καὶ **ΚΕΛΤΟΡΙΩΝ** scriendum esse propono **KOMONΩΝ** καὶ **ΚΕΛΤΕΡΙΩΝ**.

Has enim Ligurum gentes prope Massiliam habitavisse constat. — De corruptelae genere conferas e. g. Plin. n. h. VI § 55: Thuni et Focari codd. pro Phuni et Thocari.

5) Eadem habes apud Iust. XXIV 4. Ceterum scriptorem, quem hoc loco expressit Plutarchus, antiquorem fuisse eo, ad cuius auctoritatem Livius se applicavit, inde concludi potest, quod qui huic Hercynei, illi sunt Riphaei montes.

Alpes pervenisse diceret. Eandem de Arunte Etrusco fabellam, quam falsam atque fictam esse sponte apparere neque Unger negat¹), Polybius (II 17) in mente habuisse manifestum est, cum haec scriberet: οἱς (se. τοῖς Τυρρηνοῖς) ἐπιμηγνύμενοι κατὰ τὴν παράθεσιν Κελτοὶ καὶ περὶ τὸ κάλλος τῆς χώρας ὥρθαλμιασαντες (cf. Liv. «dulcedine frugum maximeque vini captam») ἐκ μικρᾶς προφάσεως (sc. propter Aruntis uxorem a lucumone corruptam) μεγάλη στρατιὴ παραδόξως ἐπελθόντες ἐξέβαλον ἐκ τῆς περὶ τὸν Ηάδον χώρας Τυρρηνοὺς καὶ κατέσχον αὐτοὶ τὰ πεδία. Quamobrem Polybii quoque testimonium cum ipsa illa fabula reiciendum est.

Irrita igitur sunt Ungerii argumenta. — Sed certis rationibus eius sententia redargui potest. Gallos, antequam in Italiam irruperunt, non habitavisse in Gallia meridionali inde colligitur, quod omnes scriptores, si illam de Arunte fabellam exceperis, eos uno impetu ab oceani confiniis in Italiam permigravisse consentiunt. Cf. Heracl. Pont. apud Plut. Cam. 22: στρατὸς ἐξ Υπερβορέων ἐλθόντων; Liv. «ab oceano terrarumque ultimis oris». Maxime autem Ungerii sententiae Iustini testimonium (XXIV 4) adversatur: «namque Galli abundante multitudine cum eos non caperent terrae, quae genuerant, eee milia hominum ad sedes novas quaerendas velut ver sacrum miserunt. Ex his portio in Italia consedit, quae et urbem Romanam captam incendit; [et] portio Illyricos sinus ducibus avibus... penetravit et in Pannonia consedit». Quem locum cum iam Mommisen ad eandem rem atque Livii narrationem referri recte perspexisset, Unger expeditiones a Iustino narratas a Sigovesi et Bellovesi diversas esse contendit: «bei Justinus ziehen die Gallier vereint über die Alpen, und erst in Italien sonderte sich die eine Hälfte ab, um nach Pannoniens d. i. in die Nähe des Adriameeres zu ziehen, konnte also die hercynischen Wälder, das Ziel des Sigovesus, gar nicht berühren». Sed quomodo hoc e Iustini verbis colligi possit, non assequor. Neque per se verisimile est Gallos, cum Alpibus superatis in amoenissimos campos Italiae pervenissent, asperos Illyrici montes repetivisse. Immo alterum agmen ipso initio ab altero seiunetum Hercynieis vel Riphaeis montibus traiectis in Pannionam migravisse²) consentaneum est, et ut hoc Sigovesi ita illud, quod in Italiam irruptit,

1) I. I. p. 547.

2) Cf. etiam Paus. I 41: συλλεγεῖσα δέ σφις στρατιὰ τρέπεται τὴν ἐπὶ Ιενίου καὶ τὸ τε Ιλλυριῶν ἔθνος καὶ πᾶν ὅσου ἄγροι Μακεδόνων ὕκει καὶ Μακεδόνας κύτους ἀναστάτους ἐποίησε.

Bellovesi esse appetet¹⁾. Quod igitur Livius Bellovesum petivisse refert Italianam, Iustini testimonio comprobatur atque confirmatur.

Gallos quinto saeculo a. Chr. n. nondum in Gallia, qua meridiem versus spectat, sedes habuisse multa sunt quae probent. Herodotus enim eos non novit nisi in extrema Hispania (II 33; IV 49). Idem Herodotus prope Massiliam Ligures habitare dicit (V 9). Aeschylus denique Herculem haud procul Massilia pugnaturum esse non hercle cum Celtis, sed cum Liguribus Prometheus fecit vaticinatorem; Strab. IV p. 182²⁾.

Cum vero etiam Scylax et Pseudo-Scymnus (i. e. Ephorus) inter Pyrenaeos et Alpes non Gallos, sed hic Ligures, ille Ligures Iberibus commixtos et Ligures sinceros habitare dicant, M. Duncker³⁾, cui Müllenhoff assentitur⁴⁾, illos initio demum saeculi tertii a. Chr. n. in Galliam meridionalem immigravisse statuit. Sed et Scylacis et Scymni descriptio tantum ad oram maritimam pertinet⁵⁾; quae, cum mediterranea a Gallis occupata essent, Ligurum remanere potuit eo facilius, quod Gallos rei navalium nunquam operam dedisse satis constat. Ephori autem aetate Gallos meridianam partem Galliae et orientalem Hispaniae obtinuisse inde efficitur, quod totam Hispaniam et Galliam Κελτικήν appellavit⁶⁾ et ut Aethiopas terras ad meridiem spectantes, Indos plagam ad ortum versam, Scythes regiones sub axe positas, ita Gallos occidentis solis partes tenere dixit⁷⁾. Idem eos φρέσκα γνως esse et Graecis moribus uti tradidit⁸⁾, unde Massiliensium in vicinia saeculo quarto medio eos habitavisse certo colligitur.

Cum igitur Gallos post Herodotum et ante Ephorum in Gallia Narbonensi, quae postea dicta est, consedisse appareat, eos eadem migratione, qua in Italianam et Pannoniam ineunte saeculo quarto irruerunt, illuc pervenisse per se consentaneum est. Quod cum testimoniis scriptorum optime congruit. Livius enim Italianam, Pannoniam, Galliam

1) Animadvertis quoque quaeso, quantopere singula narrationis Iustinianae cum Liviana congruant; Liv.: «Gallia adeo frugum et hominum fertilis fuit, ut abundans multitudo vix regi posset» = Iust.: «abundante multitudine cum eos non caperent terrae, quae genuerant». Liv.: «in quas dii dedissent auguriis sedes» = Iust.: «ducibus avibus».

2) De fragmentis Hecataei, ex quibus nonnulli viri docti Gallos c. annum 500 ad Narbonem et Massiliam sedes habuisse concluserunt, cf. Müllenh. D. A. p. 96.

3) Origines Germanicae p. 19 sqq. 31 sq.

4) D. A. p. 187. 5) Cf. [Scymn.] v. 200 ἐπειτα παραθαλάττιοι κάτω Λίγυες ἔχονται. 6) Strab. p. 199. 7) Frg. 38 Müll. (= Cosm. Indopl.); Strabo p. 34; [Scymn.] v. 169—182. Hoc eo maioris est momenti, quod Hesiodus (Strab. p. 300) Αἰθιοπάς τε Λίγυς τε ἴδε Σκύθας ἵππημολγοὺς coniunxerat.

8) Strab. p. 199; [Scymn.] v. 187.

Narbonensem, Plutarchus Pannoniam et Galliam Narbonensem eodem tempore ab eis occupatas esse tradunt.

Sed iam quaeris, quid de illa Livii narratione, qua Galli Massiliensibus contra Ligures auxilium tulisse feruntur, statuendum sit. Niebuhr¹⁾ quidem eam «zuverlässig ohne einigen historischen Grund gedichtet» esse indicavit. Eadem Mommseni²⁾ videtur esse sententia. Sed quomodo orta esset haec fabula, neque Niebuhr neque Mommsen explicaverunt. Mihi ipsa narratio a Livio tradita vera esse et rem in facto positam continere videtur; id solum falsum esse censeo, quod ad annum 600 a. Chr. n. relata est. Gallos igitur cum ineunte saeculo quarto in Galliam Narbonensem immigrarent, Massiliensibus contra Ligures auxilium tulisse statuo.

Quae sententia eis, quae Iustinus XLIII 5, 4 sq. tradit, egregio quodaipi modo confirmatur. Quaeritur enim, qua re excitati Ligures, cum Graecorum armis dudum essent pacati, repente consurrexerint et «ad nomen Massiliensium veluti ad commune extinguendum incendium» concurrerint. Altera deinde oritur quaestio, qua re commoti cum urbem Graecam summum adduxissent in discrimen, obsidione abstiterint, et quid fuerit illud auxilium Massiliensibus allatum, quod apud Iustum ad deorum numen delegatur. Ad quae facile responderis, si eis, quae huic narrationi a Iustino subiunguntur, animum adverteris. Inde enim eo tempore, quo Galli meridiem versus se promovebant, illa gesta esse cognoscimus. Qua ipsa re et qui factum sit, ut Ligures concitarentur Massiliamque invaderent, et quorum beneficio Massilienses servati sint, quam optime explicatur. Hoc enim in gentium migrationibus accidere videmus, ut mole hominum procedentium gentes exadverso habitantes excitentur e sedibus longeque propellantur, priusquam ipse populus, a quo oritur motus, adveniret. Quod in magna illa, quae antiqui aevi fine totam fere Europam conturbavit, migratione gentium factum esse nemo ignorat. Sed idem hoc ipso Gallorum motu in Pannonia accidit. Triballorum enim gens adventu Gallorum e sedibus suis excita et in Thraciam protrusa est, ubi Graecorum urbes in ora maritima sitas, Abdera imprimis, obserderunt et in summum adduxerunt discrimen. (Diod. XV 36). Idem eodem tempore in Gallia factum esse quis est quin videat. Gallorum nempe adventantium mole meridiem versus protrusae Ligurum gentes Massiliacae impactae sunt. Galli autem cum pone secuti advenisset,

1) Röm. Gesch. II p. 576.

2) R. G.⁶ I p. 326.

bello cum Graecis contra communem hostem coniuncto Ligures dispu-
lerunt Massiliamque obsidione liberaverunt. Quod cum praeter omnem
spem atque exspectationem accidisset, Massilienses ipsam deam, cuius
in tutela urbs eorum erat, praesentem sibi adfuisse rati sunt. — Atque
hoc auxilio a Gallis Massiliensibus allato explicatur, cur Ephorus, qui
haud ita multo post has res gestas historiam scripsit, illos φιλέλληνας
appellaverit.

Iam vide quam praeclare haec cum Livii narratione recte explicata
congruant¹⁾.

Rerum Massiliensium enarrationi finem facit Iustinus munus pu-
blicum, quo post cladem Gallicam prosecuti sint Romanos, referendo;
ob quod meritum illis ab his ισοπολιτίαν, προεδρίαν, ἀτέλειαν concessas
esse. Cui testimonio, cum prius in dubium vocari soleret, non esse cur
fides derogetur, hac aetate rectissime convenire videtur inter viros
doctos.

1) Livium in Gallorum migratione exponenda Graecum scriptorem secutum
esse iam Odofredus Müller e græcis quibusdam nominum formis rectissime
conclusit; c. 34, 1: «ii regem Celticō dabant» = τῷ Κελτικῷ; c. 34, 7 et 8: Salues
= Σάλυες (cum ceteris locis Liv. latina nominis forma, quae est Salluvii, utatur). — Quibus adde c. 34, 9: Mediolanum = Μεδιολάνιον (cum forma vere latina
Mediolanum sit, cf. Benseler Wörterb. d. gr. Eigennamen s. v.); c. 35, 2: *Poeninon* (sic optimi codd.) deinde ... transgressi; 35, 3: «ab Utente flumine»
= Οὔτεις, Οὔτεντος, cum latina forma Vitis (Plin.) sit. — Graecum illum scriptorem
Posidonium fuisse suspicor a Livio aliis quoque locis expressum. Certe hoc superior
fuisse nequit, si quidem recte Müllenhoff (D. A. p. 432 n.) Hercyneorum nomen
a Posidonio primo non de Alpibus, sed de Germaniae montibus adhibitum esse
contendit. Posidonii igitur errore factum esse videtur, ut res ineunte sacc. quarto
gesta ad annum 600 a. Chr. n. referretur. Confudit nimirum bellum inuenta saec.
quarto a Liguribus Massiliensibus illatum cum altero illo Ligurum bello paulo
post Massiliam conditam gesto. Quod autem Phocaeenses modo in terram egressos
fuisse dixit, cum Galli adventarent, rhetorica quaedam superlatio est. Id ipsum
enim salsum et venustum putavisse videtur, duas hominum extorrium patriaque
profugorum manus sibi obviam fieri mutuoque auxilio iugari; cf. Liv. c. 38, 8:
«religio tenuit», «id Galli fortunae suae omen rati». Cum vero Phocaeenses
Tarquinii Prisci temporibus in Galliam venisse satis constaret, Ligurum quoque
impetum, Gallorum auxilium, totam denique Gallorum migrationem «Prisco Tar-
quinio Romæ regnante» facta esse memoriae prodidit.

II.

De Avieni Ora Maritima.

Orae maritimæ descriptio, quam Rufus Festus Avienus versibus
senariis confecit, cum antea ex eis, quae varii variorum temporum
scriptores dedissent, temere conflata esse putaretur, Müllenhoff
Avienum unum potissimum auctorem et qui illius orae tractum suis
perlustravisset oculis, secutum esse egregia disputatione libro, qui
inscribitur Deutsche Altertumskunde I, inserta evicit. — Veterem
illum periplus ab Avieno expressum ad res a Massiliensibus saeculo
V et IV a. Chr. n. gestas, quae testimoniorum propter penuriam spissa
quadam caligine obvolutæ iacent, illustrandas haud parum conferre
mihi persuasi. Quod tamen priusquam commonstrari possit, qua
ratione periplus ille ex Avieni descriptione enucleandus esse videatur,
exponendum est. Hac enim de re cum Müllenhoff interdum minus
recte iudicavisset, qui nuperrime Avieni poematum tractavit, Unger¹⁾,
etiam turpius falsus est et veritatem, quae ex illius erroribus facile
emergit, confusione pessundedit. Id tamen ostendi nequit, nisi singula
descriptionis Avienianaæ perpenderis. Quae cum ita sint,

«narrationem opusculi paulo altius
«exordiemur»,

ut cum ipso Avieno loquar. Nam primum Avieni descriptionem festi-
nantius sane, ne nimium aberrare videamur, considerabimus et quo-

1) N. Rh. Mus. 1883 p. 157 sqq.; Philolog. Suppl. IV 191 sqq.

modo ex ea extricandus sit vetus periplus, exponemus; deinde ad hunc nos convertemur et quid inde ad Massiliensium res explanandas repetatur, ostendemus.

Initium descriptionis ab his¹⁾ repetit Avienus:

«Terrae patentis orbis effuse iacet
«orbique rursus unda circumfunditur.
«Sed qua profundum semet insinuat salum
«oceano ab usque, ut gurges hic nostri maris
«longe explicetur, est Atlanticus sinus.
«Hic Gaddir urbs est, dicta Tartessus prius,
«hic sunt columnae pertinacis Herculis».

A Gadibus igitur Herculisque columnis exorditur. Pedetentim autem progressus aptato loco ex loco — — ad Gades columnasque denuo pervenit (v. 267—348). Qui id factum? an in orbem circumlatus est? Ungero si credis, ipse veteris periuli auctor re vera gyro decurrit. Putat enim eum a columnis exorsum Hispaniae oram usque ad certum aliquem locum descripsisse, hac ora descripta navem circumegisse et — candem oram denuo descripsisse. Laudarem sane sedulitatem periegetae, qui quo firmius orae imago animis haereret, bis eandem περισθέσαι voluisse; improbarem iudicium, cum alia locorum nomina in hac, alia in illa periegesi exhibuisset. — Sed huius sententiae universa ratio quam sit absurda, longius persequi nolo; singula quanta libidine interpretatus sit Unger, dum praejudicatam opinionem defendit, infra saepius exponendum erit. In praesens, num simpliciore modo difficultas illa tolli possit, videamus.

Neque est, cur altius rimemur. Rectissime enim Müllenhoff²⁾ locum illum, quo tota descriptio mirum quantum turbatur, non a periuli auctore, sed ab Avieno profectum esse statuerat. Ille quidem, utpote in re aperta, argumenta subducere supersedit; nobis Ungeri causa circumspicienda sunt. Avieni, non periuli propria sunt, quae de Atlantico sinu v. 80—84 traduntur. Cohaerent enim cum doctrina illa, quam Avienus e Dionysio³⁾ mutuatus est adeoque adamavit, ut ubicunque occasio data esset, eam profiteretur⁴⁾. Ex qua Atlanticum vel Hesperium mare extra columnas situm et mare

1) V. 19 sqq. 2) p. 88. 3) Perieg. v. 27 sqq.; cf. Strab. p. 122; Ps. Arist. περὶ χόσμου c. 3. Eratosthenem huius sententiae auctorem esse Müllenhoff p. 320 sq. demonstravit.

4) Cf. or. mar. 53—56; 149—150; 392—393; 397—398; 676; descr. orb. 19—20; 52—53; 78—79; 394—395; 397—398.

mediterraneum *unus sinus* oceanii omnia cingentis est, sicut mare Caspium, sinus Persicus, sinus denique Arabius.

cf. v. 396: «prima huius ergo in caespitem insinatio est
«Hesperius aestus atque Atlanticum salum».

orb. descr. 52: «qua se blanda satis intendunt flabra favoni
«Hesperium oceano mare terras intrat ab alto».

Item Avieni proprium est, quod Herculis columnas ad Gades sitas esse supponitur v. 86. Nam hanc quoque sententiam a Dionysio assumpsit¹⁾; περιηγ. 450:

κατὰ μέσσον ὑφεσπερίων στήλας
ἐσχατώντα Γάδειρα φεύγεται ἀνθρώποις.

Cf. Av. orb. descr. 611 de Gadibus: «attollitque caput geminis inserta columnis». Peripli contra auctor ad fretum eas collocat v. 341: «hic Herculanae stant columnae». Avienus etiam v. 163 pro Gadibus, quas hoc loco in genuino periplo commemoratas fuisse ex v. 266 appareat, Herculis columnas substituit. Idem porro v. 562 ab eo commissum esse videtur. Ob eandem denique causam v. 115 Gaditanū «vulgas inter Herculis agitans columnas» ab eo dicuntur.

Sed etiam qua re permotus Avienus v. 80—88 addidisset, recte perspexit Müllenhoff. Quae enim de sinu Atlantico et de Gadibus dicit, ab eo exordii loco prolata esse appetat, a quibus orationem ad Herculis columnas traduceret. De his autem ita pergit: «duro perstreput | septentrione, sed loco certae tenent». Quid amabo columnis Herculeis cum septentrione? Unger²⁾ sane non eas quidem septentrioni, at aquiloni et cauro obnoxias esse dicit (quod unde comperrit non indicat); Avienum autem brevitatis causa pro illis septentrionem posuisse. Sed nugas agit. Non potest explanari hic locus, nisi alias columnas re vera ad septentrionem spectantes in periplo commemoratas fuisse cum Müllenhoffio statueris. Saepius autem ab eiusmodi στήλαις terrarum remotiorum terminos repetebat Graeci³⁾. Herculis vero columnas in oceano boreali exstare divulgatum fuisse Taciti⁴⁾ testimonio scimus.

1) Cf. Strab. p. 170: τοὺς μὲν δοκεῖν τὰ ἄκρα τοῦ πορθμοῦ τὰς στήλας εἰναι, τοὺς δὲ τὰ Γάδειρα, τοὺς δ' ἔτι πορθμῶν τῶν Γαδείρων ἔξω προκείσθαι. . . . οἱ πλεῖστοι τῶν Ἑλλήνων περὶ τὸν πορθμὸν ἀπορῶντες τὰς στήλας οἱ δὲ "Ιβηρες καὶ Λίβυες ἐν Γαδείραις εἶναι φασιν. 2) N. Rh. Mus. I. l. p. 172.

3) cf. Mhff p. 89. 4) Germ. 34: «et superesse adhuc Herculis columnas

Has igitur cum in periplo commemoratas inveniret Avienus, pro Calpe et Abyla, quae sane erant notiores, habuit¹⁾, neque, quae erat eius socordia rerumque geographicarum ignorantia, totam ab his columnis ad fretum usque Gaditanum periegesin penitus hac re everti intellexit.

Oestrymnidis promuntorum, quod deinceps (v. 90 sqq.) ab Avieno commemoratur, sic describitur: vergit in notum; sub eo *sinus Oestrymnicus* positus est, in quo *insulae Oestrymnides* iacent, stanni feraces; hae ab *insula Sacra*, quam *Hierni* colunt, duorum dierum distant navigatione; *insula Albionum* eis propinqua est.

Mhff Oestrymnin Britanniam Minorem, Oestrymnides Britanniam Hiberniamque esse vult. Quod autem Oestrymnides a Sacra insula (Hibernia) et Albione (Britannia) discernuntur, Avieni negligentiae tribuit. Sed hoc ipsum haud parvam habet offensionem. Accedit quod Britannia Minor non ad notum, sed inter septentrionem et occasum spectat²⁾ et plus quam duorum dierum cursum ab Hibernia abest³⁾. — Unger Oestrymnis est promuntorium Sacrum (C. de São Vicente), sinus⁴⁾ Oestrymnicus occidentale Hispaniae latus, Oestrymnides — insulae quaedam Artaborum litori adiacentes. At quomodo occidentale latus Hispaniae unus sinus diei possit, non perspicio. Sacram porro insulam et insulam Albionum pro nescio quibus parvulis insulis ad septentrionale Hispaniae latus positis habet. Nam quod Plinius⁴⁾ Albion vetus Britanniae nomen fuisse dicit, errore Isidori Characeni, quem illo loco Plinius exscripsisse videatur, factum

fama vulgavit». — Quas cum Drusus explorare vellet, «obstitit oceanus in se simul atque in Herculem inquiri».

1) Mhffii sententia, qui ante v. 88 quaedam excidisse opinatur, quibus Avienus ab Herculis columnis ad columnas illas boreales orationem converterit, probari non potest. Neque enim ullum lacunae vestigium exstat neque intellegetur, cur Avienus columnarum Gaditanarum mentionem inieccisset, nisi has cum septentrionalibus confundisset. — Verba «sed loco certae tenent», quibus non hercule notum locum obtinere, ut Mhff voluit, sed ventorum vi firmiter resistere dicuntur (id quod oppositione demonstratur), ab Avieno ad arbitrium addita esse videntur. Certe non ita accipienda sunt cum Ungerо, ut Avienum nescio quocum occulte pugnare dicamus.

2) Prorsus miro modo Mhff hanc difficultatem de medio tollere conatur p. 100. Oestrymnin enim in notum vergere propterea dici putat «weil die dahin schiffenden zuletzt den südwind gebrauchen».

3) Sunt enim plus quam 60 milliarii geographicici, cum unius diei et unius noctis navigatio 25 milliarios (= 1000 stadia) exaequet.

4) N. h. IV 102: «Albion ipsi nomen fuit, cum Britanniae vocarentur omnes» (sc. insulae i. e. praeter Albionem Hibernia, Thule, Mona etc.).

esse censem Unger, cum apud vetustiores scriptores hac significatione non occurrat. Sed cum e vetustioribus rerum geographicarum scriptoribus paucissima ad nos pervenerint sincera, hoc argumentum non id esse apparet, quo auctoritas testimonii Pliniani refringatur. Accedit quod tertium libelli, qui περὶ κόσμου inscribitur, caput, in quo Albionis nomen Britanniae inditur, totum ex Eratosthene pendere Müllenhoff rectissime ut mihi quidem videtur, demonstravit¹⁾. Haec de Albione insula; a qua disiungi non potest Ierna vel Hibernia (hanc enim esse Sacram insulam Avieni Hiernorum, qui eam incolere perhibentur, nomine demonstratur²⁾). Atqui Iernae nomine iam Pytheam et qui eum sequitur, Eratostenem, insulam illam Britanniae adiacentem appellavisse constat³⁾.

Quae Avienus de Oestrymnide prodit, ad unam unice Cornubiam (Cornwallis) quadrant. Huius extrellum promuntorium in notum vergit, huius sub vertice sinus dehiscit (Mountsbay), hic insulae laxe iacent, a quibus Ierna bidui distat cursu, propinquia patet Albion⁴⁾. Redeo igitur ad opinionem iam dudum prolatam, a recentioribus iniuria repudiatam, ex qua Cassiterides, quas easdem esse appetat atque Oestrymnides, Silurum insulae sunt (Scilly-islands). Cum Cornubia, in qua stannum gignitur, propter vada navibus onerariis ipsa adiri non posset, incolae levibus cumbis corio circumfusis metallum in insulas prope sitas transferebant (v. 97—108)⁵⁾, unde a Cartha-

1) p. 318—324. Eratostenem rursus Pytheam secutum esse Mhff suspicatur. Hanc sententiam Unger (l. l. p. 159) impugnat, contra Eratostenicam illius loci originem nihil afferit.

2) Ceterum non iniuria Gutschmid (Liter. Centralbl. 1871 p. 525.) quod Sacra dicatur, Avieni negligentiae tribendum esse censem, qui cum IEPNH scriptum esset, oculorum errore IEPH legerit. Talia in Dionysio vertendo saepius Avieno accidisse constat.

3) Berger die geogr. Fragmente des Eratosthenes p. 380 sq.

4) Etiam apud Avienum pro Albionum Albion scribendum esse putaverim cum Meinekio (vind. Strab. p. 39). Corrector nimurum nescio quis graecae terminacioni prave intellectae latinam superscripserat, quae a librario cum illa coniuncta est. Idem prorsus v. 520 factum est, ubi pro Barcinonum Barcinon restituendum.

5) Plin. XXXIV § 156: «cassiteron... fabulose narratum in insulas Atlantici maris peti vitilibusque navigiis circumfusis corio advehi.» VII § 206: «etiam nunc in Britannico oceano vitiles corio circumfusae fiunt (naves)». Cf. Mhff p. 473. Timaei aetate ob eandem causam stannum e Cornubia in Ictim insulam (Wight) ab incolis transportabatur, unde a Massiliensibus per Galliam Massiliam avebatur. Plin. IV § 104. Cf. Diod. V 21—23.

giniensibus, Tartessiis, Gaditanis petebatur (v. 114). Cum vero saepissime fiat, ut quo loco aliqua res veneat, ibi gigni ab hominibus perhibetur, ipsas Oestrymnides «metallo divites» esse «stanni atque plumbi», ipsas Cassiterides κασσίτερον generare pervulgatum est.

De *Ligurum terra* (v. 129—133), quae «ab insulis Oestrymnicis» septentrionem versus sita esse dicitur, melius infra¹⁾ agetur.

Magnum sinum, qui deinceps ab Avieno commemoratur (v. 146 sqq.), Cantabricum esse sinum, qui hac aetate golfe de Biscaya appellatur, recte perspexit Mhff. Ab eius littore ad «mare Sardum» pediti septem dierum iter esse dicitur (v. 148—151). Pro «Sardum» Mhff cum Wernsdorfio «Sordum» scribi voluit, quoniam v. 552 Sordi ad pedem Pyrenaeorum, qua mari tanguntur mediterraneo, habitare perhibentur. Septem autem dierum itinere spatium indicari putat, quo horum montium promuntoria in sinum Cantabricum et mare mediterraneum proiecta distant. Baiona usque ad Portum Veneris (Port Vendre) mensus. Quod spatium quanquam septem dierum itineris modum non excedit — sunt enim directa linea circiter 50 mill. geogr.²⁾ — tamen cum omnes fere Pyrenaeorum valles transversae essent superandae, hoc iter non solum septem diebus, sed omnino confici posse nego. Qua re Wernsdorffii coniecturam non solum non necessariam, sed falsam esse apparet. — Mihi spatium, quo intimus sinus Cantabrii recessus et ora Tarragonensis distant, indicari videtur. Id secundum huius aetatis tabulas geographicas, recta si metaris linea, 48 milliariorum geogr. est, cum Plinius³⁾ 307 milia passuum (= 61 mill. geogr.), Strabo⁴⁾ 2400 stadia (= 60 mill. geogr.) computent.

Unger verba «qua mare insinuare se dixi ante terris» (v. 149—150), quippe quibus ad v. 79 sqq. respiciatur, ad fretum Gaditanum referenda esse contendit. Sed eis, quae ad v. 79 sqq. monuimus, satis refelli videtur⁵⁾.

1) Cf. p. 32. 2) Unius enim dici iter terrestre trecenta circiter stadia vel 7—8 millarios geograph. aequavisse Unger (l. l. p. 188) optime demonstravit. Locis, quos ille magno cum legentium usu concessit, addit Dion. Per. v. 985, ubi Euphrates et Tigris septem dierum distare dicuntur. Atqui secundum Strabonem 2400 stadia (= 60 mill. geogr.) sunt. 3) N. h. III § 29: «latitudo (sc. citerioris Hispaniae) a Tarracone ad litus Olarsonis CCCVII (sc. m. pass.).»

4) Strab. p. 161: ή ἐκ Ταξάκωνος ἐπὶ τοὺς ἐσχάτους ἐπὶ τῷ ὠκεανῷ Οὔσκωνας τοὺς κατὰ Πομπέλωνα καὶ τὴν ἐπ' αὐτῷ τῷ ὠκεανῷ Οἰαστῶνα πόλιν ὁδός ἔστι σταδίων δισκιλίων τετρακοσίων πρὸς αὐτὰ τὰ τῆς Ἀκυτανίας ὅρια καὶ τῆς Ιβηρίας. 5) Idem Unger «huius» pronomen (v. 148) non ad sinum, sed ad

Magnus ille sinus usque ad *Ophiusam* pertinere dicitur. Hanc igitur regionem ab extrema Hispania, qua inter septentrionem et occasum spectat, incipere apparet. Haec autem de ea produntur v. 152—154:

«Ophiusa porro tanta panditur latus,
«quantam iacere Pelopis audis insulam
«Graiorum in agro».

Quae tantas turbas Müllenhoffio¹⁾ dederunt, ut ea non solum ab interpolatore profecta, sed quae ille addidisset, ab Avieno rursus male intellecta esse coniectaret. Sed non difficilia sunt ad explicandum, modo ad «*latus*» vocem animum attendas. Oram²⁾ enim *Ophiusae* tantum patere dicit Av., quantum oram Peloponnesi; eodem scilicet tempore illam praeternavigari, quo haec circumvehatur. Peloponnesi circuitum, sinuum ratione non habita, quattuor millium vel quattuor millium quingentorum esse stadiorum veteres expubant³⁾, quae centum vel centum et duodecim mill. geogr. adaequant. Hunc numerum ad *Ophiusae* oram, cuius longitudo v. 200 definitur, optime quadrare videbimus⁴⁾.

Cum *Ophiusa* antea vocata fuisse dicatur Oestrymnis (v. 154). appellativam huic nomini vim inesse, propter quam ad remotiorem quoque illam regionem, ubi primum adiri coepta esset, transferri potuisse, Mhff haud abs re conieciisse videtur. Quoniam vero et in hac Hispaniae parte et in Cornubia stannum proveniat, regionem stanni feracei illo nomine denotari magna cum veritatis specie suspicatur⁵⁾.

Ophiusae autem nomen haec regio inde traxisse perhibetur, quod incolae a serpentibus expulsi sint (v. 156—157). Atqui v. 195 eius incolae nominatim afferuntur. Stolidam istam etymologiam ab eo, qui paulo post incolas «vacuae glebae» illius enumeraturus esset i. e.

Ophiusam, usque ad quam ille extenditur, referri contendit. At postea demum *Ophiusae* descriptio adnectitur ibique ita infertur («*Ophiusa porro* etc.»), ut praecedentia non ad *Ophiusam* pertinere apparet.

1) p. 98. 2) Latus enim saepius apud Avenum oram significat; cf. v. 405: «produciturque latere prolige vago» (ubi Wernsdorf littore scribi voluit); v. 375: «propter Europae latus»; descr. orb. 687: «ac latus omne soli procul in dispendia cedit».

3) Strab. p. 335: ή δὲ περίμετρος μὴ καταχολπίζοντι τετρακισχιλίων σταδίων, ὡς Ηελύβιος: Ἀρτεμίδωρος δὲ καὶ τετρακοσίους προστίθησι. Plin. IV § 9.: «circitu DLXIII m. pass. colligit, auctore Isidoro.»

4) Unger p. 186 pro suo, ut solet, arbitrio ambitum orae *Ophiusiae* cum *longitudine* Peloponnesi, qua ad *occiduum diem* vergat, comparari subsumit. 5) p. 99.

a peripli auctore proferri non potuisse optimo, ut mihi quidem videtur, iure Mhff contendit. Neque enim contradictionem istam ita de medio tollere licet, ut cum Ungero alias Ophiusae partes habitatas, alias desertas fuisse statuamus.

Veneris iugum et duas parvulas insulas (v. 158 sqq.), quae a Müllenhoffio perperam in uno sinus Cantabrii recessu collocantur, in Gallaeciae litore posita fuisse apparet, quippe cum post Ophiusam commemoratam afferantur. Utrum Trileuctum promuntorium (C. Ortegal) an Nerium (c. Finisterre) pro Veneris iugo habeas, ambigere licet.

Aruium¹⁾ prominens (v. 160—162) idem esse et per formam nominis et per situm atque Ptolemaei 'Ὀρούτον²⁾ in aperto est. Hinc enim in columnas Herculis, i. e. ad Gades³⁾, quinque dierum iter navibus esse dicitur, i. e. 5000 stadia vel 125 mill. geogr. Hoc ipsum spatium inter promuntorium, quod hodie C. Silleiro vocatur⁴⁾ et Gades, tabulas si inspexeris geographicas, intercedere videbis⁵⁾. Quod porro Aruium in septentrionem vergere dicitur, item ad hoc promuntorium optime quadrat.

Insulam Saturno sacram (v. 164 sqq.) Unger⁶⁾ recte pro ea habet, quae a Romanis Londobris vocabatur, hodie Berlenga audit. Ad eandem optime convenire, quod «pelagia» et «herbarum abundans» dicatur, idem bene exposuit.

Prominens Ophiusae⁷⁾ (v. 171) prom. esse Olisponense (C. de Roca)

1) Mhff Wernsdorfium secutus v. 160 pro «Aryum» «Aryi iugum», v. 172 pro «absque arvi iugo» «atque ab usque Arvi iugo» scripsit. Sed rectissime Unger (p. 189 n. 3) medium huius vocis vocalem produci animadvertisit. Quamobrem hoc loco «absque Arui iugo», illo «Aruium» scribendum est.

2) II 6, 2. Ceterum nonnullis libris manuscriptis apud Ptolemaeum quoque formam Ἀρούτον commendari C. Müller ad h. l. animadvertisit.

3) Cf. supra p. 23.

4) Hoc enim Ὀρούτον Ptolemaei esse Ukert II 1 p. 283 vidit.

5) C. Finisterre, quod Mhff pro Aruio habet, plus quam 125 mill. geogr., C. Carvoeiro, quod Unger Aruium esse vult, multo minus Gadibus distat.

6) p. 191. Animadvertisendum tamen est, eum qui, sicut U., Aruium C. Carvoeiro esse putet, Saturni insulam pro Londobri habere non posse, quippe quae ante hoc promuntorium sita sit. Quae ab U. ad hanc difficultatem removendam afferuntur, nullius sunt momenti.

7) Ex bella C. Müller's conjectura, qui pro «moras», quod ed. Ven. praebet, «in auras» scripsit. Qua recepta non est, cur cum Müllenhoffio quidquam excidisse statuamus.

inde colligitur, quod ab Aruio bidui cursum distare proditur (v. 173—174). Cabo enim de Roca 50 mill. geogr. a Cabo Silleiro abest.

Qui sequuntur versus 174—177 ad totam peripli rationem cognoscendam permagni sunt momenti.

«at qui dehiscit inde prolixo sinus,
«non totus uno facile navigabilis
«vento recedit: namque medium accesseris
«zephyro vehente, reliqua depositum».

Quibus Gutschmid et Christ aestuarium Tagi fluminis (Ria de Lisboa) designari putant. At hoc aestuarium sinus isque prolixo dehiscens nullo pacto dici poterat. Neque cur quibus ventis pateat, indicetur, atque adeo cur omnino commenoretur, perspicitur, cum adeundi nulla fuerit necessitas oram legenti. Si autem dignum id habuit peripli auctor, cuius faceret mentionem, cur venti ad intrandum necessarii afferuntur, non afferuntur venti ad exundum idonei? Rectum sine dubio hoc quoque loco Mhff¹⁾ vidit, qui his versibus sinum Cantabricum (golfo de Vizkaya) describi intellexit. Hoc sane minus probabiliter posuit, verba nescio quo easu suo loco mota esse. Melius C. Müller²⁾ hunc Avieni locum cum posterioris actatis geographorum sententia convenire animadvertisit. Qui cum Europam occidentem versus in cuneum tenuari crederent, extrema Hispaniae parte, quae inter septentriones et occidentem interposita est, neglecta, oram inde a promuntorio Magno (vel Olisponensi) recedere, sinumque, qui Hispaniae Galliaeque lateribus efficitur, ab hoc promuntorio incipere putabant³⁾. Hoc loco nonnullisque aliis similibus innixus C. Müller summam de terrarum situ opinionem, quae descriptioni Avieniana subsit, eis erroribus turbatam esse contendit, qui a descriptione αὐτοψίᾳ confecta alieni et posteriorum demum geographorum ad terrarum, quas describerant, ignorantiam delapsorum proprii sint. Quamobrem Müllenhoffii de vetere periplo ab Avieno converso sententiam reiciendam esse iudicat. — At hanc sinus Cantabrii mentionem ab eo, quem potissimum sequitur Avienus, fonte alienam fuisse

1) p. 100.

2) I. l. p. 112.

3) Plin. IV 113: «Excurrit deinde in altum vasto cornu promuntorium quod aliqui Artabrum appellaverunt, alii Magnum, alii Olisponense... Illo finitur Hispaniae latus et a circuitu eius incipit frons; septentrio hinc oceanusque Gallicus; occasus illinc et oceanus Atlanticus.» Mela III 16: «At Lusitania... trans Anam, qua mare Atlanticum spectat, primum ingenti impetu in altum abit, dein resistit et se magis etiam quam Baetica abducit.»

luce clarius est. Genuina enim descriptio illum iam antea (v. 146) et suo quidem loco exhibuerat. Additamentum igitur aliunde illatum hoc loco subesse apparet. Cuius rei alterum exemplum v. 156 sqq. exstare supra notavimus. Verum enim vero multis aliis quoque locis idem factum esse infra videbimus (v. 129; 180; 196; 238; 249; 259; 329; 426; 443; 467; 474; 581). Quid igitur? Statuamusne haec omnia ab Avieno profecta esse? Qui quin genuino periplo addiderit quaedam aliunde petita, dubitari nequit¹⁾. Quae tamen ad terrarum situm nihil pertinent. Illa contra, etiamsi veteris periopi ratione contraria sint, cum posteriorum geographorum placitis ita congruunt, ut ab eo tantum inserta esse possint, qui aliquam saltem terrarum in periopi descriptarum intellegentiam habuerit. Atqui Avienum rerum geographiarum quam rudissimum regionumque, quas describebat, tam ignarum fuisse apparet, ut earum imaginem quamvis confusam atque inconditam ne adumbrare quidem mente potuerit. Praeterea cum obscurae cuiusdam doctrinae speciem prae se ferre studeat, certe unde ea protulisset, indicare non omisisset. Maxime vero unius alicuius loci (v. 323 sqq.), de quo infra dicetur, ratione commoveor, ut illa in perioplum illata credam, antequam ab Avieno versus sit²⁾.

Vides igitur me ad Müllenhoffii sententiam redire, qui perioplum ante Avienum ab homine quodam inferioris aetatis retractatum et per omnes partes interpolatum esse censem; quanquam longe aliis argumentis innitor neque de singulis cum Müllenhoffio consentio. Hanc Müllenhoffii sententiam cum reliqui viri docti modo non abominentur, solus Gutschmid — qui sane multorum instar est — approbavit et, qua est sagacitate, signum aliquod commonstravit, quo interpolatoris illius emblemata saepe cognoscerentur. Namque interpolatorem contrarium atque eum, qui in genuina descriptione observaretur, ordinem sequi ostendit v. v. 576—584³⁾. Id ipsum de hoc quoque loco valet, quoniam sinus Cantabriici descriptio in contrarium pergit atque reliquarum regionum. Qua re nostra de loco ab interpolatore profecto sententia vide quam egregie confirmetur.

1) Mhff p. 77. 2) Cf. etiam v. 470 sq.

3) Unger iudicium «ein so consequent durchgeführter widersinn hätte aber doch wohl nur entweder von einem betrüger oder einem tollhäusler ausgehen können.» Philol. Suppl. IV p. 267) nimis acerbum videtur, cum negligentiae crimen sufficeret. Nimurum interpolator, cum auctoribus ab oriente sole ad occidentem pergentibus uteretur, quae ab his mutuatus erat ad periopi rationem retractare supersedit.

A promuntorio Ophiusae ad «Tartessiorum litus» plus quam quattuor dierum iter pediti esse dicitur (v. 178—179). A Tagi ostio usque ad ostium Anae (hinc enim Tartessios habitare videbimus) linea recta 30 mill. geogr. sunt, id quod cum Avieno bene convenit¹⁾. Ab eodem loco usque «ad nostrum mare Malacaeque portum» quinque dierum iter esse prohibetur. Quod cum a locorum ratione magnopere abhorreat, Müllenhoff²⁾ et Unger³⁾ per aliquem Avieni errorem explicare frustra conati sunt. Rectissime C. Müller⁴⁾ hoc quoque loco illam posteriorum geographorum de Hispaniae forma opinionem subesse perspexit. Interpolatori igitur eum tribendum esse apparet. Atque a genuino periplo hunc locum alienum fuisse vel ex Malacae nomine usurpatu cognoscitur. Quae urbs cum in periopi Maenace appellaretur, ab interpolatore «Malaca» substitutum est; vide v. 425 sqq.⁵⁾.

Cepresicum iugum (v. 182) Βαρθάριον ἄκρων Strabonis et Ptolemaei (Cap Espichel) videri, *Achalen* insulam (v. 184) in sinu Saetobrigensi (bahia de Setuval) quaerendam esse recte iudicat Müllenhoff.

Sequuntur incolae Ophiusae v. 195 sqq:

«Cempsi atque Saeves arduos collis habent
«Ophiusae in agro; propter hos pernix Ligus
«Draganumque proles sub nivoso maxime
«septentrione collocaverant larem».

Ligures nunquam in Hispania habitasse satis constat. Unger iudicium, quibus contrarium demonstrare conatur⁶⁾, fluxa sunt atque fragilia. Nam quod Thucydides⁷⁾ Sicanos ex Iberia Sicanique fluminis regione a Liguribus expulsos esse tradit, tota haec narratio quippe in Sicanorum Sicanique fluminis nominum similitudine posita iamdudum explosa est. Neque ex lacus Ligustini⁸⁾ nomine quidquam colligi posse in aperto est. Stephani autem Byzantini⁹⁾ notam, qui Ligystinen Iberiae Ligurum urbem esse

1) Terrestris itineris spatium indicare nisi in compendiis per regionem mediterraneam faciends ineptum est, cum orae modus navium cursu definiatur. Vel ob hanc causam Unger iudicium reicienda est, qui quattuor illos dies ad litoris tractum inde a Sacro promuntorio usque ad Iberum flumen (Rio Tinto) referri vult.
2) p. 102. 3) p. 192. 4) p. 113. 5) Unger ipse quoque Malacae nomen a genuino periplo alienum fuisse censem. (Philol. Suppl. IV p. 236.)

6) N. Rh. M. 1883 p. 179. 7) VI 2. 8) Avien. v. 284.

9) Λιγυστίνη· πόλις Αιγαίων τῆς δυτικῆς Ιβηρίας ἐγγύς καὶ τῆς Ταρτέσσου πλησίον οἱ οἰκοδύτες Αἴγιες καλοῦνται. Steph. p. 416 Mein.

perhibet, in coniectura a nomine petita inniti appetit. Quod denique Eratosthenes¹⁾ paeninsulam Ibericam Ligusticam appellavit, inde est repetendum, quod omnes regiones sub occasu positas antiquus a Liguribus, sicut postea a Celtis, habitari credebantur²⁾. — Apud Avienum Ligures ab Ophiusa septentriones versus degere dicuntur. Cum vero ab Ophiusa, cuius borealis pars Gallaecia efficitur, septentriones versus progredienti oceanus occurrat, hunc quoque locum ad posterioris aetatis geographorum sententiam accommodatum esse appetit, qui Hispaniae oram inde a promuntorio Olisiponensi eodem tractu, quo Galliae occidentalem oram, se extendere putabant. Hanc sententiam si acceperis, Ligures Draganumque proles ad Ligerem fluvium habitavisse dicentur, id quod item cum quorundam senioris aetatis geographorum opinione, quamvis aperte falsa, convenit; Steph. Byz. p. 416: Λιγύρες ἔθνος προσεχές τοῖς Τυρρηνοῖς ἀπὸ Αἰγύρου ποταμοῦ. Quae cum ita sint, Ligures Draganumque³⁾ prolem interpolatori tribuendos esse satis, opinor, manifestum est. Animadvertisendum vero eum hoc quoque loco in contrarium pergere atque periuli auctorem.

His ita expositis etiam de alio loco (v. 130 sqq.), quem supra intactum reliquimus, indicare licet. Ab insulis Oestrymnicis sub axem versus «caespes Ligurum» positus esse dicitur. Etiam hic nullus Liguribus locus. Nimirum interpolator, qui hoc quoque loco ordine genuinae descriptioni contrario coarguitur, hanc Oestrymnin ad septentriones sitam cum altera illa, quae postea Ophiusa appellata est, confudit, et quae de hac valere eredebat, ipsa quoque retulit de illa. Cum autem ad Ligerem fluvium, de quo Ligurum nomen derivandum esse arbitrabatur, non Ligures, sed Celtas sedes habere non ignoraret, illos quidem olim istic habitavisse, postea ab his propulsos esse coniecit v. 132 sqq:

«namque Celtarum manu
«crebrisque dudum proeliis vacuata sunt,
«Liguresque pulsi, ut saepe fors aliquos agit.
«venere in ista, quae per horrentes tenent⁴⁾
«plerumque dumos».

1) Strab. p. 92. 2) Cf. supra p. 18. Ob eandem causam, id quod Mhff p. 81 u. recte monet, Circe ab Euripide Λιγυστίς audit, et a Sophocle Λιγυστική ut regio ad occasum posita recensetur.

3) Cum hoc nomine C. Müller (Philol. 1873 p. 116) haud abs re Dercynum, Alebionis, qui ab Hercule victus est, fratrem, comparavit. Minus apte Unger (l. 1. p. 193) Tarcynacos (Steph. Byz. p. 603) contulit, quod nomen ad Tarquinios pertinere crediderim.

4) Quod in v. v. sqq. tempore procedente de montibus «in marinos locos» (in

Ob hanc ipsam causam cum altero illo loco de Cempsis atque Saefibus praesens adhibeat tempus («habent»), de Liguribus plus quamperfectum («collocaverant») usurpatur.

*Poetanion insulam et portum*¹⁾ (v. 199 sq.) aut ad promuntorium, cui nomen est C. Sines, aut ad promuntorium, quod C. Sardão appellatur, referamus necesse est²⁾. Inde Cempsis *Cynetes* adiacere dicuntur. Hic igitur terminus Ophiusae erat. Ab eo, quod priore loco dixi, promuntorio Trileucum, a quo Ophiusam initium capere vidimus, 105 mill. geogr., ab altero 110 mill. distat, parvorum Gallaeciae sinuum ratione non habita. Quod optime quadrat ad v. 152 sqq.

Cyneticum iugum (v. 201) sub occasu positum et «ditis Europae extimum» esse perhibetur. Quamobrem quin cum Müllenhoffio pro promuntorio Sacro (C. de São Vicente) habendum sit, dubitari nequit. Consentit igitur periplus cum Herodoto et Herodoro, qui occidentem solem versus ultima Europae a Cynetibus habitari tradunt³⁾.

Quae sequitur descriptio, magna difficultate laborat. Etenim post iugum Cyneticum *Ana amnis* commemoratur et «per Cynetos» effluere dicitur (v. 205); deinde *sinus in meridiem patentis* mentio fit (v. 206 sq.), quo sinum inter promuntorium Sanctae Mariae et Guadalquivir flumen interpositum (golfo de Cadiz⁴⁾) indicari in aperto est. In hunc Anas duobus oribus immitti narratur (v. 208—211). Sequuntur «*cautes Saturni*

oram nimirum maris mediterranei) descendisse narrantur, non pugnat cum hoc loco. Neque enim universi ista loca reliquisse dicuntur. Quam ob rem non est cur vv. 139—145 ab Avieno potius quam ab interpolatore profectos esse credamus. — Müllenhoffio tamen, qui inde de huius patria atque aetate coniecturam facit, non possum assentiri.

1) V. 199 ed. Ven. praebet: «Poetanion autem est insula ad se fumum latet». C. Müller optime, palaeographicam si spectas rationem, «ad Saefum latus» scripsit. Eodem enim modo v. 375 «latus» in ed. Ven. in «latet» corruptum est. Terminationem autem — um a librario additam esse quo vocabulum latinum effingeret, nemo non videt. Hoc sane aliquid difficultatis habet, quod si eam acceperis, Cempsi et Saefes *permixti* Ophiusam incoluisse putandi sunt. 2) cf. Mhff p. 106 n.

3) Hdt. II 33. IV 49. Herodot. ap. Steph. Byz. p. 323. Unger (N. Rh. M. 1883 p. 194.), quo Cyneticum iugum ad promuntorium *Sæ Mariae*, quod Cuneus audit apud posteriores geographos, referre possit, primum quidem Herodotum Herodorumque illud per errorem pro extremo Europae habuisse sumit, deinde Avienum illorum errorem corrigere statuit; haec enim cum dicere velle putat: non esse *extremum Europæ* Cyneticum iugum, sed *ditis Europæ*. Quam sententiam profecto non est cur pluribus refellamus.

4) Quem ab *Ana* (Guadiana) incipere perperam statuit U. (Phil. Suppl. IV p. 207).

sacra» adiacentesque *duae insulae*, quarum minorem nomine carere, alteram Agonida appellari (v. 212—216). Commemorato denique *saxeo litore*, quod multas capras aleret (v. 216—221), haec addit Avienus (v. 222—223):

“hinc dictum ad amnem solis unius via est,
“genti et Cynetum hic terminus”.

V. 266 ab Ana usque ad sinum Tartessium item unius diei cursus esse refertur. Apparet igitur hoc loco orae tractum ab aliquo loco magis ad occasum sito *usque ad Anam* significari¹⁾. Unde periplo hoc demum loco ad Anae ostium pervenisse colligitur. Avienus igitur, rem si spectas, ab Ana («hinc») usque ad Anam («dictum ad amnem») unius diei cursum esse asserit. Quod quomodo factum sit, ut intellegatur, paulo altius egrediendum est.

Avienus cum suam versus pangendi facultatem ostentaturus et reconditarum quarundam litterarum prae se latus scientiam opera sua componeret, num quae tradebat ad locorum naturam convenienter, minus curabat neque ut erat rerum geographicarum inscius curare poterat. Hoc maxime ex ratione, qua singula inter se connectit, elucet. Etenim utrum descriptio procedat an consistat an ad priora respiciat nihil perpendens locorum nomina particulis *hic*, *hinc*, *illuc*, *inde*, *tum*, *porro*, *propter*, *post*, *iuxta*, promiscue et ad libitum usurpati infert. Eodem pertinent «*hoc loco*», «*his locis*», «*per illa*», «*per quae*», «*post quae*», «*nec longe ab istis*» etc. Atque per talia ordinem descriptionis saepeturbari Müllenhoff²⁾ quoque et Unger³⁾ perspexerunt, quanquam non semper hanc sententiam ea, qua par erat constantia, secuti sunt. Immo illarum, ut ita dicam, figurarum rhetoriarum, quippe quibus non res, sed verba connectantur, nullam rationem habendam esse apparent. — Eadem porro Avieni negligentia factum est, ut nomina locorum, quae obiter et subsicive certa aliqua occasione data commemorarentur in periplo, in descriptionis ordinem intruderentur⁴⁾.

1) Unger, qui «solis unius viam» de terrestri itinere accipi vult, eis, quae p. 31 n. 1 adnotavimus, satis redargui videtur.

2) p. 95; 115; 116. Quae autem de peripli ratione inde conclusit, fundamento carent.

3) Philol. Suppl. IV p. 209; 230; 233. Quanquam quae sit huius rei causa, non intellegit U., cum talia «im fortsetzenden sinn» dicta esse et iam in periplo fuisse putat.

4) Idem Dionysii periegesin vertenti accidit Avieno. Cf. Dionys. v. 168:

Quae si tenebis, illi quoque loco, de quo deflexit oratio, aliquod lumen afferri videbis. Nimirum «hinc» particula ab Avieno ex libidine adjecta est, cum in periplo nihil legeretur nisi ad Anam «unius solis viam» esse. A quonam loco tantum distaret ut disertis verbis non declarabatur, ita ex praecedentis distantiae indicatione apparebat¹⁾. Qua cum orae tractus inde a promuntorio Ophiusae usque ad illum ipsum, de quo quaeritur, locum significatus esset, iam in ipso periplo exciderat²⁾. — Qui autem fuerit ille locus, haud difficile est ad investigandum; unius enim diei cursum ab Ana occidentem versus progressi ad promuntorium Sacrum i. e. ad iugum Cyneticum pervenimus. Quod cum a promuntorio Ophiusae item unius diei cursum distet, singulis spatiis computatis quinque illi dies efficiuntur, quos Aruium ab Herculis columnis vel potius a Gadibus abesse dicitur v. 164³⁾.

Ex eis, quae supra exposuimus, etiam quomodo factum sit, ut Anas v. 205 sq. et 208 sqq. ante tempus commemoraretur, satis explicatur. Nam cum in periplo Cynetes usque ad Anam pertinere dicerentur, Avienus Anam obiter commemoratum in descriptionis seriem recepit⁴⁾. — Idem fecit, cum deinceps sinum illum in meridiem patentem propter limum ab Ana per duo ora advectum crassum lutinosumque liquorem habere in periplo legisset.

Cum ad Anam usque Cynetes sedes habeant, ab Ana ad Tartessum *Tartessii* incolunt (v. 223—225). Hoc quoque loco Tartessus, cuius subsiciva in periplo facta erat mentio, ab Avieno descriptionis ordini insertus est.

Iugum Zephyro sacratum et arcem (χρυσν) Zephyridem montes esse haud procul ab Anae ostio ad orientem solem sitos recte perspexit Mhff⁵⁾. Quae deinde sequuntur (v. 238—240):

Κιμμέριοι ναίουσιν ὑπὸ φυχρῷ ποδὶ Ταύρου = Av. descr. orb. 250: «Cimmerii gens dura colunt; *hic* ardua Taurus etc.» — Dion. v. 280: τόθι σύρεται Ἀδριάς ἀλμη | πόντον ἐις ἀγχίπορον Ἀκυλήιον· ἔνθα νένασται | ἀστυ Τεγεστραίων, μυχάτοις ἐπὶ πείρασι πόντου. = Av. orb. descr. 527: «huc se praecipi cogit ferus Hadria ponto; | *hic* Aquileia decens celsis caput inserit astris, | Tergestumque *dehinc* etc.»

1) Idem fit v. 689. 2) Mhff p. 103. 3) Mhff l. l. et p. 181. — Hoc sane aliquid difficultatis habet, quod cum intervalla singillatim usque ad Gades afferantur (v. 266), v. 164 et 562 ad Herculis columnas respicuntur. Avienus his locis ex libidine pro Gadibus Herculis columnas substituisse videtur. Cf. p. 23.

4) Cf. ad v. 223. 5) U. Zephyri iugum et Zephyridem arcem ad ipsum mare posita fuisse necesse esse contendit propter ipsa nomina, propter verba «*inde tenditur*», propter «*iugi*» significationem. Primum argumentum non intellego. An Zephyrum tantum in mari spirare putat Unger?

“Zephyridos arcem si quis excedat rate
“et inferatur gurgiti nostri maris,
“flabris vehetur protinus Favonii”

in sententia senioris aetatis geographorum nituntur, qui Hispaniae frontem Ana amni finiri, trans Anam Hispaniae latus incipere putabant. Mela III 3: «huc (in oceanum sc.) egressos sequentesque ea, quae exeuntibus dextra sunt, aequor Atlanticum et ora Baeticae frontis excipit, quae, nisi quod semel iterumque paululum in semet abducitur, usque ad flumen Anam paene recta est... At Lusitania trans Anam, qua mare Atlanticum spectat, primum ingenti impetu in altum abit, dein resistit» etc.

Quae cum ita sint, illa interpolatori deberi elucet. Qui cum Zephyri iugi Zephyridisque arcis nomina explicare voluerit, hoc quidem loco eadem pergit, qua peripli auctor.

Iugum, quod deinceps commemoratur, *fanum Infernae deae, Herbi*¹⁾ *civitas* (v. 241—247) a Müllenhoffio recte ad Luxiam et aestuarium Onobae urbi adiacens (ria de Palos) collocata sunt; ad ipsum aestuarium *Etrephaea palus* referenda est²⁾. «Herbi civitas» non esse, sed «prisca die stetisse» traditur. Quod quid sibi velit, ut recte intellegatur, nonnulla adnotanda sunt, quae ad universam descriptionis Avieniana rationem recte percipiendam haud parvi sunt momenti.

Avienus enim in urbibus populisque recensendis fere semper tempore utitur praeterito. Quo fit, ut plerique populi et pleraque urbes, etiamsi vel hodie extant, non esse, sed fuisse dicantur³⁾. Idem oram, etsi a quibus gentibus habitata fuerit, in periplo tradatur, saepius desertam hominibusque vacuam esse refert⁴⁾. Atque Müllenhoff quidem

Verba autem «inde tenditur» ab Avieno ad libitum usurpata esse sponte appareat (cf. p. 34.). «Iugi» denique verbum apud Avienum nihil significare posse nisi promuntorium ne sibi quidem persuasissime videtur, cum ipse complures locos afferat, quibus nihil aliud significare possit nisi montem mediterraneum (v. 295; 630; 641). Quomodo vero illud ex v. 59 concludere potuerit, omnino non capio.

1) Num pro 'Herbi' 'Erebi', pro 'Etrephaea' 'Erebea' cum Barthio et Müllenhoffio scribendum sit, dubitare licet.

2) Quod U. paludem apud Avienum semper lacum cum mari non cohaerentem esse dicit, item sine ullo fundamento excogitatum est. Cf. «Maeotae palus»; descr. orb. 853.

3) vv. 244. 255. 310. 377. 427. 435. 439. 447. 459. 462. 463. 464. 476. 486. 496 sqq. 509. 513 sq. 514. 527. 550. 552. 559. 583. 588. 623. 680.

4) vv. 133. 157. 441. 445. 465. 478. 490. 510. 512. 591. Unger (Philol. Suppl.

haec omnia ab interpolatore profecta esse censem. At qua re ductus hic ea additurus fuerit, non satis liquet. Avienus contra se in ea esse sententia, ut periplum referri opinetur ad priscum rerum statum, identidem¹⁾ profitetur. Qua re commotus esse videtur, ut quaecunque ad gentes, civitates, urbes pertinebant, pro obsoletis atque inveteratis haberet. Accedit quod similia etiam in Orbis Descriptione commisit²⁾. Sed sive ad interpolatorem sive ad ipsum Avienum ista referre mavis, recte Müllenhoff hanc quasi normam atque regulam sequendam esse edixit, ut quaecunque apud Avienum ut praeterita atque sublata recenserentur, peripli aetate valuisse putarentur atque viguisse.

Hiberum (v. 248 sq.) esse Urium, qui hodie Tinto appellatur, Mhff et U. consentiunt³⁾. De quo haec subiunguntur v. 249 sqq.

“plurimi ex ipso ferunt
“dictos Hiberos, non ab illo flumine,
“quod inquietos Vasconas praelabitur;
“nam quidquid amni gentis huius adiacet
“occiduum ad axem, Iberiam cognominant;
“pars porro eo continet Tartessios
“et Cilbicos».

Haec pugnant cum eis, quae antea relata sunt; v. 223 enim Tar- tessianorum ager ab Ana fluvio incipere dicitur. Iberum autem trans Iberum amnem habitantium apud reliquos scriptores nulla fit mentio.

IV p. 191) omnibus his locis Avienum quae ipse viderit referre putat. Illa enim non inveniri nisi inde a Gadibus, quas eum adiisse constet. At cf. v. 133. 157. 244. 1) Cf. Mhff p. 77. 2) Tempore praeterito utitur quanquam apud Dionysium praesens exstat v. 523: «gens Marsum quondam tenuit loca» = Dion. v. 375 ναιετάονσι. Ad antiquum aevum refert Criumetopi appellationem v. 196: «sic olli nomen prior indidit aetas» = Dion. v. 90: τούνεκα καὶ Κριοῦ μιν ἐφημίξαντο μέτωπον; v. 302: «hanc rursum gens late prisca virorum | Lotophagi includunt». — Vastitatem regionis Nasamonum deplorat v. 306 sq.: «nunc lati iugera campi | et grege nuda iacent et sunt cultoribus orba». Cf. 1888: «caespitis abiecti».

3) C. Müller hunc amnem non diversum esse ab eo Ibero, qui ex Pyrenaeis montibus originem habet, pro certo statuens in Avieni descriptione septentrionalem et meridionalem Hispaniae partes male permixtas atque confusas esse contendit. At duobus fluminibus idem nomen inditum fuisse nihil habet offensionis. Illius autem Iberi extra columnas Herculis profluentis etiam alia existant vestigia. Scylax enim § 2 secundum codd. haec exhibet: Τῆς Εὐρώπης εἰσὶ πρῶτοι Ἰβηρες, Ἰβηρίας ἔθνος καὶ ποταμὸς Ἰβηρος καὶ νῆσοι ἐνταῦθα ἔπεισι δύο, αἱ δύο τα Γάδειρα. Obscura huius Iberi mentione factum esse videtur, ut Appianus (Ib. 6) et Aethicus Ister (p. 17) Iberum in oceanum immitti dicant.

Quamobrem quin haec ab interpolatore addita sint¹⁾, dubitari nequit. Versus autem 250—251 ab ipso Avieno adiuncti esse videntur, id quod Mhff bene animadvertis.

Cartare insula, quam «pridem» i. e. peripli aetate Cempsi tenuisse dicuntur (v. 255 sqq.), a C. Müller²⁾ recte ad insulam Herculi sacram, quae a Strabone³⁾ in aestuario Luxiae et Urii fluminum commemoratur, relata est⁴⁾.

Cassium montem (v. 259) harenosos illos colles esse in ora maritima, qua a Baeti amni ad occidentem solem vergit, sitos, qui a Plinio⁵⁾ «Harenei montes» vocantur, hodie «las Arenas Gordas» audiunt⁶⁾, idem C. Müller intellexit. — Absurda illa etymologia, qua ab huius montis nomine graeca vox *κασσίτερος* derivatur, quanquam per se ab ipso quoque peripli auctore prolata esse potest⁷⁾, tamen cum iam tribus locis (v. 156 sqq. 238 sqq. 249 sqq.) interpolatorem talia nugantem deprehenderimus, et hic locus et omnes, quibus de nominum origine rationeque quaeritur, ad eum relegandi sunt (v. 263 sq. 292—298. 467 sq.).

Iam neglecto, quo hodie solo effluit, Baetis ostio *sinus* Gaditanus vel, ut apud Avienum audit, *Tartessius* describitur. Atque primum, quibus includatur promuntoriis, refertur v. 262 sqq.:

«inde fani est prominens,
et quae vetustum Graeciae nomen tenet
«Gerontis arx est eminus.
«Hic ora late sunt sinus Tartessii».

«Prominens» fani promuntorium esse ad vicum, cui nomen est Rota, situm et per se appareat et Mhff Ungerque consentiunt. Item de «Gerontis arce» ad partem insulae Gaditanae inter septentriones et occasum⁸⁾ interpositam referenda rectissime inter eos convenit.

1) Cilbicos ex v. 303 sumpsit. 2) Philolog. 1873 p. 108. 3) p. 170 εἰς νῆσον Ἡρακλέους τεράν κειμένην κατὰ πόλιν Ὀνόβαν τῆς Ἰβηρίας.

4) Müller tamén conjecturas, qui v. 256 pro eo, quod ed. Ven. praebet «influxe satis est fides», scribi vult «in Luxia (satis est fides)» vel «in Luxiae sita est vadis», amplecti non possum; haec enim palaeographiam, illa grammaticam offendit. Accedit quod non aestuario, sed flumini (Odiel) Luxiae erat nomen.

5) N. H. III § 7. 6) Cf. Ungerum Philol. Suppl. IV p. 213. Müllerum Philol. 1873 p. 108. 7) Hoc U. l. l. p. 225 recte contra Müllenhoffium monet. 8) Nam quod apud Ungerum p. 224 legimus «Hieraus folgt weiter, dass wir die Gerontis arx an das nordostende der Gadesinsel setzen müssen», calami lapsus subesse et pro *nordostende* reponendum esse videtur *nordwestende*.

Deinde quantum sinus Tartessius ab Ana amni distet, indicatur v. 266 sq.

Gadium quae sequitur commemoratione (v. 266—283) descriptionis ordinem turbari quicunque in eam accuratius inquisiverit, intellegeat. Quamobrem a Müllenhoffio¹⁾ Avieni libidini recte attributa est. Iam Tartessi amnis, qui a recentioribus geographis appellabatur Baetis, hodie Guadalquivir vocatur, descriptio adnectitur. At quomodo fit, ut hoc sit translata? Quod ut explicet, Unger²⁾ Avienum, cum Gades antiquitus Tartessum appellatas esse falso crederet, peripli descriptionem de industria eis, quae ipse viderit³⁾, innixum ita adulteravisse putat, ut Tartessum amnem ad flumen, quod hodie Guadalete dicitur, referret, huius nomen expungeret, sinum Gaditanum in sinum Tartessum mutaret, Gadium denique in Erythia insula mentionem consulto omitteret. Sed licet Avienus multa socordia peccaverit, multa stultitia, licet multa omiserit addiderit perperam interpretatus sit, voluntate tamen atque iudicio eum vetustam descriptionem ita corrupisse, ut tacitus aliena pro eis, quae in illa exhibebantur, substitueret, ab omni probabilitate abhorret⁴⁾.

Mhff Baetim olim re vera eo loco, quo ab Avieno describitur, in mare se immisso putat. Quem cum duo antiquitus habuisse ora veterum constet testimoniis⁵⁾, altero eodem, quo nunc, loco effluxisse, altero primum ea, qua Veso rivus manat, lapsum deinde Guadalete immixtum flumini sinum Gaditanum petivisse Kiepert opera adiutus exponit⁶⁾. Quod confirmari dicit monumento aliquo a d'Anvillio⁷⁾ allato, ex quo saeculo XIII Hispali ad oppidulum, cui nomen est Ierez, navigari potuisse appareat. Unger⁸⁾ quidem et C. Müller⁹⁾ id canali ab Arabibus effosso factum esse dicunt; sed nullum huius sententiae argumentum afferunt, quamobrem eam in mera coniectura positam esse duco. Unger praeterea loci naturam ita comparatam esse ait, ut Baetis ostium nunquam illa, qua d'Anville, Kiepert, Mhff volunt, decurrere potuerit. Sed tali de re nisi hominem rei gromaticae peritum et qui

1) p. 125. 2) l. l. p. 215 sq. 3) Ceterum hoc loco aliquid accidit Unger, cum ex v. 274 sq.: «nos hoc locorum praeter Herculaneam | sollemnitas vidimus miri nihil», haec colligit (p. 227): «Geschen hat er von der Gadesinsel laut seiner eigenen erklärung nur das am anfange derselben gelegene Heraklesheiligtum». Ad «miri» vocem non satis attendisse videtur.

4) Vide quanta voce v. 681 se cum auctore suo non consentire clamet. 5) p. 126. 6) p. 210 et in tabula geographicā a Kieperō delineata, quae libro adnexa est. 7) Mémoires de l'Academie des inscriptions 1764 (XXX) 118 sqq. 8) p. 215. 9) Ad Ptolem. p. 109.

loca suis ipse oculis viderit, iudicare non posse puto¹⁾. Dum id factum non est, veterum testimoniis inhaereamus; inter quae uberrimum est Strabonis²⁾: ἐφεξῆς (post Gades) δ' ἔστιν ὁ Μενεσθέως καλούμενος λιμὴν καὶ ἡ κατὰ "Ἀσταν ἀνάχυσις καὶ Νάρβισσαν εἰτ' εὐθὺς αἱ ἐκβολαὶ τοῦ Βαϊτίου διχῇ σχίζομεναι· ή δὲ ἀπολαμβανομένη νῆσος ὑπὸ τῶν στομάτων ἐκατὸν, ὡς δ' ἔνιοι καὶ πλειόνων σταδίων ἀφορίζει παραλίχνι ἐνταῦθα δέ που καὶ τὸ μαντεῖον τοῦ Μενεσθέως ἔστι καὶ ὁ τοῦ Καιπίωνος ἰδρυταὶ πύργος ἐπὶ πέτρᾳ ἀμφικλύστου ἐντεῦθεν δ' ὁ τοῦ Βαϊτίου ἀνάπλους ἔστι καὶ πόλις Ἐβοῦρα καὶ τὸ τῆς Φωσφόρου ἱερόν. Ex descriptionis continuitate Astae et Nabrißae aestuarium cum sinu Gaditanō cohaesisse appetet³⁾. Atqui Plinius⁴⁾ Nabrißam et Astam inter aestuaria Baetis sitas esse refert. Sequitur Baetim per τὴν κατὰ "Ἀσταν ἀνάχυσιν καὶ Νάρβισσαν cum sinu Gaditanō coniunctum fuisse. Ob hanc ipsam causam Strabo hoc loco Baetim commemorat; aliter omnino non intellegetur, cur ante Menesthei oraculum Caepionisque turrim eius fecisset mentionem. Menesthei oraculo Caepionisque turri allatis, quae in insula Baetis oribus inclusa esse dicit (ἐνταῦθα), paululum progressus (ἐντεῦθεν) alterum Baetis os commemorat. Cum autem id Βαϊτίου ἀνάπλουν appellat, hoc potissimum ore Strabonis aetate ad navigandum usi esse videntur. — Cum hac Strabonis descriptione consentit Mela⁵⁾, nisi quod neutrius oris separativum mentionem facit, sed ubi Baetis cursum descriptis, eum duobus effluere oribus universe significat: «in proximo sinu portus est, quem Gaditanum et lucus quem Oleastrum appellant, tum castellum Ebora in litore et procul a litore Hasta colonia, extra [sc. trans occidentale Baetis ostium] Iunonis ara templumque est, in ipso mari [propterea nunc demum commemoratur] monumentum Caepionis scopulo magis quam insulae impositum». Sequitur Baetis descriptio. — Item Plinius⁶⁾: «Harenei montes, Baetis fluvius, littus Curense inflexo sinu, cuius ex adverso Gades»⁷⁾. — Accedit aliud Strabonis⁸⁾ testimonium, qui de Gadibus τῆς ἐκβολῆς inquit τοῦ Βαϊτίδος πλησίον

1) U. ad Mhffium p. 131 provocat, quo nihil probatur, et ad Willkommii librum (die iberische Halbinsel 1856), quem ut adipiscerer mihi non contigit.

2) p. 140. 3) Hoc C. Müller quoque concedit; ad Ptolem. p. 108.

4) III 11: «et inter aestuaria Baetis oppidum Nabrißa ... colonia Asta ... et in mediterraneo Asido». 5) III 2. 6) III § 7. 7) Ptolemaei numeris, quos C. Müller huic sententiac refragari exputat, nihil tribuo. Ipsa verba non faciunt contra II 4, 5: "Ονόβα αἰστουαρία, Βαϊτίος ποταμοῦ τὸ ἀνατολικώτερον στόμα, ἡ κατὰ "Ἀσταν εἰσχυσις". 8) p. 168.

ἰδρυται. Cui subiungendum est Stesichori fragmentum ab eodem Strabone¹⁾ servatum, qui Geryonem natum cecinerat σχεδὸν ἀντιπέρας κλεινᾶς Ἐρυθείας | Ταρτησσοῦ ποταμοῦ παρὰ παγὰς ἀπείρονας ἀργυροφίζους | ἐν κευθμῶνι πέτρας.

His ita expositis C. Müller²⁾ Ungerique³⁾ sententiam pluribus refellere supersedeo, qui oram maritimam olim adeo recessisse putant, ut brachia, quibus Baetis haud procul ab ostio, quod hac aetate unicum est, dividitur satque magnam circumligat insulam, in mare se infunderent orumque vicibus fungerentur. — Quamobrem ad Avieni descriptionem redeamus.

Insulam, quam Tartessus ammis «undique adlapsu ligare» (v. 283 sqq.) dicitur, inter ostia eius sitam fuisse et eandem esse quam Strabo commemorat, interpres recte consentiunt. — Non ita de *Ligustino lacu*, quem Mhff⁴⁾ infra, Unger⁵⁾ supra *divortium*, quod v. 286—290 describitur, positum fuisse putant. Müllenhoffii ut amplectar sententiam, Avieni et Melae⁶⁾ commoveor verbis, qui Baetim, ubi primum e lacu effusus est, statim in mare effluere indicant. — Cum Müllenhoffio etiam de *monte Argentario* consentio, quem diversum esse atque Ἀργυροῦν ὄρος, ex quo Tartessum oriri nonnulli perhibebant⁷⁾, frustra contendit Unger.

Quoniam v. 223 sqq. Tartessii usque ad Tartessum amnum pertinere traduntur, iam qui sequantur populi, indicatur. Sed primum regionem mediterraneam ab *Etmaneum gente* habitari eisque occidentem versus usque ad Cempso *Ileates* adiacere perhibentur (v. 298—302). Quo limite distinguantur, non significatur, sed Etmaneos cum eis tum trans Tartessum incoluisse suspicari licet. In ora Tartessiis *Cilbiceni* adiunguntur (v. 303), quos a Cilbo fluvio nomen traxisse haud iniuria U.⁸⁾ conicere videtur.

Iam in sinu Tartessio describendo pergit periplus (v. 304 sqq.). *Flumen amplum*, quod ad prominens fani in mare labitur, Tartessum esse, non Guadalete, cuius nomen suppresserit Avienus, ut vult Unger,

1) p. 148.

2) ad Ptolem. p. 107.

3) p. 218 sq.

4) p. 128.

5) p. 221.

6) III 1, 5: «ubi non longe a mari grandem lacum fecit, quasi

ex novo fonte geminus exoritur».

7) Mhff p. 128.

8) p. 222.

Rectissime idem Müllenhoffii finitionibus obloquitur; sed quae de Tartessiorum nominis significatione disserit, non possum probare. Hos enim non esse eosdem atque Turdetanos quomodo negari possit, non video. Quod Strabonis aetate latius patebant, nihil eo demonstratur. Neque etiam Ileatum nomen in Gleates mutanti assentior Unger. Perperam denique ex «dehinc» voce (v. 298) quidquam colligi posse credit. cf. p. 34.

ex eis, quae supra diximus appetat. — *Tartessiorum montem* (v. 308 sq.) Unger¹⁾ ad extrema iuga montis, qui hodie Sierra de Cabras vocatur, recte retulisse videtur.

De *Erythiae* (309 sqq.) et *Veneris insulae* (v. 314 sqq.) situ cum Mhff propter pravam v. 312 et 313 interpunctionem et corruptam v. 317 scripturam perperam iudicasset²⁾, Unger³⁾, postquam Gutschmid⁴⁾ illa ordinavit, Erythiam insulam esse Gaditanam (Leon), Veneris iusulam Aphrodisiada Timaei et Sileni (Olla) ostendit. De Erythia igitur periplo cum veteribus poetis epicis⁵⁾ convenit, cum posterioris aetatis scriptores eam ab insula Gaditana discernant⁶⁾.

Erythia «iuris olim Punici» fuisse dicitur (v. 310—312);

«habuere primo⁷⁾ quippe eam Carthaginis
«priscae coloni».

Mhff haec ab interpolatore vel ab Avieno profecta esse contendit. Sed neque ullam huius sententiae causam affert et quam ipse sequendam esse proposuit regulam, ut quaecunque in Avieni descriptione fuisse dicerentur, genuino periplo vindicanda essent, mira neglegit instantia. — Etiam Unger Avenum huic loco sua immiscuisse putat. Etenim cum in periplo Erythiam a Phoeniciis habitari dictum fuisse, illum pro Phoeniciis Poenos⁸⁾ substituisse. Sed qua re ductus hoc fecerit Avenus, non explicat Unger. Immo propter tempus praeteritum dubium esse non potest, quin iam peripli auctor Carthaginenses Erythiam i. e. Gades tenere tradiderit.

De locorum, quae sequuntur, finitionibus i. e. de *harenosi littoris* (v. 319) et *Besili* (= Lirio) atque *Cilbi* (= Salado de Conil) fluminum

1) p. 225. 229. 2) p. 131—139. 3) p. 225—227. 4) Gutschmid Lit. Centralbl. 1871 p. 525. Utrum v. 314 cum Gutschmidio post «Erythia» interpongatur, an cum Unger «Erythia» ut adiectivum ad «ab arce» trahatur, ad sensum nihil refert.

5) Pherecydes apud Strab. p. 169. Stesichorus ap. Strab. p. 148. Apollod. 2, 5, 10. Ioann. Pediasim. p. 352 ed. West.

6) Primus Herodotus hanc sententiam professus esse putatur. IV 8: Ἐρύθειαν νῆσον τὴν πρὸς Γαδείροις τοῖς ἔξω Ήρακλέων στηλέων ἐπὶ τῷ Ωκεανῷ. Num id voluntate atque iudicio fecerit, dubitare licet.

7) «Primo» hoc loco idem significare appetat atque «olim», «prius», «antea». Cf. v. 154: «haec dicta primo Oestrymnis est». Quamobrem non intellego, cur U. in eo haereat.

8) U. «iuris olim Punici» idem valere putat, atque *Phoenicium*. Sed Poeni semper sunt Carthaginenses, nusquam Tyrii.

(v. 320) situ Ungero assentior. — *Sacrum iugum* (v. 322) Iunonis promuntorium (C. Trafalgar) esse iam Mhff intellecterat. — De sequentibus autem versibus (324—335) et Mhff et Unger satis mira protulerunt.

«locum hunc vocavit Herma quondam Graecia».

Haec non ad promuntorium Sacrum, sed ad sequentem litoris tractum referri U. recte perspexit. Quod ad illud revocatur, Avieni neglegentiae tribuendum est¹⁾.

«est Herma porro caespitum munitio,
«interfluum quae altrimsecus munit lacum».

Quomodo et Mhff et Unger his alterum ερμα indicari potuerint putare, non assequor. Immo nihil continent hi versus nisi explicationem vocis hermatis²⁾.

«aliique rursus Herculis dicunt viam;
«stravisse quippe maria fertur Hercules,
«iter ut pateret facile captivo gregi».

Quae cur cum Müllenhoffio a genuino periplo abiudicentur, nullam idoneam causam video. Neque est cur eum, qui haec scripserit, contra communem opinionem Heraclem raptis Geryonae bubus Mycenas rediisse per Libyam putasse credamus³⁾.

«porro illud Herma iure sub Libyci soli
«fuisse pridem plurimi auctores ferunt;
«nec respuendus testis est Dionysius,
«Libyaes esse finem qui docet Tartessium.
«Europae in agro, quod vocari ab incolis
«Sacrum indicavi, prominens subducitur;
«locos utrosque interfluit tenue fretum».

Miro profecto modo illud Herma in Europae ora situm secundum «plurimorum auctorum» opinionem ad Libyam pertinere dicitur. — Unger quidem non φυσικῶς, sed πολιτικῶς id accipi vult; Carthaginem enim sub dictione fuisse illa hermata. Sed de scopulis agi oblitus esse videtur in profundo maris sitis undarumque aestu obrutis. Accedit quod «Libicum solum» insolentius positum esset pro Cartha-

1) Cf. p. 34. 2) Ne quis in «porro» particula haereat, conferatur v. 343.

3) Haec Müllenhoffii sententia recte ab Unger p. 231 refutatur.

giniensibus; contra «sub iure alicuius esse» nihil significat nisi «proprium esse alicuius rei», «pertinere ad aliquid». Ipsum denique Avienum haec non πολιτικῶς, sed φυσικῶς intellegi voluisse ex v. 331—332 eluet.

Magnam porro habet offensionem, quod v. 333—334 promuntorium Sacrum iterum commemoratur.

Quae difficultates sponte evanescent, si Scylacis¹⁾ locum contuleris: ἀπὸ δὲ τῆς Ἐρμαίας ἄκρας ἔρματα τέταται μεγάλα, ἀπὸ τῆς Λιθύης ἐπὶ τὴν Εὐρώπην, οὐχ ὑπερέχοντα τῆς θαλάττης· ἐπικλύζει δὲ ἐπ' αὐτὰ ἐνιαχῆ· τέταται δὲ τὸ ἔρμα ἐπὶ ἑτέρων ἄκραν τῆς Εὐρώπης τὸ καταντικρύ τῇ δὲ ἄκρῃ ταύτη ὄνομα τὸ Ἱερὸν ἄκρωτήριον. Hunc locum ei, qui Herma in periplo commemoratum ad Libyam referri perhibuerat, obversatum esse apparet. Etenim «iure sub Libyci soli» esse dicitur, quia a Scylace in *Libyae descriptione* affertur; «tenuē fretum» (v. 335) respondet verbis οὐχ ὑπερέχοντα τῆς θαλάττης· ἐπικλύζει δὲ ἐπ' αὐτὰ ἐνιαχῆ; Sacrum denique promuntorium propter Scylacis Ἱερὸν ἄκρωτήριον iterum commemoratur.

A peripli auctore Scylacis locum respici nequissimum manifestum est, cum neque secum ipse pugnare posset et multo ante huius Scylacis aetatem scriberet. Avienum rursus ista in periplo repperisse inde colligitur, quod v. 331—332 Herma illud Europaeum ad Libyam referendum esse Dionysii loco, quem perperam interpretatus est²⁾, allato confirmare conatur. Ab interpolatore igitur ista profecta esse sequitur. Qui cum quae Scylax Libyae oram ab ortu ad occasum versus describens profert, ad peripli rationem refingere omiserit, in contrarium pergit atque peripli auctor.

De Euctemonis reliquorumque fragmentis, quae et hoc et aliis locis apud Avienum leguntur, melius infra agetur.

Ad periplum referendus est v. 341:

«hic Herculanae stant columnae».

Nam Müllenhoffii suspicio³⁾, qui ubicunque in ora maritima Herculis columnarum mentio fiat, ab Avieno illatas esse opinatur, comprobari nequit. Sane interdum eas pro Gadibus substituit, auctoritate permotus Dionysii⁴⁾. — De «hic» cf. p. 34.

Item ad periplum pertinent v. 375—380:

1) § 112.
35 n. 3.

2) Cf. Mhff p. 142—143.

3) p. 144 n.

4) Cf. p. 23.

«ultra has columnas propter Europae latus
«vicos et urbes incolae Carthaginis
«tenuere quondam; mos at ollis hic erat» etc.

Recte enim Unger¹⁾ Müllenhoffium impugnat, qui haec Euctemoni vindicabat. — Sed nova prorsus atque inaudita ratione idem «ultra columnas» explicat «a columnis septentrionem versus»²⁾ eisque orae Hispanicae tractum columnis utrimque adiacentem indicari putat. Mihi quidem «ultra columnas» nihil aliud significare posse videtur nisi «trans columnas», «extra columnas». In ora igitur Hispaniae a columnis ad occasum sita Carthaginenses peripli aetate colonias possidebant, id quod optime quadrat ad v. 310, ubi Gades sub Carthaginem ditione esse traduntur.

v. 419: «hic Chrysus amnis intrat altum gurgitem».

De «hic» cf. p. 34. Chrysum amnum Barbesulam fluvium esse, qui hodie Guadiaro vocatur, iam Ukert intellexit. Ultra citraque hunc amnum quattuor gentes incolere traduntur, *Libyphoenices*, *Massieni*, *Selbyssini*, *Tartessii* (v. 420—423). Libyphoenicum nomine Carthaginem colonos appellatos esse constat³⁾. Quamobrem eos in urbibus per hanc oram dispersis habitavisse apparet. Tartessianum terminus v. 462 sq. indicatur. Selbyssinos autem, quos eosdem esse atque Elbestios Hecataei et Philisti, Elbsinios Herodori, Olbsios et Olbsinios Stephani Byzantini Mhff sagacissime demonstravit⁴⁾, propinquiores ad Herculeas columnas habitavisse, quam Massienos, ex ordine, quo ab Herodoro⁵⁾ recensentur, apparet. Massienos igitur inter Selbyssinos et Tartessios collocandos esse sequitur.

Tartessii v. 424 in *Calacticum sinum* porrigi dicuntur. Unde porrigitur neque indicatur neque intellegitur. Quamobrem hoc porrigiendi verbum Avieno tribuendum esse duco, qui cum post Tartessios Calacticum sinum commemoratum legeret, orationem ab illis ad hunc rhetorice traducturus Tartessios usque ad Calacticum sinum habitare commentus est. — Cum v. 425 iugum *Barbetium*⁶⁾ commemoretur, i.e. promuntorium, quod

1) p. 232 n. 40. Argumentis, quae ab eo afferuntur, addi potest haec verba tempore praeterito consignata esse, cum Euctemonis praesenti inferantur. De v. 363—369 non assentior Ungerо, qui ea et ipsa periplo vindicat; neque enim omnino intellegi possunt, si quae praecedunt Euctemonis verba abstuleris.

2) p. 231. 3) Ephorus ap. Ps. Scymn. v. 197: Λιθυφόίνικες ἐξ Καρχηδόνος
ἀποικίαν λαβόντες. 4) p. 145. 5) Müllen. I. l. et p. 113.

6) de «hos propter mox» cf. p. 34.

hodie Punta de Cala Moral vel de Cala Burras appellatur¹⁾, praecedentem sinum pro Calactico habeamus necesse est. Hoc nomen iam Christ²⁾ cum Calatha urbe, quam Ephorus Calathusam dixerat³⁾, cohaerere intellexit. Sed quominus cum Christio apud Avienum «Calathicum sinum» scribamus, metrum obstarre Unger⁴⁾ haud iniuria contendit. Qui tamen in eo aperte fallitur, quod Calatham urbem Hecataei eandem esse putat atque Calatham insulam ad Libyae oram haud procul Carthaginē sitam. Haec enim nullo pacto οὐ πόρρω τῶν Ἡρακλείων στηλῶν sita esse ab Hecataeo tradi poterat. Neque etiam ab eo in libro, qui inscribatur Εὐρώπη, commemorari poterat. Accedit quod in illa parvula insula urbem fuisse quam minime verisimile est. Sed suo rursus iure Unger καλακτικός ex καλός et ἀκτή vocabulis ita, ut (κόλπος) καλάς ἀκτὰς ξύλων valeat, recta ratione compositum esse negat. Hoc adiectivum non potest derivari nisi a nomine Καλακτή. Quae cum ita sint, Punicam illam urbis appellationem, quae est Καλάθη, a Graecis commutatam et ad sui sermonis usum accommodatam esse puto⁵⁾.

Post iugum Barbetium commemoratur *Malacae flumen* «urbe cum cognomine Maenace priore quae vocata est saeculo». Müllenhoff periplum solam Malacam urbem exhibuisse, Maenacam a^l interpolatore additam esse censem. Sed rectissime Gutschmid eum hac in re a se desciscere monet, quippe qui quaecunque fuisse dicerentur, perihi aetate viguisse putanda esse praeceperit. Quamobrem Maenacam periplo relinquendam, Malacam interpolatori tribuendam esse apparent⁶⁾. — Atque Maenacam, non Malacam in periplo fuisse eo quoque comprobatur, quod paulo post, ubi urbis situs describitur, non Malaca, sed Maenace dicitur v. 428—431:

«Tartessiorum iuris illic insula
«antistat urbem, Notilucae ab incolis
«sacrata pridem; in insula stagnum quoque
«tutusque portus; oppidum *Maenace* super».

1) Unger l. l. p. 235.

Cl. XI (1868) p. 154. 2) Abb. d. Akad. v. München philos. philol. 3) Steph. Byz. p. 847. Καλάθη, πόλις οὐ πόρρω τῶν Ἡρακλείων στηλῶν. Ἐκαταῖος Εὐρώπη. "Ἐφορος δὲ Καλάθουσαν αὐτήν φησιν. 4) p. 234. 5) Unger's conjectura, qui pro Calactio «Mala-citicum» sinum scribi vult, et a locorum natura et a linguae usu abhorret. Accedit quod ipse Malacam ab Avieno demum pro Maenaca substitutam esse putat.

6) Unger Maenacam recte periplo vindicat, Malacam ab Avieno additam esse putat. sed cf. p. 30.

Ungero «Tartessiorum iuris» ad ea, quae antecedunt, trahenti verborum collocatio quam maxime refragatur. — Quod Tartessii procul a sedibus suis parvulam insulam tenent, comparari potest cum Cartare insula a Cempsis habitata (v. 255 sqq.).

In sequentibus versibus Unger, ut saepius, quae bene constituerat Müllenhoff, male evertit atque perturbavit. *Silurum* enim montem (v. 432) iugum esse, cui hodie nomen est Sierra Nevada, cum hic recte perspexerit, ille in ora maritima eum positum fuisse statuit, quamvis ad mediterraneam regionem his ipsis verbis diserte referatur:

«qua sese ab undis regio dicta subtrahit»,
«Silurus alto mons tumet cacumine».

Idem ex numero singulari «alto cacumine» quidquam colligi posse perperam arbitratur¹⁾.

Deinde «vasta cautes» de pinibus appellata i. e. Πεύκη vel Ηταυοῦσσα ἄκρα et *Veneris iugum* commemorantur. Inter haec promuntoria litus «recumbere» dicitur. Hoc quid sibi velit, paucis exponentum est.

Etiam v. 532 litus «recumbere» perhibetur; de eodem litore v. 534 legimus: «litus illud, quod iacere diximus tractu supino». Hanc ipsam litoris naturam v. 320 reclinis adiectivo indicari in aperto est. Unger²⁾ omnibus his locis litus acclive et quod molliter assurgat, significari putat. Sed ipse v. 532 id non satis aptum esse concedit³⁾. Neque ad v. 320 quadrat, cum idem litus, quod «recline» dicitur, «molle harenarum» esse perhibeat. Immo vero idem valet recumbere atque recedere⁴⁾ et litus sinuari significat. Quod comprobatur v. 532 cum v. 534, hoc cum v. 57 sqq. collato:

«sinusque curvos atque prominentia,
«ut se supino porrigit litus situ,
«ut longe in undas inserant sese iuga».

Namque ut verbis «ut longe in undas inserant sese iuga» ad «prominentia», ita verbis «ut se supino porrigit litus situ» ad «sinus curvos» respici appetat⁵⁾.

1) Cf. deser. orb. v. 251 de Tauro: «caelumque *cacumine* fulcit». v. 484. «boreali *vertice* ad aethram concrescunt Alpes». 2) p. 240. 3) p. 256.

4) v. 176. 5) Cum hac supini adiectivi vi cf. Manil. II 582. «arcus supinatus». De recumbendi verbi notione cf. etiam deser. orb. v. 23. 477. 1000. 1111. 1170. 1253.

Quae cum ita sint, Müllenhoff v. 438 recumbenti illo litore sinum Urcitanum (golfo de Almeria) indicari rectissime statuit et piniferam caudem ad promuntorium, quod hodie Punta de Elena vocatur, Veneris iugum ad Charidemi promuntorium (Cabo de Gata) optime rettulit.

v. 438 sqq. «in isto litore» *crebrae Phoenicum urbes* pridem fuisse traduntur, v. 441—443 praesens vastitas eius orae deploratur. Mhff omnia interpolatori tribuit; sed illa in vetere periplo fuisse (cf. p. 37) haec ab Avieno profecta esse (cf. p. 36) satis liquet. «Istud litus» non est eur cum Mhffio ad solum sinum Urcitanum referamus; immo ad litoris tractum inde a Maenaca urbe pertinet. — Ceterum hos Phoenices Libyphoenicibus adnumerandos esse, i. e. Carthaginiensium aliquando fuisse sub dictione appetat.

Trans Veneris iugum litus «patere» i. e. non recedere perhibetur (v. 445). In eo item *plurimae urbes* (Phoenicum nimirum et ipsae) antea fuisse traduntur, praesenti autem tempore vacuum incolarum id esse lamentatur Avienus (v. 446—448).

Hic descriptionis connexus v. 443—445 interpellatur:

«Veneris ab dicto iugo
spectatur Herma caespitis Libyci procul,
quod ante dixi».

Cum «Herma caespitis Libyci» v. 329, ad quod his versibus respicitur, ab interpolatore insertum sit, etiam haec interpolatori deberi vix est quod moneam¹⁾.

v. 449—452: «nam natius inde portus op[pidum] prope
sc Massienum curvat alto ab aequore,
sinuque in imo surgit altis moenibus
urbs Massiena».

«Nam» particulam hic sensum non habere Mhff recte contendit. Neque enim Avienus, id quod Unger vult, multos populos et urbes in ora illa fuisse ita potest probare, ut quae *sint* in ea urbes, recenseat. Quamobrem Müllenhoff assentendum, qui «Namnatius» nomen proprium esse suspicatur²⁾. Urbem Massienam, prope quam

1) Unger dum hunc locum explicare studet, Veneris iugum pro Charidemi promuntorio habet (p. 240); postea id «weiter nordöstlich» collocandum esse censet (p. 241), propter recumbendi et patendi verba falso ab eo explicata, neque suam prioris illius loci interpretationem funditus hac re everti intellegit.

2) C. Müller (ad Ptolem. p. 150.) apud Avienum «Aetius inde portus» scribi

fuit ille portus, eo positam fuisse loco, quo postea Carthago Nova ab Hamilcare exstructa est, idem haud abs re iudicat¹⁾. Huius enim situs simili modo a Polybio²⁾ describitur.

Traete iugum (v. 452) promuntorium esse Saturni (C. de Palos), *Strongylen* (v. 453) insulam, quae hodie Grossa vocatur³⁾, *immensam pauludem* (v. 455) λαμποθέλας ταχν Strabonis (= Encañizada de Murcia) *Theodorum* denique Tader flumen (= Segura), Mhff⁴⁾ optime statuit⁵⁾. — Haec loca prius (i. e. peripli aetate) Phoenices incoluisse feruntur (v. 459).

Post Theodorum amnum *litus harenosum* se extendere dicitur, cui tres *insulae* obiectae sint (v. 460—461). Ante Theodorum montes in mare excurrunt et promuntorium efficiunt, quod C. Cervera appellatur. Primam insulam Planesiam (Plana) esse, secundam Alonen (Bendorme) Mhff recte intellexit. De tertia non satis constat. Mhff quidem montem, qui hodie Ifach dicitur, olim insulam fuisse suspicatur. Sed hic non est oppositus litori illi harenoso. — Unger sententia, qui litus harenosum a Traete promuntorio incipere et unam trium illarum insularum Grosam esse putat, et locorum naturae et Avieni verbis repugnat.

Herna civitas, quae *Tartessiorum* terminus fuisse perhibetur (v. 462—463), ubi sita fuerit, accuratius definiri nequit. Certe non est cur eam in litore harenoso fuisse cum Ungero putemus; «hic» enim particula nihil demonstratur (cf. p. 34).

vult, quia per illam oram hodie portus extet, qui Aguilas appelleatur. Quam sententiam attulisse satis habeo.

1) Unger p. 242 Müllenhoffi sententiae imprudens haec obicit: «die ganze küste von Vera bis Cartagena hätte dann eiāc einzige stadt enthalten, während der periplos von vielen spricht». Non unam, sed «plurimas» illas (v. 447), quarum nomina in periplo consulto omittuntur (sicut v. 438 sqq. et v. 459). Meliore iure ipsius Unger sententiac illud «plurimae» refragari dici potest. Etēnīcum cum una tantum urbs nominativi afferatur, «nam» particulam nullum hic locum habere appetat. — Quod Plinius et Ptolemaeus (Unger l. l.) Carthaginem Novam in regione Contestanorum esse dicunt, ad periplo nihil pertinet. — Neque denique ex «inde» particulam (v. 449) quidquam colligi potest (cf. p. 34).

2) Χ 10: ἐν δὲ τῷ μυχῷ τοῦ κόλπου πρόκειται χερβονησίζον ὅρος, ἐφ' οὐ κεῖσθαι συμβαίνει τὴν πόλιν.

3) Hanc esse puto Plumbarium Strabonis. p. 159: καὶ Πλουμβαρίαν καὶ λαμποθέλας ταχνην, ἔχουσαν ἐν κύκλῳ σταδίους τετρακοσίους. Neque enim ὑπερκειμένην ad Διάνισον cum Mhffio referri licet, sed ad Πλουμβαρίαν pertinet.

4) p. 151 sqq. 5) His finitionibus etiam Unger assentitur, nisi quod Strongylen ad Formicarum insulas (islas Hormigas) minus apte refert.

Tartessianum per hunc litoris tractum etiam Ephorus mentionem fecerat. [Scymn.] 198 sqq.

Sequentibus versibus quae gentes Tartessiis adiaceant, explicatur; v. 464—473:

«Gymnetes istos gens locos insederant.
«Nunc destitutus et diu incolis carent
«sibi sonorus Alebus annis effluit.
«Post haec per undas insula est Gymnesia,
«populo incolarum quae vetus nomen dedit,
«ad usque Cani praefluentis alveum.
«Pityusae et inde proferunt sese insulae,
«Baliarium ac late insularum dorsa sunt.
«Et contra Hiberi in usque Pyrenae iugum
«ius protulere, propter interius mare
«late locati».

«Istos locos» Avieni socordiae deberi nemo non videt (cf. p. 34); Gymnetes enim ad *sequentem* litoris tractum pertinere patet. — Alebo amni idem fecit Avienus, quod v. 205 Anae, v. 208 Anae ostiis, v. 224 Tartesso; nempe cum in periplo subsicie commemoraretur, solum per se elatum attulit. In periplo enim Gymnetes ab Alebo amni usque ad Canum sedes habere dictum fuisse appetat. Hic connexus praeterea Gymnesia insula turbatur, cuius mentio non solum a sensu, sed etiam ab enuntiati structura aliena est. Quamobrem cum nominum etymologias iam pluribus locis ab interpolatore profectas esse viderimus, etiam Gymnesiae vel Gymnesiarum mentionem eidem tribuere non est quod dubitemus¹⁾.

Gymnetibus opponuntur v. 472 Hiberi: «cum illi ab Alebo usque ad Canum incolant, hi a Cano usque ad Pyrenaeos sedes habent. Oppositio indicatur verbo «contra»²⁾. Etiam hic non solum geographicia, sed etiam logica ratio Pityusis Balearibusque interpositis per-

1) Quod Unger Gymnesiam Avieni diversam esse contendit ab insulis, quae vulgo hoc nomine appellantur, fundamento caret. In singulari numero non est cur haec remus. Nam praeter ipsum Avieum orb. deser. 620, qui locus metri necessitate excusari possit, singulari forma utuntur Strab. p. 123 et geogr. Rav. p. 414. Cf. etiam Steph. Byz. p. 214: Γυμνήσιαι δύο νῆσοι οὐχ ὡς τινες μία.

2) Unger «contra» idem quod «ex adverso illarum insularum» valere perferat opinatur. Neque enim tota ora usque ad Pyrenaeos Pityusis et Balearibus opposita esse dici potest.

vertitur. Quamobrem ut supra Gymnesiam ab interpolatore, ita Baleares Pityusasque ab Avieno additas esse censeo¹⁾.

Alebus in ora, qua ab Alone (Benidorme) insula septentrionem versus spectat, profluxerit necesse est²⁾. — Quoniam v. 464—473 soli incolae litoris inter Alebum et Pyrenaeos interpositi indicantur, montes fluvii urbes etc. sequentibus afferuntur versibus, Canum flumen in his repetitum iri exspectaveris. Quod non solum non fit, sed ad *Sicanum* annem (v. 480) denuo mentio infertur Iberum. Quamobrem Burmanni maioris coniectura recipienda est, qui pro «ad usque Cani» levissima mutatione «usque ad Sicani» scripsit.

Iam sequitur descriptio orae, cuius incolae praemittebantur; v. 474—478:

«prima eorum civitas
«Ilerda surgit; litus extendit dehinc
«steriles harenas. Hemeroscopium quoque
«habitata pridem hic civitas; nunc iam solum
«vacuum incolarum languido stagno madet».

«Eorum» ad Iberes referri appetat. At nondum horum, sed Gymnetum ora describitur. Accedit quod Ilerdae in his regionibus nusquam fit mentio, notissima est Ilerda ad Sicorim fluvium sita. Qui cum a nonnullis pro Sicanio habitus sit³⁾, ingeniosissimam Gutschmidii⁴⁾ amplector coniecturam, qui Ilerdam ab interpolatore ipso quoque in illa sententia versato inculcatam esse suspicatur. — Mhff contra Hemeroscopium interpolatori tribuerat, quippe quod falso *post* harenosum litus collocaretur, cum ante id ponendum fuisse. Sed verbis «litus extendit dehinc steriles harenas» primum, ut saepius fit in periplo⁵⁾, qualis sit universa orae natura, indicatur, deinde urbes in ea positae recensentur. Hemeroscopium autem, si quidem oppidi, quod hodie

1) Ab interpolatore, id quod vult Mhff, profecta esse non potest Pitynsarum et Balearium mentio, quia hic Baleares Gymnesiarum vel Gymnesiae nomine appellaverat. — Ceterum hic locus inter argumenta est, quibus ante Avienum periplo interpolatum fuisse demonstratur. Cf. p. 30.

2) Verisimillimum videtur fluviolum, qui hodie Gordos appellatur, pro Alebo habendum esse. A Müllenhoffo Alebus nimium ad meridiem collocatur.

3) Serv. ad Aen. VIII 328: «Sicani autem secundum nonnullos populi sunt Hispaniac a fluvio Sicori dicti».

4) Liter. Centralbl. 1871 p. 524.

5) Cf. v. 490. 513. 532.

Denia appellatur, situm tenebat, in initio litoris illius harenosi positum erat¹⁾.

Sicanum flumen, ad quod *Sicana* civitas sita erat (v. 478—479), Sucronem (Xucar) esse recte consentiunt interpres. — Peripli aetate geminum ostium habuisse videtur, cum Avienus de *divortio* eius loquatur (v. 480). Hoc enim verbo, quod Graecorum ἐκτροπὴ respondet, amnem in duo vel plura brachia se dividere significatur²⁾.

De *Tyrio* flumine, de *Tyri* oppido (v. 482), de *Bebrycibus* (v. 483—489) non habeo, quod addam eis, quae a Müllenhoffio et Ungero disputata sunt.

Crabrasiae iugum (v. 489) Unger recte promuntorium esse iudicat, quod hodie C. Oropesa appellatur. Idem C. Müllerum³⁾ secutus *Chersonesum* pro urbe, quae a Strabone Χερσόνησος, hac aetate Peñiscola dicitur, haud iniuria habere videtur⁴⁾. — A *Crabrasiae* iugo usque ad *Chersonesum nudum litus* se extendit.

«palus per illa Naccararum extenditur» (492)

«stagnique medio parva surgit insula, (494)

«ferax olivi, et hinc Minervae stat sacra».

Haec verba mihi quidem aliter accipi non posse videntur nisi ita, ut insulam sitam fuisse dicamus in illa palude. Ungerii enim sententiae, qui «stagni medio» «in alto mari» esse vult, non multos subscripturos esse puto. Miff paludem Naccararum sinum los Alfaques esse censem ab Iberi ostio meridiem versus situm. Cui sententiae Unger primum opponit, paludem apud Avenum semper lacum significare. Id tamen non recte habet⁵⁾. Deinde eam propter «per illa» in nudo illo litore collocandam esse dicit. Sed haec ab Aveno de suo addita esse possunt (cf. p. 34). Ipse lacum haud procul a promuntorio Oropesa situm pro palude Naccararum, Colubrarium (Colombretes) pro Minervae insula habet. Sed tum haec insula ante *Crabrasiae* iugum exhibenda erat.

1) Pars tamen urbis cum Dianaे templo in monte sita fuisse videtur. Strab. p. 159: τὸ Ήμεροσχοπεῖον ἔχον ἐπὶ τῇ ἄκρᾳ τῆς Ἐφεσίας Ἀρτέμιδος ἱερὸν σφέδρῳ τιμώμενον, φέρεται Σερτώριος ὑρμητηρίῳ κατὰ θάλατταν. ἐρυμνὸν γέροντος ληστρικὸν, κάτωπον δέ ἐξ πολλοῦ τοῖς προσπλεόσιν.

2) Cf. 629: «ostiorum divortia». Strab. p. 159: τῶν τοῦ Ἰζηρος ἐκτροπῶν. Mira est Ungerii explicatio: «die trennung des flusses von seinem bette und dem lande». 3) Philolog. 1873 p. 117. 4) Pro cassae cum Heinsio cascae scribendum esse videtur, quam coniecturam Unger iniuria sibi vindicat.

5) Cf. p. 36 n. 2.

Hylactes, *Hystra*, *Sarna* urbes (v. 497) ubi positae fuerint, accuratius definiri vix potest. *Tyrichas* ad Iberum sitas fuisse ex v. 503 «peregrina Hibero subvehuntur flumine» appareret¹⁾.

In explicandis versibus 504—524, quibus *Sacer*²⁾ *mons*, *Oleum* *flumen*, *Sellus* *mons*, *Lebedontia*, *Salauris*, *Callipolis*, *Tarraco*, *Barcino* urbes, *Indicetum* denique sedes describuntur, simpliciter eis accedo, quae Unger p. 254—265 disputavit.

Quae sequuntur minus prospere ab eo tractata sunt, quippe cum recumbendi verbo falsam substituisset significationem; v. 532—533:

«post quae recumbit litus Indiceticum

«Pyrenae ad usque prominentis vertices».

Unger cum usque ad Pyrenaeos montes litus acclive vel leniter editum esse dici non posse intellegaret, interpunctione a simplicitate mirum quantum abhorrenti usus «post quae recumbit litus. (Indiceticum Pyrenae ad usque prominentis vertices)» scripsit. — Illa, quam supra (p. 47) firmabamus, recumbendi verbi notione accepta hos versus optime ad naturam loci quadrare intelleges. Pertinent enim ad sinum, cui hodie Golfo de Rosas nomen est. — Quo statuto *iugum Celebandicum* (v. 525) et *Cypselam* urbem (v. 527) ab Ungero nimium ad meridiem collocata esse apparebit. Immo illud esse Caput de Bagur, quod vocatur, satis liquet, hanc haud procul ab illo sitam fuisse putaverim.

v. 534—543: «post litus illud, quod iacere diximus
«tractu supino, se Malodes exserit
«mons, inter undas [quo] tuntent sco [puli loco],
«geminusque ver[tex] celsa nubium petit].
«hos inter autem portus effuse iacet,
«nullisque flabris aequor est obnoxium:
«sic omne late praecolatis rupibus
«latus ambiere cautium cacumina.
«interque saxa immobilis gurges latet,
«quiescit aequor, pelagus inclusum stupet».

Cum litus illud supino tractu iaceens usque ad Pyrenaeos pertinere dicatur (v. 533), loca autem, quae his et sequentibus versibus descri-

1) Cur ante v. 496 Iberi descriptionem excidisse cum Müllenhoffio putemus, nulla idonea causa subesse videtur.

2) Ed. Ven. «mons acer»; Hudson «mons sacer». Quae conjectura facillima cur ab Ungerio spernatur nescio. «Acrem» enim montem vocare nulla est ratio.

buntur, eis Pyrenaeos sita esse appareat, descriptionem «post litus» verbis perperam inferri manifestum est. Quamobrem Mhff aut Avienum haec male adnexuisse aut in periplo enuntiatum loco motum fuisse suspicatur. Illud quanquam et saepissime factum est et facillime hic quoque fieri potuit, tamen hoc loco non tam Avienum quam librarios culpandos esse arbitor. Namque v. 534 «per littus» scribendum esse conicio, sicut v. 492 «per illa», v. 513 «per quas» v. 546 «per quae» legitur. Cum praepositiones «per» et «post» saepius inter se commutentur propter siglorum similitudinem (p et p'), hoc loco etiam propter v. 532 facillime id fieri potuit.

Malodem esse montem Iovis, quem Mela appellat (hodie Mongri), Petrus de Marca perspexit, cui Wernsdorf et Mhff haud iniuria assentiuntur. — V. 536 ab Unger recte expletum esse censeo, cum Wernsdorpii «qua — scopuli duo» fundamento careat. Geminum enim verticem non ad scopolos, ut voluit Petrus Marcanus, sed ad Malodem montem referri reete monet Unger. Sed perperam idem portum illum (v. 538) inter geminum verticem Malodis positum fuisse arbitratur. Immo inter scopolos eum latuisse ex versibus sequentibus appetit.

Stagnum Toni (v. 544) stagnum Castilionense esse de Marca intellexit¹⁾. — *Tononia rupes* (v. 545) cum Mhffio ad montes supra Rhodam (Rosas) se attollentes referenda est. — *Anystus* denique fluvius Tichis (Muga) est²⁾.

V. 548—557. *Ceretum Aucoceretumque*³⁾ et *Sordorum* sedes describuntur. Illi mediterranea tenent, hi in ora inde a Pyrenaeorum montium iugo habitant.

v. 558—561: «in Sordiceni caespitis confinio

«quondam Pyrenae latera civitas ditis laris
«stetisse fertur, hicque Massiliae incolae
«negotiorum saepe versabant vices».

1) A flumine aliquo nomen habere id stagnum cur statuat Unger, non percipio. 2) «Per quae» v. 546 non potest valere «inter stagnum et iugum» ut Unger vult, sed ut v. 492 «per illa» v. 513 «per quas» dictum est.

3) Hudson «Acroceretes», Unger «Ausoceretes» scribi voluit. Melius intactum relinquetur. Cf. Laetanos (Strab. p. 159) cum Lartolaeetibus (Strab. p. 1. 1.), Iaitolaeetibus, Eustiaithlaeetibus (nummi); Gletes (Herodot.) cum Adogletibus, Ieorgletibus, Iscergletibus (nummi); Zobel de Zangroniz Monatsber. d. Acad. zu Berlin 1881 p. 825.

Unger Christium secutus Ἐπτόποιο Massiliensium coloniam hoc loco indicari putat. Avienum enim nomen proprium huius urbis pro appellativo habuisse et verbis «hicque — vices» circumscriptississe. Versum autem 558, qui uno pede redundant, duorum versuum lacinias continere arbitratus ita scribendum esse proponit: «quondam Pyrenae latera iuxta et insulam alte tumentem] civitas ditis laris» et q. s. Sed Empiarum mentio ab hoc loco plane aliena est. Quae cum ad Clodianum flumen (Fluvia) sitae essent¹⁾, inter Malodem montem et stagnum Toni exhibendae erant, nullo autem pacto post Pyrenaeos superatos²⁾ commemorari poterant. Accedit quod Emporias in finibus Indicetum fuisse satis constat³⁾, illa contra urbs in Sordorum agro sita esse traditur⁴⁾.

Quae cum ita sint, non est recedendum a sententia priorum interpretum, qui versum 558, «latera» voce ut glossemate electa, sic restituerant: «quondam Pyrene civitas ditis laris». Hanc Pyrenen urbem eandem esse atque eam, quam Herodotus II 33 commemorat, in aperto est, alterumque testimonium altero egregie confirmatur. — Quomodo autem illud «latera» in versum irrepserit, dupli modo explicatur. Alii enim lectorem aliquem, cum quid sibi vellet Pyrenae nomen, non intellegerer, «ad Pyrenae latera» superscripsisse putant; partem huius interpretamenti in textum a librario receptum esse. At non «latera», sed «latus» istum hominem scripturum fuisse exspectaveris. — Verisimilior Pithoei ratio videtur. Nam cum apud Melam⁵⁾ castelli Laterae mentio fiat in Gallia Narbonensi siti, nescio quem Pyrenen urbem pro Latera habuisse et hoc nomen adscriptisse arbitratur⁶⁾.

In Pyrenen septem dierum cursus esse dicitur «ab columnis Herculis Atlanticoque gurgite et confinio Zephyridis orae». In periplo

1) Ceterum Unger de situ Empiarum accuratius definiendo optime meritus est. Etenim cum antea eo loco, quo nunc est Castellon de Ampurias, sitae fuisse crederentur, ad flumen, cui hodie nomen est Fluvia, eas stetisse, ubi nunc est vicus Ampurias, egregia disputatione (l. 1. p. 261—264) demonstravit.

2) Pyrenaeos transgreditur peripli auctor Sordos commemorans. Nam usque ad Tropaea Pompei in ipso Pyrenaeorum iugo posita Indicetes pertinebant (Strabo p. 156, 160 cf. v. 523).

3) Strab. p. 160. 4) «Confinium» enim vox πλεονάζει apud Avienum, quo fit ut «in Sordiceni caespitis confinio» idem sit atque «in Sordiceno caespite». Cf. deser. orb. 351, 586, 597, 641, 695, 954.

5) II 5. 6) Eodem modo Ruscimonis nomeu huic loco adscriptum esse (in antiqua editione?) Pithoeus testatur (apud Wernsdorffum ad l. 1.).

haec tria loca quippe haud parum inter se distantia non poterant afferri¹⁾. A Gadibus septem illos dies computatos fuisse supra suspicati sumus (p. 23; 35).

Post *litus Cyneticum*, de quo quid statuam nescio, et *Roschinum*²⁾ ammem (v. 566—567), quem Rhuscinonem (hodie la Tet) esse constat, haec sequuntur, v. 569—574:

«stagnum hie palusque quippe diffuse patet,
«et incolae istam Sordicen cognominant;
«praeterque vasti gurgitis crepulas aquas
«(nam propter amplum marginis laxae ambitum
«ventis tumescit saepe percellentibus)
«stagno hoc ab ipso Sordus annis effluit».

Perperam Unger³⁾ stagnum et paludem diversa esse putat. Nam etiamsi illius vocabuli vis latius pateat, ut praeter paludem etiam lacum, ammem⁴⁾, maris sinum⁵⁾, plurali denique numero omnino aquas significet, tamen hoc loco quid sibi vellet stagnum, si a palude diversum esset, prorsus non intellegetur⁶⁾. Atque εὐ διὰ δύοιν quod aiunt, stagni et paludis vocabulis effici et verbum singulari numero positum («patet», quod U. iniuria in «patent» mutari voluit,) et nomen solius paludis allatum demonstrat. Stagnum Leucatae (étang de Leucate) hanc paludem esse iam Petrus de Marca vidit, cui et Mhff et Unger recte assentiuntur. — Pro Sordo autem flumine cum Müllenhoffio Vernodubrum (Agly) habeamus idque olim stagnum Leucatae permeasse putemus necesse est. Neque enim verba «praeter vasti gurgitis crepulas aquas ... Sordus annis effluit» cum UNGERO ita interpretari licet, ut Sordum iuxta vel propter vastum gurgitem (i. e. paludem) effluxisse dicamus. Hoc si dicere voluisset Avienus, cur crepularum paludis *aquarum* mentionem fecisset, non intellegetur. Immo hunc subesse istis verbis sensum appetet: praeter proprias paludis aquas (fontibus nimirum subministratas) ex ea effluunt aquae Sordo fluvio inventae.

1) Müllenhoff p. 181. 2) Formam ch litteris insignem Theognosti locq defendi C. Müller (ad Ptolem. p. 234) animadvertis. 3) p. 266.

4) Cf. deser. orb. v. 585. «Hissi Boreas stagno tulit Orithyiam»; or. mar. v. 670 de Rhodano. 5) Cf. v. 519. 697. 6) Sinum maris («meerarm») hoc loco vel prepterea significare non potest, quia e sinu maris annis effluere nequit (v. 574).

Post lacunam, qua Leucatae promuntorii mentionem excidisse Mhff e v. 598 recte conicit, hi sequuntur versus:

«simuatur alto et propria per dispendia
«caespes cavatur, repit unda longior,
«molesque multa gurgitis distenditur;
«treis namque in illo maximae stant insulae.
«saxisque duris pelagus interfunditur.
«Nec longe ab isto caespitis rupti sinus
«alter dehiscit insulasque quattuor
«(at priscus usus dixit has omnes piplas)
«ambit profundo».

Sinum tres insulas continentem stagnum, quod hodie étang de Gruissan appellatur, sinum quattuor insularum stagnum esse, cui nomen est étang de Bages et de Sigean, Mhff¹⁾ optime demonstravit. Atque illarum primam Sanctae Luciae insulam (île de Ste Leucie) esse ostendit, alteram — insulam, quae mons Sancti Martini vocatur (mont St. Martin), tertiam denique — paeninsulam Gruissani (presqu'île de Gruissan), quam olim et ipsam insulam fuisse suspicatur, id quod, ut Unger animadvertisit, Petri de Marca descriptione bene confirmatur²⁾. Quattuor alterius sinus insulas insulam de Planasse et tres insulas des Ouillous esse Mhff item rectissime exposuit.

Quae cum ita sint, summam habet offensionem, quod sinus trium insularum, ante sinuin quattuor insularum commemoratur, cum post hunc occurrat ei, qui ab Herculis columnis Massiliam versus progressit. Quod Mhff ita explicabat, ut illi, quippe qui maiore insularum mole huic praestaret, primum locum concessum esse diceret. Sed argutius hoc exegitatum esse nemo non videt. — Aliam explicandi rationem tractans Unger³⁾ conjectura dueitur ad suspicandum,

1) p. 185. 2) Operae pretium esse videtur, ipsa egregii viri verba afferre. Petrus de Marca, Marca Hispanica (Parisiis 1688) p. 38: «circa Narbonem sunt aliquot insulae, velut insula Licci seu Lecci, hodie Lee, quae mari tunditur ex alio latere stagnis cincta, cuius mentio est in praceptis Caroli Calvi pro Ecclesia Narbonensi. Est praeterea illuc insula Gruissani praecincta stagno, cuius ostia in mare irruunt faciuntque quam Graeci vocant stomalimum. Ostia illa, maius et minus, gradus Gruissani hodie dicuntur itaque vocantur in veteribus actis. Succedit tertia insula Cauchenae mari et stagno inclusa, quam obiectu parvae molis coerebenda aquae Atacis causa constructae paeninsulam effecere Narbonenses». 3) p. 267.

Sanctae Luciae insulam olim e meridiana parte ita cum continentem cohaesisse, ut sinus quattuor insularum nisi per sinum trium insularum ex mari adiri non potuerit. — Sed licet hanc audacem profecto, quippe quae testimoniis probari nequeat¹⁾, coniecturam accipias, quomodo paeninsula illa a periplus auctore insulis adnumerari potuit? Brevitatis, inquit, causa id factum. Egregiam brevitatem, qua falsa traduntur! Nonne et brevius et verius erat illam silentio transire, sicut reliquae harum paludum paeninsulæ non commemorantur?

Rectum sine dubio Gutschmid vidit, cum sinum quattuor insularum a genuino periplus alienum esse iudicat. Quod maxime verbis «at priscus usus dixit has omnes piplas» probari puto. Iis enim praecedentibus verbis «insulasque quattuor» aliquid opponi cum ex coniunctione «at» usurpata²⁾ et voce «omnes» addita, tum ex verborum collocatione apparet. Quamobrem Hudsoni coniectura cum Mhffio recipienda est, qui pro «piplas» «triplas» seripsit. Verba «has omnes» non solum ad quattuor illas insulas, sed etiam ad tres maiores referenda sunt. Significant igitur insulas, quae in illa sint regione, in periplus (= priscus usus³⁾) τριπλάς dictas esse, quamquam re vera non tres, sed septem sint. Haec aliena manu, i. e. ab interpolatore, ut Gutschmid recte animadvertisit, addita esse apparet. Qui cum ad periplus descriptionem vel supplendam vel corrigendam auctore uteretur ab oriente ad occasum progrediente, hoc quoque loco contrarium illi ordinem secutus est.

De *Elescum* gente eiusque capite *Narbone* (v. 584—586) de *Attago* amni et *Helice* palude (v. 585—587) de *Besara* urbe (v. 588) de *He-*

1) Unger pro testimonio ad Petri Marcae libri p. 30 provocat. At ibi nihil dicitur nisi a Romanis opera exstructa esse «ad coercendam per stagni Rubresi spatia aquam Atacis, quo facilior tutiorque esses navigatio, camque *seco arenoso aggere, qui stagnum a mari dividit*, in pelagus deducendam». Num arenoso illo aggere *insula S. Luciae* cum continentem coniuncta fuerit, ne uno quidem indicatur verbo. De praesenti loci natura de Saulcy audiire iuvat, cuius de Avieni *Ora Maritima* disputatio ut ratione ac doctrina caret, ita propter locorum οὐτοφίαν aliquius est momenti. Revue archéol. 1867 (XV) p. 82: «Nous voici à la Nouvelle; devant nous s'étend vers le nord l'île Sainte-Lencie, dont la pointe nord est fort élevée. Cette île est bornée par le grao de la Nouvelle et l'étang de Sigean au sud, par le grao de la vieille Nouvelle et l'étang de Gruissan au nord, par la mer à l'est, et enfin par l'étang de Sigean à l'ouest».

2) Unger p. 268 n. 68 «at» coniunctionem apud Avienum saepius non oppositioni, sed sermonis continuationi inservire adnotat. Sed hoc loco ipsa παρενθέσις ratio sermonem non continuari, sed medium aliquid ei interponi docet.

3) Cf. p. 37.

ledo, Orobi, Thyrio fluminibus (v. 589—593) non habeo quod addam eis, quae a Müllenhoffio et Ungerо disputata sunt. — De eis autem, quae sequuntur, neutri plane assentior. Quaeritur enim, quo loco *Setius mons, Fecyi iugum, Oranis* vel *Oranus* (utra forma praeferenda sit, non liquet) flumen sita fuerint.

Post *cautem*, cuius nomen excidit, quam tamen promuntorium esse hodie Cap d'Agde dictum apparet, et *Blasconem* insulam (hodie Brescou) *harenosum litus* explicari prohibetur «inter adsurgentium capita iugorum»; succedunt haec v. 604—610:

«Setyus inde mons tumet
«procerus arcem et pinifer, Fecyi iugum
«radice fusa in usque Taurum pertinet;
«Taurum paludem namque gentiei vocant
«Orani propinquam flumini, huius alveo
«Hibera tellus atque Ligyes asperi
«intersecantur».

«Adsurgentia iuga», inter quae litus harenosum se extendit, alterum esse montem, ad quem Agde oppidum situm est, alterum esse montem oppido, cui nomen est Cette, propinquum apparet. Huius litoris lacinia Taurum¹⁾ palus (étang de Thau) a mari distinguitur. Iam quaeritur, quae ratio inter illos montes et Setyum montem iugumque Fecyi intercedat. Mhff illum, quem priore loco nominavi. Setyum montem esse putat, alterum Fecyi iugum. Unger²⁾ contra exegeticen postulare contendit, ut prius illorum «adsurgentium iugorum» ad montem iam antea commemoratum referatur. Quamobrem montem ad Agde situm haud diversum esse iudicat atque «verticem cautis», cuius v. 597 mentio fit, montem autem Cette urbe insignem Setyum montem esse vult et ad eundem «Fecyi iugum», pro quo «Setyi iugum» scribit, referendum esse censet. Sed ipsa haec mutatio aliquid difficultatis habet, sermonem si spectas. Molestissima enim iteratione «Setyus» mons et «Setyi iugum» componuntur. Locis, quibus U. talem nominis répétitionem Avieno sollemmem esse demonstrare vult, nihil probatur. Illis enim sermonis aut perspicuitati (v. 344, 443) aut ornamento (514—515) inservit³⁾; quorum neutrum de hoc loco valet.

1) Traditam formam Unger contra Mhffii coniecturam Tausum scite defendit.

2) p. 273. 3) v. 224, 556, 567, hic non pertinent.

Multo vero graviora haec sunt: v. 608 Ligures ab Iberibus Orani flumine separari dicuntur. Unger enim sententia, qui verba «huius alveo» ad Taurum paludem refert, complures ob causas recienda est. Quomodo enim prodera palude et in litore maris ita sita, ut intorsus non pertineat, populi distaminari, atque adeo quomodo eius «alveo» regiones intersecari possint, non intellegitur. Accedit quod alvei vox nisi de fluminibus non usurpatur, id quod ipse Unger concedit¹⁾.

Ut igitur hoc loco ab Orani flumine ita v. 621 «Secyena ab arce» Ligures habitare perhibentur. Qua re hanc haud procul ab illo abesse appetet. Atqui monti, ad quem Cete oppidum situm est, nullum alicuius momenti propinquum est flumen. Contra monti Agathensi Arauris (Hérault) amnis satis amplius proximus est. Ad quem iam C. Müller²⁾, cui et ipse Unger³⁾ assentitur. Oranum flumen rettulerat propter v. 607, quo Taurum palus Orani propinqua esse dicitur⁴⁾. Sequitur Setym montem vel Secyenam arcem cum Müllenhoffio pro monte d'Agde habendum. Fecyi iugum ab eo diversum et ad montem de Cete referendum esse. Quae sententia eo confirmatur, quod mons Agathensis apud Strabonem⁵⁾ et Ptolemaeum⁶⁾ Σετιον
Σετος audit. Unde apud Avienum v. 604 «Setius mons», v. 622 «Setiena ab arce» cum Wernsdorfio scribendum esse colligitur.

Hunc hoc loco ordinem sequitur periplus: primum loca describuntur, deinde de gentibus agitur, postremo urbes afferuntur. Quamobrem oppida, quae v. 610 sqq. exhibentur, non inde a Fecyi iugo, ut Unger vult, sed ab Orani flumine orientem versus sita fuisse appetet. *Polygiam* igitur cum Müllenhoffio eo collocari potest loco, quo postea Agatha Massiliensium colonia fuit.

De *Rhodani cursu* (v. 625—678) eis accedo, quae Unger disputavit, duos si exeperis locos.

V. 626—629 Avienus qua ratione Rhodani cursum descripturus sit, praemittit:

1) I. l. p. 274. 2) Philolog. 1873 p. 119. — In eandem sententiam Miff quoque inciderat, sed ipse eam destituit argumento permotus, cuius sensum me non percipere fateor (p. 191 n. «warum wird dann das étang de Tau zwischen den fluss und das Fecyi iugum und nicht zwischen die beiden höhen, den Setius mons und das iugum Fecyi gesetzt? At illud unusquam fit!»). 3) Cuius tamen conjectura (Aurari = Arauri) vix cuiusquam feret plausum. 4) Eiusdem mentionem iam in eis extitisse versibus, qui post v. 593 exciderunt, Müller et Unger recte statuunt. 5) Strab. p. 181. 6) Ptol. II 10, 21.

«Quippe amnis ortum, gurgitis lapsum vagi,
«quas iste gentes lambat unda fluminis,
«quantoque manet incolis compendio,
«et ostiorum fabimur divertia».

«Amnis ortus» et «lapsus» v. 634—640 describuntur: gentes adiacentes 664—669 enumerantur; de ostiis 674—678 agitur. Ad cursus «compendium» v. 669—670: «panditur porro in decem flexus¹⁾ recursu gurgitum» referendos esse sequitur. Atqui de compendio in his nihil profertur. Quamobrem Unger nonnulla hoc loco excidisse suspicatur, quibus quid incolae Rhodani cursu lucrati essent, expositum fuerit. Sed et ipsa sententia friget, et lacuna parum probabiliter statuitur, et verbum «recursu» repugnare videtur. Evidem v. 669—670 intactos relinquendos, versu autem 628 pro «compendio» «dispendio» scribendum esse censeo. Cf. 575: «propria per dispendia caespes cavatur». orb. deser.: «latus omne soli procul in dispendia cedit litoris». — Mart. epigr. IX 99, 5: «longa dispendia viaruna». — Cum «incolis» dativo supervacue addito cf. v. 95; 218; 232; 333; 570.

De versibus 676—677 Unger quietus tacet; ego magnopere aestuo. Rhodanus Accione ex laeu, quem hand procul ab ostio fecit, quinque oribus evolvi dicitur «Atlanticas in gurgites, nostrum in mare | et occidentem contuens». His mare mediterraneum utpote oceani Atlantici sinum significari Miff²⁾ vidit. Sed eur in mare mediterraneum Rhodanum effluere diserte indicatur, cum per se contentaneum id sit? quid sibi vult «et» particula addita? quomodo Rhodanus ex laeu Accione egressus occidentem contueri dici potest? Hoc de uno tantum ostio, quod os Hispaniense appellabatur, valere Miff recte animadvertis. Quamobrem cum verba «Atlanticos in gurgites, nostrum in mare» et «occidentem contuens»

1) Ed. Ven. «vexis». Sed Opitii coniecturam «flexus» veram esse «recursu gurgitum» verbis demonstratur. (Horum verborum explicationem ab Ungerо prolatam non satis capio: «in wiederkehrender, sich stets erneuernder, flussströmung»). Cf. etiam locum Plinianum ab Ungerо allatum: «Lydia perfusa flexuosis Maeandri recursibus».

2) p. 198 cf. supra p. 22. — Cum syntaxi cf. v. 398: «Hyrcana rursus unda, Caspium mare» et v. 399: «Salum Indorum, terga fluctus Persici». — Wernsdorf (ad h. I. et Exe. II) cui C. Müller adstipulatur, Avienum eandem atque Apollonium Rhodium (IV 566 sqq.) sententiam sequi putat, ex qua Rhodanus tribus brachiiis, altero in oceanum, altero ad sinum Adriaticum, tertio in mare Sardoum deferri credebatur. Sed haec explicatio vel propter grammaticam rationem (propter «et» particulam additam) stare non postest.

dentem contuens», ut comparia atque aequa, «et» particula coniungantur, illis ostium ad orientem vergens, quod os Massalioticum audiebat, indicari exspectaveris.

Quod v. 679—681 *Theline* Arelas esse dicitur, rectius cum Unger ad Avienum quam cum Mhffio et Gutschmidio ad interpolatorem referri puto. Namque eam redolet ignorantiam, quae Avieni sit propria. Cuius aetate cum Arelas celeberrima totius Galliae esset urbs, habuit profecto cur eius mentionem desideraret.

De reliquis non habeo quod hoc loco proferam.

Quoniam quae esset ratio «Orae Maritimae» Avieniana, quae summa locorum ea descriptorum, qua denique arte vetus periplus e reliqua descriptione enucleandus esse videretur exposuimus, iam ad rem, quae nobis summa proposita est, accingamur, et quid illo periplus ad Massiliac historiam cognoscendam proficiatur, inquiramus. Quod tamen ut recte fiat, primum quo tempore et a quo auctore compositus sit, videndum est.

Müllenhoffi sententia, qui periplus illum saeculo sexto ab homine Phoenicio compositum et ineunte saeculo quinto in Graecum sermonem conversum esse putabat, a Gutschmidio Unger aliis satis refutata est. — Ipsius Gutschmidii sententia argumentatione nititur non prorsus necessaria. Etenim cum nonnulla locorum gentiumque nomina et periplus et Hecataei, quae aetatem tulerunt, fragmentis propria sint, illum Hecataei temporibus conscriptum esse suspicatur. Quod argumentum cum per se non multum valere in aperto sit, eo quoque immunitur eius vis, quod periplus etiam cum aliis V et IV saeculorum scriptoribus, velut Herodoto, Herodoro, Theopompo Ephoro, complura habet communia.

Rectius Unger¹⁾ terminum, ante quem conscriptus esset periplus, ex eis repetivit, quae de Iberum sedibus ab antiquis scriptoribus traduntur. Prisca enim aetate Iberes usque ad Rhodanum pertinuisse dicuntur: Strab. p. 166: Ιβηρίαν ὑπὸ ... τῶν προτέρων καλεῖσθαι (Ὥγουσι) πᾶσαν τὴν ξένη τοῦ Ροδόπου. Aeschylus id aetate fuisse ex Plinii loco colligitur; XXXVII 32 «Aeschylus in Iberia hoc est in Hispania Eridanum esse dixit eundemque appellari Rhodanum». — Sed Ligures, qui Aeschylus aetate a Rhodano ad orientem habitaverant²⁾, occiduum versus progredientes illos paulatim protrudebant. A Scylace

enim, qui periplus anno 347 a. Chr. composuit, inde a Pyrenaeis montibus Λίγυες καὶ Ιβηρες μηγάδες oram maritimam tenere dicuntur, Ephori vero aetate Ligures soli regionem inter Pyrenaeos et Rhodanum interpositam incolebant³⁾. In Avieni autem periplus Setio monte et Orani fluvio Iberum fines a Liguribus disternari vidimus⁴⁾. Recte igitur Unger eum aliquanto post Aeschylum conscriptum esse statuit.

Accuratus periplus aetatem definire studet Unger ex eis, quae de Carthaginiensium et Massiliensium in Hispania rebus statuit. Carthaginienses enim, quorum coloniae in periplus commemorantur⁵⁾, exente demum saeculo quinto Hispaniam obtinuisse putat. Quam sententiam falsam esse ex eis, quae supra disputavimus⁴⁾, appetat. De Massiliensium autem rebus periplus cum Scylace congruere contendit, quippe qui solas Emporias eis tribuat. At Emporiam mentionem falso ab Unger in periplus illatam esse supra exposuimus⁵⁾, et longe aliud, atque Unger arbitratur, de Massiliensium rebus ex periplus colligendum esse statim demonstrabimus.

Neque etiam quae Unger ex auctorum ab Avieno laudatorum temporibus ad periplus aetatem definiendam effici vult, comprobare possum. In exordio enim poematis Avienus se in «Taurici Ponti situ» explicando Sallustium expressisse testatus haec adiungit, v. 36 sqq.:

«ad eius igitur inclutam
«descriptionem, qua locorum formulam
«imaginemque expressor efficax stili
«et veritatis paene in obtutus dedit,
«lepro linguae, multa rerum iuxtimus
«ex plurimorum sumpta commentariis,
«Hecataeus istic quippe erit Milesius»,

et praeter Hecataeum enumerat Hellanicum Lesbium, Phileam Athenensem, Scylacem Caryandaeum, Pausimachum Samium, Damastem Sigeum, Bacorum Rhodium, Euctemonem Athenensem, Cleonem Siculum, Herodotum Thurium, Thucydidem Athenensem. Unger hos scriptores non ab ipso Avieno adhibitos esse haud iniuria statuens in vetere periplus laudatos fuisse arbitratur; quem propterea paulo post Thucydidem, recentissimum illorum, compositum esse concludit. — At enim scriptorem ineuntis saeculi quarti tanta cura auctores, quibus

1) Philol. Suppl. IV p. 196.

2) Cf. p. 18.

1) Cf. p. 18.

5) 55.

2) Cf. p. 60.

3) Cf. p. 42, 45.

4) Cf. p. 13.

usus esset, indicavisse ab omni probabilitate abhorret. Conferas
quaeso quemadmodum Herodotus Hecataeo, Thucydides Herodoto et
logographis utatur, et qua ratione uteque auctores suos impugnet.
Accedit quod ad Ponti Euxini descriptionem explendam illis auc-
toribus se usum esse testatur Avienus. Ad ea, quae periplo contine-
antur, illis enumeratis orationem convertit. v. 51 sqq:

“hic porro habebis, pars mei cordis Probe,
“quidquid per aequor insularum attollitur.” et q. s.

Sed suo iure Unger ab Avieno illos inspectos et excerptos esse negat^{1).} — A quoniam igitur hoc factum esse credamus?

Cohaeret haec quaestio cum altera, ut quam late patuerit periplus descriptio, seiscatur. Atque Müllenhoff quidem Avieni opus duabus partibus inter se non cohaerentibus compositum fuisse censet, quibus extremae eaeque disiunctissimae Europae partes, Pontus nempe Euxinus secundum Sallustium, ora maritima ab Oestrymnidibus usque ad Massiliam secundum periplus, descriptae fuerint. Cui Gutschmid tale carminis argumentum tam deforme atque insulsum videri opposuit, ut homini sanae mentis imputari nequiret. Cum hoc Gutschmidii iudicio quin consentiam, facere non possum. Tamen in Mhffii quoque sententia aliquid veri inesse arbitror propter extrema carminis verba:

“si qua prisca te iuvat
haec in novella nominum deducere”.

Quae a Mhffio²⁾ sine dubio recte hunc in modum explicantur:
„mit dem letzten satze wollte Avien sicherlich nicht, wie Wernsdorf meinte, den entschluss ankündigen, nun die vielen bisher erwähnten verschollenen alten namen in neue gebräuchliche umzusetzen — es wäre das ein seltsames unternehmen gewesen, das ihn genötigt hätte, den ganzen, eben beendigten weg noch einmal zurückzulegen — im gegenteil sollten sie eine zunutung der art, die er von seinem jungen freunde wohl erwarten konnte, zurückweisen

1) Eis enim, quae U. l. l. p. 200—205 de hac re disputavit totum me addico, eo excepto argumento, quod ex «plurimorum auctorum» «plerorumque» etc. mentione repetit. His enim ad interpolatorem respicere Avienum supra ostendimus.

2) v. 201

und diesem, falls ihm darnach gelüstete, anheimgeben, es selbst damit zu versuchen».

Ex illis igitur verbis hoc loco aliquod descriptionis incisum fuisse, et Avienum, cum hueusque prisca quaedam et obsoleta, ut opinabatur, dedisset, in eis, quae sequebantur, alios auctores adhibuisse colligitur.

Atque Massiliam peripli terminum et quasi σχοτόνῳ, quo tenderet, fuisse, tota descriptionis ratio demonstrat. Quo propius enim ad hanc urbem accedit περιηγητής, eo plenior atque accurriarior fit descriptio.

Quid quod in ipsis Avieni verbis aliquod indicium illius rei exstat. Hunc enim in modum Massiliae mentionem infert:

“gens hinc Nearchi Bergineque civitas,
“Salyes atroces, oppidum Mastrabalae
“priscum paludis, terga celsum prominens,
“quod incolentes Cecylistrium vocant,
“Massilia et ipsa¹⁾ est».

Neque denique forte fortuna factum esse credo, ut a typographo Venetam illam excudente post Massiliae potissimum mentionem finis operi imponeretur. Immo Avienum eam descriptionis partem, utpote ex se ipsa aptam et a reliqua discretam, proprio libro complexum fuisse, et a typographo nonnullos tantum in libri fine versus, ad legendum, ut fere fit, difficiles, omissos esse putaverim.

Sed eam orae maritimae partem, quae inter Massiliam et Pontum Euxinum interposita est, silentio se transiisse neutquam significat Avienus. Immo post v. 51—67, qui ad totam maris mediterranei oram referuntur, terminum laboris sui hunc fore praedicat.

«Scythicum ut profundum et aequor Euxini soli,
«et si quae in illo marmore insulae tument,
«edisserantur».

«Reliqua» autem, de quibus ad «Descriptionem Orbis» lectorem remittit, ad Asiae et Africæ oram reliquumque orbem spectare Gutschmid animadvertis.

1) Wernsdorffii explicationem: «sic loquitur eminentem nobilissimam urbis claritatem significans» non sufficere in propatulo est.

Quid igitur statuamus? Quomodo Müllenhoffii et Gutschmidii sententias, quarum utramque aliqua ex parte iustum esse intellecterimus, consociemus?

Ego quidem Avienum orae quoque inter Massiliam et Pontum Euxinum positae descriptionem dedisse neque tamen periplum illum veterem, sed alios auctores secutum esse arbitror. Hic Hecataeum, hic Hellanicum, hic reliquos fuisse puto, qui v. 42 sqq. recensentur, verumtamen non ab ipso Avieno excerptos, sed a nescio quo epitomatore antiquissimarum rerum geographicarum studioso in breve corpusculum ante illum coactos¹⁾.

Atque eadem epitoma Avienus ad Sallustii historiam explendam usus est; ex eadem autem nonnulla periplo quoque admixta esse Euctemon (v. 337, 350) Damastes (v. 372) Seylax (v. 872) Phileas (v. 685) laudati demonstrant. Sed haec non ab Avieno addita esse videntur; immo totum periplum in illam syllogam receptum fuisse, et ab eo, qui hanc confecerit, istos Euctemonis Scylacis Damastae Phileae locos inspersos esse puto. Hanc enim illius syllogae rationem fuisse suspicari licet, ut unius alicuius auctoris descriptione pro fundamento substituta, quae reliqui prodiderant variarum, ut ita dicam, lectionum instar adnotata fuerint. — Atque cum Massiliam usque pro primario fonte fuisse periplus, illo finito aliis potissimum auctor exprimebatur.

Hanc de vetustissimorum geographorum sive sylloga sive synopsi ab Avieno adhibita ὅποθεστι si comprobaveris, etiam qua re ductus sit Avienus, ut Ponti Euxini descriptioni orae maritimae periegesin adderet, aliqua saltem ex parte explicari videbis. Desumpsit hoc ipsum quoque ex sylloga illa, cuius de Ponto Euxino parte ad Sallustii descriptionem supplendam usus est.

Sed sive hoc, quo ego conabar, sive alio modo difficultates illas tollere studueris, ex auctoribus ab Avieno enumeratis periplum post Thucydidem conscriptum esse colligi non posse mihi largitum iri confido.

Ut igitur hac re nihil efficitur ad peripli actatem definiendam, ita ex eis, quae supra²⁾ de Gallorum in Galliam, qua meridiem spectat, migratione disputavimus, certum repetitur argumentum. Illam enim post periplum compositum factam esse appetet. In quo cum non solum ora Hispaniae et Galliae, qua mari mediterraneo alluuntur, accurata

1) Simili prorsus modo ea, quae apud Ephorum Timaeum alios de terrarum situ inveniebantur, in unam orae maritimae descriptionem redacta sunt, quae Scymno Chio vulgo tribuitur. 2) Cf. p. 15 sqq.

tissime describatur, sed etiam gentes Rhodano flumini adiacentes enumerentur¹⁾, Gallorum nulla fit mentio. Immo usque ad Oranum flumen Iberes, inde Ligures habitare dicuntur²⁾. — Apparet igitur Gallorum in meridionalem Galliam adventum pro termino, ante quem conscriptus sit periplus, habendum esse.

Haec de peripli aetate ostendisse in praesens sufficiat. Quae ex eo de Massiliensium rebus colligantur, cum accuratius perspexerimus, etiam angustioribus finibus illam circumscribere licebit.

Restat, ut quae de ipso peripli auctore erui posse videantur, exponamus. Ionicae eum dialecto usum esse Mhff forma «Massieni», quam v. 422 usurpat, eum Hecataei «Μασσαγενόι», Herodori «Μαστιγοί» et Theopompi «Μασσαγός», Polybii «Μαστιχοί» collata evicit. Alterum Ionismi indicium Gutschmid in eo positum esse putat, quod v. 108 Ιέρων in Ιέρων abierit (Av. «Sacra»). Huc etiam Cartare nomen (v. 255) spectat. Denique adiectiva quoque in — τηνός exeuntia (v. 568: «Sordicinae glebae», v. 622: «Setiena ab aree») Ionicam produnt dialectum³⁾. — Ionem et ipsum peripli auctorem fuisse inde non necessario colligitur. Poterat enim, id quod saepius factum esse constat, in dialecto quoque eligenda exempla eorum sequi, qui ante eum periplos composuerant. Quod tamen propterea parum habet verisimilitudinis, quia non ad artem et praecepta revocatus, sed ad nautarum mercatorumque usum comparatus fuisse videtur.

Ipsum enim initium peripli, quippe cum ab insulis, stannum unde proveniebat, exordiatur, mercandi consilium eius auctorem secutum esse ostendit. Ad nautarum porro usum locorum intervalla dierum, quibus esset opus ad navigandum, numero apposito

1) v. 664 sqq.

2) Cf. p. 60.

3) Etiam ethnica in — τηνός exeuntia non occurunt nisi in regionibus ab Ionibus frequentatis, ut in Asia terrisque Ponto Euxino adiacentibus ita in Hispania Galliaque, hic Massiliensium, illic Milesiorum Phocaenensium aliorum oribus formata. Cf. Steph. Byz. p. 191, 22 Γάζαλα ... ἔστι καὶ χώρα Ἀραβίας ... καὶ τὸ ἐθνικὸν Γεβυληνός, ὡς Δαυηνός, Ἀδαρηνός, τῷ τύπῳ τῶν ἑγγαρίων. — p. 5, 8: Λιβυσηνός. ἔθνος Ἀραβίας ὁ τύπος δέখει καὶ ἐπιχώριος τοῖς Ἀραψιν, ὡς Μηδαβηνοί, Ὁβδοηνοί, Ἀδριηνοί, ἀλλὰ καὶ τοῖς Ἀσιανοῖς ἄπασιν, ὡς Ἀπολλώνιος ὁ τεχνικός ἐν τῷ περὶ παρωνύμων φησί «δι' ἔθους εἰσὶ ταῦτα τοῖς ἐπὶ τῆς Ἀσίας κατοικοῦσιν, ἀλλότριοι δὲ τῶν Εὐρωπαίων. οὐ γὰρ ἀπὸ πόλεως ἢ δῆμου κατὰ τοῦτον ὄνομασται τὸν τύπον». Hoc non satis accurate ab Apollonio animadversum esse appetet. In Hispania enim habes Cibicenos Cilenos Celcienos (apud Herodorum enim Κελκιηνοί pro Κελκινοί scr.) Massienos alios. Cf. etiam Steph. Byz. p. 323, 3: Τιβαῖοι οἱ καὶ Ιβηνοί, ἔθνος Κελτικῆς. Ιβηνοί δ' εἰσὶ καὶ Λυδίας, δι καὶ Τιονῖται λέγονται. Etiam Τυρσηνοί Phocaenensium oribus formati hic referendū sunt.

indicantur. — Gravissimum vero est, quod nulla Phoenicum Carthaginiensium Libyphoenicum urbs nominatim affertur. Quid quod ipsae Gades silentio transeuntur¹⁾. Orae ab illis habitatae paucis verbis in universum significantur:

- v. 375: ultro has columnas propter Europae latus
“vicos et urbes incolae Carthaginis
“tenuere quandam.
- v. 438: “porro in illo litore
“stetere crebrae civitates antea,
“Phoenixque multus habuit hos pridem locos”
- v. 559: “ista Phoenices prius
“loca incolebant.
- v. 447: “porro ante et urbes hic stetere plurimae,
“populique multi concelebrarunt locos”²⁾.

Carthaginenses, qui paulo ante a Massiliensibus devicti fuerant³⁾, eorumque colonos (Libyphoenices) et clientes (Phoenices ante Carthaginenses huc transvectos) Graeco nomini infestissimos fuisse haud audaci assequi licet conjectura. Ob hanc ipsam causam urbes eorum, quippe quae a Graecis hominibus adiri non possent, a peripli auctore omissas esse patet. — Hunc igitur non terrarum cognoscendarum causa, ut Hecataeum, opus suum composuisse, sed mercatorum maxime atque nautarum usum spectavisse appetat.

Atqui post pugnam Alatiensem nullos Graecorum Galliae aut Hispaniae litora commercii causa frequentavisse praeter Massilienses pro certo statui licet. Solius igitur Massiliensis hominis talem descriptionem confidere intererat.

Quinto et quarto saeculis regionum trans fretum Gaditanum sitarum in ipsa Graecia nullam habebant cognitionem. Herodotus quidem nihil certi de eis se comperire potuisse testatur, quanquam data opera hoc inquisivisset⁴⁾. Scylax autem trans columnas Herculis nihil novit nisi limum et vada. Credisne hanc ignoratiam durare potuisse post peripli descriptionem in ipsa Graecia vulgatam? Igitur hac quoque re permovemur, ut periplum a Massiliensi conscriptum esse putemus.

1) Cf. p. 42.

2) Per hos tractus quin fuerint illae urbes, quae ex Hecataeo afferuntur, Καλάθη Σύαλις Σίξος etc. dubium esse nequit.

3) Cf. p. 12 sqq.

4) Hdt. III 115: τοῦτο δὲ σύδενὸς αὐτόπτεω γενομένου οὐ δύναμαι ἀκοῦσαι, τοῦτο μελετέων ὅκως θάλασσά ἔστι τὰ ἐπέκεινα τῆς Εὐρώπης. Cf. IV 185.

Sed iam vide sis, quam bene hoc congruat cum eo, quod peripli descriptionem Massiliam usque pertinuisse disputavimus.

Quae cum ita sint, unicum illud argumentum, quo nixi periplum ab homine Massiliensi conscriptum esse negant, amplius obtineri nequit. Descriptionem enim Massiliae urbis, quae v. 694—702 continetur, ab eius civi subiungi non potuisse contendunt¹⁾. Sed notissimus erat Massiliae situs et a permultis describitur auctoribus²⁾. Quamobrem ab Avieno illa addita esse prona est suspicio³⁾.

His ita expositis ad summam quaestionem, quae nobis tractanda est, redeamus, et quid e Massaliotico illo periplo de Massiliensium cognoscatur rebus, videamus.

Si locorum nomina per oram inde ab Herculis columnis usque ad Rhodanum perlustratus eris, haud pauca non solum ad Graecac linguae usum accommodata, sed ipso Graecorum ingenio excoxitata, ipso Graecorum ore formata esse videbis. Quod ut melius perspiciat, sub uno conspectu illa ponamus.

Haec igitur a Rhodano occasum et meridiem versus procedenti Graecae occurunt originis nomina:

1) v. 611. *Polygium* civitas. Huius urbis nomen compositum esse apparet ex πολύ- et γίγνεται = γίγνεται⁴⁾. Πολύγιος cognomen Mercurio fuisse Pausanias⁵⁾ testis est. Polygium igitur (sc. ἐμπόριον) latine Florida (sc. colonia) dici potest. Qua cum appellatione haud inepte comparaveris vetustum Trallium urbis nomen, quod est Ηολυάνθεια⁶⁾.

2) v. 612. *Naustolos*⁷⁾ oppidum. Conferri potest Ναυσταθμός, quod nomen Phocaeae urbis portui erat.

3) v. 598 eminens *Candidum* ab Avieno ex λευκὴ ἀκτὴ conversum esse apparet. Graecum nomen etiam hodie tenet illud promuntorium, cum cap de Leucate appellatur.

4) v. 588. *Helice* palus. Hoc nomen ab ἐλίσσειν verbo derivatum esse quilibet concedat. Significat igitur λίμναν εἰλίσσουσαν ὥδῳ κύκλιον, ut

1) Mhff p. 202. 2) Mhff p. 201. 3) Si pro ratis erunt, quae de peripli origine Massiliensi disputavimus, etiam locus v. 676—677, quem suspensum supra (p. 61) reliquimus, explanari potest. In periplo enim Rhodanum uno ore εἰς τὴν θάλασσαν τὴν καὶ ημᾶς (sc. Massilienses) immitti vel tale quid dictum fuisse suspicor. Avienus autem mare nostrum vel mediterraneum his significari putavit.

4) Hesych. γίγνεται. Cf. Curtium Grdzge d. griech. Etym.⁴ p. 391.

5) II 31, 10. 6) Steph. Byz. s. v. Τράλλεις. 7) Ex certa Wendorfii conjectura pro eo, quod in ed. Ven. corrupte legitur Naustalo.

Euripidis¹⁾ utar verbis. Ab ἐλίσσειν etiam sidus illud Helicen appellatum esse constat. Recte quoque in comparationem vocaveris Ἐλίσσην Achaeae urbem²⁾ et eiusdem nominis Thessaliae urbem³⁾.

5) v. 547. *Anystus* amnis; ἀνυπτός ab ἀνύειν verbo derivatum = qui (vado) transiri potest.

6) 527. *Cypsela* civitas. Cistae nomen a Graecis saepius urbibus inditum esse constat. Κύψελα Thraciae urbs a Ptolemaeo⁴⁾ aliisque, Arcadiae eiusdem nominis oppidum a Thucydide⁵⁾ commemoratur. Apameae denique Phrygiae urbi cognomen Κύψελος erat⁶⁾.

7) v. 514. *Callipolis* urbs.

8) v. 535. *Malodes* mons = Μαλάδες ὄρος. Terminatio — ὁδης — ὁδες etiam hoc nomen Graecae originis esse demonstrat.

9) v. 505. *Oleum* flumen conversum esse appetet ex Ἐλαιον vel Ἐλαιος ποταμός. Ἐλαιος, ἐμπόριον καὶ ποταμός apud Arrianum et alios occurrit⁷⁾. Sed Avienus vim huius nominis non satis perspexisse videtur. Ἐλαιος enim, si Curtium⁸⁾ audis, sicut Ἐλεία Ἡλις ab ἔλος (= palus) derivandum est.

10) v. 496. *Hylactes* urbs. Hoc nomen ex ὕλη et ἄντη compositum esse patet.

11) v. 490. *Chersonnesus* urbs.

12) v. 476. *Hemeroscopium* = Ἑμεροσκοπεῖον.

13) v. 456. *Theodorus* amnis.

14) v. 453. *Strongyle* insula.

15) v. 434 sqq. Ηεύχη vel Ηετυούς.

16) v. 424. sinus *Calacticus*⁹⁾.

17) v. 419. *Chrysus* amnis = χρυσοῦς ποταμός.

Ex hac longa Graecorum nominum serie Graecos i. e. Massilienses illam oram periopi aetate celebravisse et mercaturam per totum litoris tractum usque ad Herculis columnas exercuisse colligitur. — Sed ipsius periopi hac de re habes testimonium, quippe cum de Pyrene urbe haec prohibeantur v. 559 sq.:

“hicque Massiliae incolae
“negotiorum saepe versabant vices”.

Verum etiam longius progreedi licet.

1) Iph. Taur. 1103. 2) Strab. p. 384. 3) Strab. p. 385.

4) III 11, 13. 5) V 33. 6) Plin. n. h. V § 106. 7) per. Pont. Eux. 13, 2. Anon. per. Pont. Eux. 9. 8) Grdzge⁴ p. 362. 9) Cf. supra p. 46.

Antiqui enim, quippe cum neque artem navalem perfectam haberent, et itinera infesta essent, in terris remotioribus ac barbaris continuam non exercebant mercaturam nisi stationibus conditis horreis positis coloniis constitutis. Quid igitur? Reluctaberisne urbes Graeco appellatas nomine, quales sunt Πολύγυρος Ναύστολος Καλλίπολις Κυψέλη Χερσόνησος Ἑμεροσκοπεῖον Massiliensibus attribuent? Quae etiamsi non omnes ab illis conditae et habitatae fuerint, tamen illos mansiones et horrea in eis habuisse perquam verisimile est. — Sed certioribus argumentis quae posui confirmare possum.

In ostio enim Rhodani Avienus v. 680 urbem fuisse refert:

“Theline vocata sub priore saeculo

“Graio incolente”.

Habes igitur ipsius periopi testimonium, quo eius aetate Graecorum i. e. Massiliensium urbem in hac ora fuisse demonstratur. Duas autem alias urbes in periopi commemoratas Massiliensium fuisse colonias aliunde constat. Hemeroscopium¹⁾ enim Artemidorus²⁾, Maenacam³⁾ Ephorus⁴⁾ Massiliensium fuisse urbes tradiderant. Quae cum maximo terrarum spatio ab ipsa Massilia remotae essent, non solae esse poterant Massiliensium per illam oram coloniae. Etiamsi igitur nullo urbs Graeco nomine insignis in periopi commemoraretur, tamen etiam alias Massiliensium colonias vel stationes ibi exstisset unusquisque concluderet.

Sed iam quaeris, quomodo factum sit, ut nulla harum urbium in periopi aperte Massiliensibus attribueretur. Hoc facile inde explicatur, quod ad ipsum Massiliensium usum confectus est. Auctor enim eos, qui periopi essent usuri, non ignoraturos esse sciebat, quae Massiliensium essent coloniae.

Victoria igitur de Carthaginiensibus reportata quomodo Massilienses usi sint, ex periopi cognoscimus. Nam illa demum eis patet factam esse Hispaniam cum per se sit consentaneum (neque enim eos a Carthaginiensibus ad eam sponte oram, a qua postea ipsi Romani, horum socii, arcebantur, admissos esse verisimile est), tum Iustini⁵⁾ testimonio demonstratur, qui Massilienses post Carthaginienses devictos cum Hispanis “amicitiam iunxisse” tradit. — Quod si tenes, durarum rerum tempora accuratius definire licet. Nam cum ex longa illa

1) v. 474. 2) Steph. Byz. s. v.; Strab. p. 169. 3) v. 425.

4) Seym. v. 146. Cf. Strab. p. 156. 5) Iust. XLIII 5, 3.

nominum Graecorum serie Massilienses periopi aetate iam per sat magnum temporis spatium oram Hispaniensem tenuisse appareat, et Punica illa bella haud ita multo post Carthaginiensium apud Himeram, Etruseorum apud Cumas cladem¹⁾ gesta fuisse, et perioplum non multo ante Gallorum migrationem confectum esse statuamus necesse est.

Pace igitur, quam a Massiliensibus acceperunt, Carthaginienses tota Hispaniae ora usque ad Herculis columnas illis cedere sunt coacti. Per hunc litoris tractum, imprimis vero ad promuntorium Saturni et ad Maenacam urbem, piseatus summopere florbat²⁾, et ob rem piscariam, «captis piscatorum navibus», illud bellum ortum esse Iustinus tradit.

Ut autem Herculis columnas pro termino Carthaginiensium et Massiliensium habeam imperii, et nominibus illis Graecis, quae usque ad illas maxime inveniuntur, et eo commoveor, quod trans columnas nulla urbs nominatim affertur. — Maxime vero versibus 375 sqq. impellor:

“ultra has columnas propter Europae latus
“vicos et urbes incolae Carthaginis
“tenuere quandam”.

Nam cum ultra columnas Herculis imperium tenere Carthaginienses diserte indicetur, oram eis columnas positam eorum dictionis non fuisse periopi aetate necessarie efficitur.

Quanquam igitur ex pacis a Massiliensibus Poenis datae conditionibus tota Hispaniae ora, qua mari mediterraneo alluitur, illorum facta esse videtur, re vera tamen imperii vel, ut cautius agam, parapli³⁾ eorum continuatio per nonnullos litoris tractus Phoenicum et Libyphoenicum urbibus interrumpebatur. Quorum illi Carthaginiensium vel socii vel clientes, hi coloni cum antea fuissent, etiam ora, in qua urbes eorum sitae erant, Massiliensibus subiecta his obsistere perrexisse videntur, id quod inde concludendum esse supra arbitrii sumus, quod periopi auctor nullam eorum urbium nominatim affert, sed tractus ab eis habitatos quasi anxie praeternavigans in universum tantum describit.

Ex Avieni igitur periopi Massiliensium res circiter annum 400 a. Chr. tantopere floruisse cognoscimus, quantopere neque antea neque

1) Cf. supra p. 14.

2) Strab. p. 156, 159.

3) Strab. p. 202. ὁ Μασσα-

postea unquam. Nullum enim alio tempore ὁ Μασσαλιωτικὸς παράπλοις tam late pertinuit.

Sed vel plura ex eo de Massiliensium rebus discere licebit, si eum cum perioplis, qui sub Scylacis et Scymni feruntur nominibus, contuleris. Quorum illum anno 347 a. Chr. conscriptum esse Unger egregia disputatione¹⁾ evicit; quanquam factum esse posse non negat, ut ea pars, qua Hispaniae et Galliae describitur ora, e fontibus nonnullis annis vetustioribus deponeretur. Scymnum autem, qui fertur, in Hispania Galliaque describindis Ephorum secutum esse C. Müller²⁾ demonstravit³⁾. Quo fit, ut Scymni descriptio cum Ephorum historias suas post annum 334 a. Chr.⁴⁾ composuisse constet, ad eum pertineat rerum statum, qui 15—20 annis post res a Scylace descriptas fuit.

Si igitur Scylacis descriptionem cum Avieni comparaveris, magnum inter eas discriminem, quatenus ad Massiliensium spectent res, intercedere videbis. Nam neque Theline Hemeroscopium Maenace, quas Massiliensium fuisse colonias constat, neque reliquae urbes Graecis insignes nominibus, quas item Massiliensibus attribuendas esse suspiciati sumus, a Scylace commemorantur. — Dicat quispiam forte eas omissas esse. At quam accuratissime Graecorum urbes inter barbaras gentes positae ab eo recenseri solent, id quod in Italiae potissimum et Ponti descriptione animadverti licet.

1) Philolog. XXIII 29 sqq.

2) G. G. M. I 199 sqq.

3) Unger (Philol. Suppl. IV 197 n. 8) Pseudo-Scymnum in Galliae inde a Pyrenaeis montibus ora describenda alium scriptorem atque in Hispaniae pergeesi secutum esse putat, quia v. 201 a Pyrenaeis Ligures habitare dicantur, contra v. 208 Rhodanus et Agatha non in Liguria, sed in Iberia sitae esse perhibeantur.

Ἐπειτα παραθαλάττου κάτω
Λίγυες ἔχονται καὶ πόλεις Ἐλληνίδες...
πρώτη μὲν Ἐμπόριον, Ρέδη δὲ δευτέρα,
ταύτην δὲ πρὶν ναῶν χρατοῦντες ἔκτισαν
Ρέδιοι μεθ' οὓς ἐλθόντες εἰς Ἰβηρίαν
οἱ Μασσαλίζην κτίσαντες ἔσχον Φωκαεῖς,
Ἀγάθην Ρέδιοντες τε.

Qui locus ob eandem causam iam C. Müller et Müllenhoffio (p. 187) offendioni erat. Sed miror viros doctissimos umbram timuisse. Verba enim ἐλθόντες εἰς Ἰβηρίαν sicut verba μεθ' οὓς ἔσχον ad solam Rhodam, quae in Hispania sita erat, pertinere in aperto est. Iambographus attractione quadam usus non nominativos, qui post πρώτη μὲν Εμπόριον etc. exspectabantur, enumerare perirexit, sed accusativos propter antecedens ἔσχον adhibuit.

4) Clem. Alex. Strom. I 21 p. 403.

Atque non solum nullam illarum urbium, quae ab Avieno enumerantur, commemorat, sed unam aliquam Massiliensium coloniam, cuius apud Avienum non fit mentio, exhibet. Emporium dico. — Massiliensium igitur res in Hispaniens et Gallica ora subita conversione immutatas appetit post peripulum conscriptum.

Quae e Scylacis descriptione conclusimus, egregie confirmantur Ephori testimonio. Scymnus enim et ipse nullam earum, quae apud Avienum legimus, urbium commemorat (praeter Maenacam, de singulari cuius ratione statim dicendum), contra plures novas Massiliensium urbes exhibet; Ἐρπόριον enim Ρόδη Αγάθη Ροδανουσία corum urbes esse dicuntur.

Maenacam vero, quae v. 147 commemoratur, Ephori aetate nullo pacto Massiliensium colonia fuisse potest. Ex altero enim foedere a Carthaginiensibus cum Romanis icto Hispaniae oram usque ad promunitorium, quod hodie Cap de la Nao dicitur, illo tempore soli Carthaginiensium imperio subiectam fuisse cognoscimus. Romani enim ultra hoc promunitorium praedam facere rem gerere urbes condere vetantur: τοῦ Καλοῦ ἀκρωτηρίου, Μαστίχες Ταρσηῖου μὴ λαζίσθαι ἐπέκεινα Πομαίους μηδὲ ἐμπορεύεσθαι μηδὲ πόλιν κτίσειν¹⁾. Quid? credimus Carthaginienses in ea ora, qua socios suos arcebant, acerrimorum hostium coloniam vigere passos esse? — Sive igitur alterum foedus a Romanis cum Poenis ictum ad annum 406 a. u. c. cum Nissenio²⁾, sive ad annum 411 cum Ungero³⁾ referre mavis, hoc inde effici non negaveris, Ephori aetate in ora Herculis columnis adiacenti Massiliensium fuisse coloniam ab omni probabilitate abhorrente. — Sed accedunt alia argumenta. Quae deinceps a Scymno affertur Massiliensium urbs, Emporium est. Num Maenacam tanto terrarum spatio a reliquis coloniis remotam obtineri potuisse putas? Neque denique Scylacem nullam eius mentionem facere omissendum est.

Quamobrem cum Maenacam aliquando a Carthaginiensibus dirutam esse constet⁴⁾, eam ante Ephorum hoc casu conflictatam esse putandum est. — Quomodo autem factum sit, ut a Scymno exhiberetur, Meltzer, qui in eadem sententia, quam modo exposuimus, versatur, ita explicandum esse censem. ut illam, quippe quae omnium Graecorum

urbium sub occiduo die positarum remotissima esset, a Graecis maiorum egregiis rebus gloriabundis stare atque permanere simulatum esse dicat¹⁾). Evidem ob hanc causam, quod remotissima fuisse, eam ab Ephoro commemoratam esse non abnuerim; quod autem a Scymno non fuisse, sed esse dicitur, non ulti Graecorum ambitioni, sed iambo-graphi negligentiae tribuere malim.

Quae cum ita sint, Massilienses cum antea florentissimis fuissent rebus, saeculo quarto ineunte a. Chr. ea clade, qua omnes colonias amitterent, oppressos esse appareat. — Sed brevi tempore vires suas adeo recreaverunt, ut amissarum loco novas emitterent colonias, atque Scylacis quidem aetate solas Emporias constitutas haberent, paucis vero annis post Rhodanusiam Agatham Rhodam adderent.

Sed iam quaeris qui fuerit ille casus, quo oppressi Massilienses colonias suas amiserint.

Animadvertis quoae inter Avieni et Scylacis periplos conscriptos Gallorum meridiem versus prorupisse migrationem²⁾. Quo motu exigitati et ad oram maritimam protrusi finitimi populi «ad nomen Massiliensium delendum velut ad commune extinguendum incendium concurrerunt». Sed non Massilia sola hunc impetum subiit; immo multo latius patuit Galica illa tempestas. Eodem enim motu Galli etiam trans Pyrenacos proruperunt et in occidentali Hispaniae parte, ubi eos antea non fuisse constat³⁾, conserderunt. Atque Gallorum invadentium mole demoti Ligures, qui peripli aetate Oranum usque habitaverant, ad Pyrenacos montes se extenderunt. Quid quod integrae gentes, velut Elesyces Gymnetes alii, ingenti illo populorum vertice quasi absorptae perierunt.

Quare colonias quoque Massiliensium per Gallicam et Hispaniensem oram dispersas eadem procella, atque ipsam Massiliam, conflictatas esse appareat. Atque Massilia quidem, quippe quae omnibus rebus, quae ad defendendas urbes parantur, optime esset instructa⁴⁾, quamquam et ipsa summum in discrimen adducta est, Ligurum obsidionem

1) Polyb. III 24. De Μαστίχες Ταρσηῖου situ cf. Müllenhoff p. 155. Meltzeri Gesch. d. Karth. I p. 519.

2) N. Jhrb. f. cl. Philol. 95 (1867) p. 321 sqq.

3) N. Rh. Mus. 37 p. 153 sqq. Ad annum 448 a. Chr., ut Mommsen voluit, id referri non posse U. satis demonstravisse videtur. 4) Strab. p. 156.

1) Gesch. d. Karth. I 482: «sie ist bei den Griechen fortgeführt worden.... als griechische Stadt 'in partibus in fidelium'».

2) Cf. p. 15. sqq. 3) Kiepert Beitrag zur Ethnographic der iberischen Halbinsel (Monatsber. d. Acad. z. Berlin 1865 p. 143 sqq.).

4) Strab. p. 180: πρότερον δὲ καὶ πλοίων ἐυπορίᾳ καὶ ὄπλον καὶ ὄργανων τῶν τε πρὸς τὰς νησιτήλιας χρησίμων καὶ τῶν πρὸς πολιορκίας, ἀφ' ὧν πρός τε τοὺς βυρβύρους ἀντέσχον καὶ Πομαίους ἐκτήσαντο φίλους.

pertulit, donec Galli auxilium ferentes apparuerunt¹⁾. — Quid autem de coloniis factum esse censes? Quarum eam fuisse naturam et indolem, ut firmitate et stabilitate carerent, multis e rebus perspicitur.

Litoris enim tractum a Massiliensibus occupati oppidorumque ab una illa urbe constitutorum númerum respicienti dubium esse non potest, quin Massilienses vires suas nimis partiendo debilitaverint. Quare factum est, ut colonias suas agris finitimiis occupandis firmare non possent. Quid quod ipsa Massilia primo quidem omni terrarum fundamento carebat²⁾. Coloniae vero in ipsa Liguria sitae usque ad annum 123 a. Chr. nullum agrum extra portas habebant; illo denum anno Sextii proconsulis Romani beneficio impetraverunt, ut oppida sua adiacentibus firmarentur agris, sed τοσούτον μόνον ὅσον κατὰ μὲν τὰ εὐλιμενικά ἀπὸ τῆς Θαλάττης ἀπελθεῖν τοὺς βραχέρους ἐπὶ δώδεκα σταδίους, κατὰ δὲ τοὺς τραχύνας ἐπὶ ὅκτω³⁾). In Hispania autem etiam postea Massiliensium oppidis barbari adiacebant⁴⁾.

Cum igitur territorio, quod antiqui sat lepide inde dictum esse putabant, quod «hostis terrendi causa» constitueretur⁵⁾ Massiliensium coloniae carerent, nullum firmum praesidium habebant ad indigenarum impetus propulsandos. Quare accidit, ut cum communis ille barbarorum exardesceret tumultus, omnes illorum coloniae omniaque horrea primo impetui succumberent ingentique illo popolorum motu quasi auferrentur.

Sed enim eodem fere tempore, quo hac clade oppressi sunt, etiam alterius eiusque acerrimi hostis impetum sustinuere Massilienses. Poeni enim cum inde ab anno 411 a. Chr. in Sicilia strenue rem gessissent⁶⁾ et ipsam appetivissent Italiam⁷⁾, illa Massiliensium calamitate usi ab altera parte ingruerunt et magnam orac Hispaniensis partem, quam antea possederant, rursus sibi vindicavere, id quod ex altero foedere cum Romanis icto appetet. Massiliensium autem colonias ab eis impugnatas esse, certo Strabonis constat testimonio, qui Maenacam ab eis dirutam esse tradit.

Quae cum ita sint, neque apud Scylacem neque apud Scymnum ullam earum Massiliensium coloniarum, quas apud Avienum invenimus, commemorari minime est mirum.

1) Cf. supra p. 19. 2) Strab. p. 179, 180. πεποιθότες τῇ θαλάττῃ μᾶλλον ἡ τῇ γῇ τῷ πρὸς νοστιλίας εὐφύες εὔλογον μᾶλλον ὑστερον μέντοι ταῖς ἀνδραγάθαις ἵσχυσαν προσλαβεῖν τινα τῶν πέριξ πεδίων. 3) Strab. p. 180.

4) Vide quae Liv. XXXIV 9 de Emporiis tradat.

6) Meltzer I p. 256 sqq.

5) Frontin. limit. p. 42.

7) Diod. XV, 24.

Sed quamvis gravis esset clades illa Ligurum impetu accepta, Massiliensium neque vires neque animi fracti sunt. Nam cum Gallorum auxilio ipsa urbs eorum exempta esset periculo, brevi post. quae amiserant, recuperare instituerunt neque quidquam antiquius habuere, quam ut dirutarum coloniarum loco novas conderent. Ut autem primae coloniae condendae locum paulo remotorem eligerent, sine dubio Pyrenaeorum montium propinquitate sunt adducti. Ibi enim Timaei aetate metalla argentaria ingentis habuerunt fructus¹⁾. Paulo vero post Emporias constitutas Agathami atque Rhodanusiam addiderunt, quarum haec in dextera Rhodani ripa²⁾, illa veteris Polygii³⁾ loco sita erat. Emporitani autem et ipsi Rhodam in pede Pyrenaeorum montium, qua vergunt ad meridiem, collocaverunt⁴⁾.

His ita expositis etiam quae fuerit Massiliensium coloniarum in ora a Massilia orientem versus spectanti sitarum condicio, explicari potest, quanquam Avieni periplo hac in re non adiuvamur. — A Seymno in illa ora hae afferuntur Massiliensium coloniae: Tauroeis Olbia Antipolis. Easdem quin iam Scylax exhibuerit, dubium esse nequit, quanquam apud eum solum Antium i. e. Antipolis⁴⁾ exstat, cum reliqua nomina librariorum exciderint culpa: § 4 ἀπὸ Ροδανοῦ ποταμοῦ ἔχονται Λίγυες μέχρι Ἀντίου ἐν ταύτῃ τῇ χώρᾳ πόλις ἐστὶν Ἑλληνική

1) mir. ause. LXXXVII (88) de Pyrenaeo monte: μετὰ γρόνον σεισμῶν ἐπιγενομένων καὶ τὸν τόπων ραγέντων παραπλήθες συναγένηται ἀργύριον, ὃ δὴ καὶ τοῖς Μασσαλιώταις πρόσοδον ἐποίησεν οὐ τὴν τυχούσαν. De Timaei huins excerpti origine vide Mhffium p. 426 sqq. — cf. Strab. p. 147.

2) Unger Philol. Suppl. IV p. 275.

3) Cf. p. 60.

4) "Ἀντίον Scylacis eandem esse urbem atque Antipolim, quae ab aliis scriptoribus appellatur, iam Ukert recte perspexit. Efficitur hoc inde, quod sicut apud Scylacem usque ad Antion, ita apud Scymnum usque ad Antipolim Ligures sedes habere, inde Tyrrheni habitare dicuntur. Praeterea quod a Scylace Antio Romam quadridui et quadrinoctii navigatio esse prohibetur, ut C. Müller (ad h. l.) bene animadvertis, cum Plinio convenit, qui Antipoli Romam 502 M. P. = 4016 stadia exputat. Unius enim diei et unius noctis navigatio mille stadia aquabat. Atque Ukert quidem pro Ἀντίου, quod quater occurrit, Ἀντιπόλεως scribi voluit erroremque ita explicabat, ut Ἀντίπ: per sigla scriptum fuisse coniceret. Tamen C. Müller quater eundem errorem a scribis admissum esse parum verisimile videli recte contendit. Quae cum ita sint, Müller optimo iure Ἀντίον alteram huius oppidi nominis formam fuisse existimat, sicut pro Ἀθῆναι Ἀθηνόπολις (Steph. Byz. s. v.), pro Ολβίᾳ Ολβιόπολις (Steph. Byz. s. v.) pro Ρόδῃ Ρόδιπολις (Ptolem. II 6, 19) dicebatur. Hoc eo verisimilius est, quod Ἀντιπόλεως nomen compositum esse non potest ex πόλις voce et ἀντί praepositione, quippe Nicaceae urbi ex adverso posita, ut nonnulli arbitrati sunt. Nicacea enim post Antipolim condita est.

Μασσαλία καὶ λημὴν . . . ἀποικοι αὐταις Μασσαλίας εἰσίν. Iam quaeritur, utrum hae coloniae sicut reliquae, quae a Scylace et Scymno afferuntur, post Gallorum migrationem conditae sint, an iam antea exstiterint et illum gentium motum perduraverint. — Cum Monoecus, quam Strabo¹⁾ ultimam ad ortum coloniam Massiliensium fuisse tradit, iam ab Hecataeo²⁾ commemorata fuerit, Mhff³⁾ omnes illas colonias Hecataei aetate exstissete putat. Sed Scylacis et Scymni temporibus Massiliensium παράπλους ultra Antipolim non pertinebat. Scymn. v. 215.

«εἴτεν μετὰ ταύτην (sc. Μασσαλίαν) Ταυρόεις καὶ πλησίον
«πόλις Ὀλβία κάντιπολις αὐτῶν ἐσχάτη.

Postea Nicaeam trans Varum sitam addiderunt, quae primum in rei ad annum 154 a. Ch. pertinentis narratione⁴⁾ commemoratur. Ulterius autem posteriore aetate nunquam sunt progressi. Strabonis aetate Monoecum a Massiliensibus possessum fuisse ea obrutum erat oblivione, ut geographus ad hanc rem probandam ad Graecam formam nominis provocet.

Videmus igitur hac quoque in ora Massiliensium res inter Hecataei et Scylacis Ephoriique tempora aliqua immutatione inclinatas esse. — Cuius rei etiam plura exstant vestigia. Hecataeus enim in ora Ligustica *"Αρ.πελον ωρημαν κατατημανει"*, quam Massiliensium fuisse coloniam e Graeco nomine colligitur. Atqui Scylacis et Ephori aetate illa intercederat. In eadem ora Τροιζήν Massiliensis urbs sita sita erat, quam Steph. Byz. e Charace affert⁵⁾. Etiam Azania et Cyrene Massiliensium coloniae, quas idem Stephanus, illam Philone laudato, hanc nullo indicato auctore exhibet, hue pertinuisse videntur. Atqui neque apud Scymnum neque apud alios posterioris aetatis geographos praesentem rerum statum describentes, quales sunt Strabo Mela Plinius Ptole-

1) p. 202: ἔστι δὲ ἀπὸ τοῦ ὀνόματος καὶ μέχρι δεῦρο διατέίνεται ὁ Μασσαλιωτικὸς παράπλους. Quanquam igitur hoc ex sola nominis forma concludere videtur, non est cur Strabonem hac in re falsum esse arbitremur. Inde quod **Μασσαλιοτικός** terminus fuit, etiam explicatur, cur Hecataeus parvulum portum σὺ μεγάλαις ὄνδρες πολλαῖς ναυσίν (Strabo) aptum dignum habuerit, quem commemoraret.

2) frg. 28. 3) p. 177. 4) Polyb. XXXIII, 4. Liv. ep. 46.

5) frg. 24. 6) Steph. Byz. s. v. Τροιζήν. ἔστι καὶ ἔλλην Τροιζήν ἐν Μασσαλίᾳ τῆς Ἰταλίας, ἦν Χάραξ Τροιζηνίδα χώραν φησί. Stephanum exscripsit Eustath. ad Il. B. 561. ἔστι δὲ καὶ ἔτερός Τροιζήν ἐν Ἰταλίᾳ Μασσαλιωτική. Ukert apud Steph. scribi voluit τῆς Μασσαλίας ἐν Ἰταλίᾳ, sed cf. Steph. Ποδηνουσία πόλις ἐν Μασσαλίᾳ.

maeus, ulla illarum exstat mentio. Quare Characem et Philonem, qui antiquarum rerum studiosi erant, illa nomina e vetustioribus deprompsisse scriptoribus apparent.

Ex altera autem parte colonias, quae apud Scymnum leguntur, ab Hecataeo commemoratas non fuisse inde potest concludi, quod Stephanus Tauroentem urbem afferens non ad illum, sed ad Artemidori provocat auctoritatem. Accedit quod — si tali rei fidem habere voles — et Tauroenti et Olbiae nomina Gallicae esse originis videntur¹⁾.

Quae cum ita sint, Massiliensium coloniae orientem versus sitae Gallis invadentibus eadem afflictatas esse appetat clade, qua colonias ad occasum spectantes. — Quod per se quoque verisimile est. Salluviorum enim gens, quae inde a Massilia usque ad Varum flumen incolebat, Gallorum ingruentium mole prae ceteris compacta et populo extrinsecus advecto adeo est perfusa atque permixta, ut a posterioris aetatis scriptoribus non Liguribus, sed Celto-Liguribus adnumeraretur. Strab. p. 203: καλοῦσι δὲ τοὺς Σάλυντας οἱ φέντε πολλαῖς τῶν Ἑλλήνων Αιγαῖας . . . οἱ δὲ οἰστερον Κελτολίγυας ὄνομά ξουσιν.

Paucis autem annis post Gallium motum cum denuo convaluiscent Massilienses, hac quoque in ora amissarum coloniarum loco, quarum in numero Azaniam Cyrenen Ampelum Trozena Monoecum fuisse puto, novas considerunt. Tauroentem Olbiam Antipolim, quibus postea Nicaeam addiderunt.

Saeculo quinto et ineunte quarto Massilienses mari mercaturam exercentes Hispaniensem imprimis oram celebravisse e periplo colligitur. Stannum tunc temporis nisi per Carthaginenses et Gaditanos non assecuti esse videntur²⁾. — Cum vero maxima orae Hispaniensis parte Carthaginensibus cedere coacti essent et emporia ibi constituta amisissent, mercaturae terra facienda operam dare coeperunt. Qua in re fortasse Gallorum φιλελλήνων amicitia adiuvabantur. Quo facilius tutiusque in terris barbaris rem gererent, velut Avenionem et Cabellionem, quae a Stephano Byz. ex Artemidoro afferuntur. Timaei aetate totam per-

1) Illud a Celtica voce «taur», quae montem significat, viri docti derivari volunt. Cf. Zeuss die Deutschen p. 239. — Oppida Olbiae vel Olbae nomine insignia in regionibus a Gallis habitatis saepius occurunt, velut in Illyrico Bithynia Pamphylia, in Beronum regione (Iberia). Olbiae proximi Ἀλβιτεῖς habitabant. Ὀλβίαν δενique mons, ad quem Olbia sita erat, cum vetusto Alpium nomine, quod *"Ολβία erat, comparari potest (Athen. p. 233 A)*. Cf. etiam Albius Illyrici montem, Albios Pannoniae gentem. 2) Cf. or. mar. v. 115.

agrabant Galliam stannum ex insula Vecti, quo ex Cornubia ab incolis advehebatur, petituri¹). Longi itineris stationem media Gallia ad Sequanam fluvium Σηκονόν coloniam constitutam habebant²).

Eodem fere tempore Massilienses electrum summo studio petivisse ac venditasse videntur. Per Helvetiae enim Rhatiaeque valles, quibus electrum ab oceani Germanici marisque Suevici litoribus advehebatur. saepissime Massiliensium nummi argentei reperiuntur, quorum vetustissimi quarto saeculo exeunte signati esse videntur.

Sollerter igitur ac prospere cladem, qua ineunte saeculo quarto percussi sunt, reparaverunt Massilienses.

1) Strab. p. 147. Diod. II 21—23. Timaeum hoc loco a Strabone et Diodoro expressum esse Mhff p. 469 demonstravit. Num ille rursus Pytheam secentus fuerit, dubito.

2) Steph. Byz. s. v. Nescio qua re factum sit, ut hoc testimonium gravissimum ab omnibus, qui de Massiliensium egerunt rebus, neglegenteretur. Ceterum huius commercii initium fortasse ab expeditione Pytheae repetendum est.

De Massiliae coloniarumque Massiliensium re nummaria.

Cum litterarum monumentis, quae aetatem tulerunt, perpaucatradantur de Massiliensium rebus, secunda quadam fortuna accidit, ut nummorum et ipsius Massiliae et coloniarum eius haud exiguis ad nos perveniret numerus. Qui cum ad historiam explanandam permagni sint momenti, ab eis, qui de Massiliensium rebus egerunt, neglectos esse, est quod mireris. Sed etiam magis mirum videtur, a viris rei nummariae peritis hac ultima aetate nummos Massilienses non ea, qua pars est, respici cura. Quamobrem cum id laboris subire statuisse, ut quid ex illis repeteretur ad Massiliensium res illustrandas, expicarem, magnae me circumsteterunt difficultates. Paucissimos enim nummorum illorum, quos tractatus sum, meis oculis inspiciendi facultas mihi data fuit. Neque ea est condicio mea, ut per alios aut exempla imprimenda aut descriptiones conficiendas curare potuerim.

Quare in eis erat acquiescendum, quae ante me in libris publici facta erant iuris, etiamsi neque singulorum nummorum neque thesaurorum sufficienter descriptiones, neque imagines nummorum ea, qua nunc assolet, diligentia ac cura exaratae excusaeque essent. Accedit quod multos illorum librorum — sunt enim plerumque aut parvulae ephemeredes Francogallicae aut commentarioli in provincialibus Francogalliae oppidis editi — quanquam data opera conquirerem, mihi comparare non potui¹).

1) Plerosque corum, quos infra allaturus sum, librorum ut usurpare mihi liceret, Julii Iverseni, viri humanissimi, nummophylacii in Secessu Imperiali praefecti,

Etiamsi igitur multa intacta mihi relinquenda sint, hunc commentariolum, qualiscunque est, foras dandum esse duxi. Initio enim tandem aliquando facto eos, qui et nummorum et litterarum idoneam habuerint notitiam, rem a me incohatam complecturos omnius numero exsecuturos esse spero.

Anno 1842 de la Saussaye librum edidit, qui «Numismatique de la Gaule Narbonnaise» inscribitur. Quo libro cum complures nummi et a coloniis Massiliensium in Narbonensi sitis et a barbaris ad exemplum Massiliae cudentibus profecti, tum 434 genera nummorum ad ipsam Massiliam spectantium describuntur et partim in tabulis libro adnexis legentium oculis subciuntur. — Ipsius Massaliae nummos secundum cudenti artem signorumque varietatem dispositos ad temporum seriem digerere conatus octo cudenti aetates discerni vult de la Saussaye. Quae res haud sane feliciter ei successit, cum neque quae de Massiliensium rebus a scriptoribus traduntur, acri percensuisset iudicio¹⁾ neque nummos imitando a barbaris expressos ab ipsorum Massiliensium recte distinxisset neque denique singulorum signorum proprietates accurate perpendisset. — Tamen haec sylloga in eis, quae disputaturi sumus, nobis pro fundamento erit.

Pro antiquissima Massiliensium moneta de la Saussaye secutus de Lagoy marchionem²⁾ nummulos argenteos habet signorum varietate insignes. Quos enim affert (1—5), ex altera parte quadratum incusum (in quo semel *leonis rictus* expressus est), ex altera aut *caput phocae* cum pisci coniunctum (1) aut *leonem praedam devorantem* (2) aut *caput gryphis* (3) aut denique *caput muliebre* (4—5) praebent. Massiliae ut hos tribueret, eo est permotus, quod haud procul ab ista urbe reperti sunt. Ad Sancti enim Remigii (St. Rémi) sunt effossi³⁾. Similes nummuli praeterea in ipso Massiliae portu⁴⁾ et introrsus ad Cabellionem (Cavaillon)⁵⁾ prodierunt.

Atenim de his numismatis iudicari nequit nisi duorum simul thesau-

liberalitate factum est, qui ut et bibliotheca nummophylacio illi adiuncta uterer et nummos quosdam accuratius examinarem, benigne concessit.

1) Ut uno defungar exemplo, alias nummos ab «Euxeno» alias a «Simo et Proti» percussos esse dicit.

2) de Lagoy description de quelques médailles inédites. Aix. 1834.

3) de Lagoy l. l. 4) de Lagoy Revue Numism. française 1846 p. 86—87; 1857 p. 383. Hi sunt typi eorum: 1. *leo praedam devorans* (quadr. inc. 2. *caput phocaenae*) (quadr. inc. 3. *caput juvenile galeatum*) (quadr. inc. 4. *caput muliebre*) (*phocaena*. 5. *caput muliebre*) (quad. inc.

5) Chabouillet R. N. 1869/70 p. 353 n. 1.

rorum habita ratione, quorum alter anno 1868 ad vicum a Massilia inter septentrionem et orientem spectantem, cui nomen est Auriol (Dép. Bouches-du-Rhône.), alter eodem anno Volaterris Etruriae detectus est. Illo 2130, hoc 65 nummuli argentei, per paucis exceptis anepigraphi et in aversa parte quadrato incuso insigniti, continebantur, quorum plerisque eadem pondera, nonnullis eadem signa erant atque eis, qui ad S. Remigii, ad Cabellionem, in portu Massiliensi reperti sunt.

Hi enim maxime thesauri Aurioliensis typi fuisse videntur secundum Hucher¹⁾ descriptionem haud sane illam quidem aut distinctam aut accuratam: *caput muliebre*, caput barbatum, *caput juvenile galeatum*, *caput juvenile* apice punctis lineatim dispositis distincto instructum, gorgoneum, Sileni persona barbata, caput Sileni, caput Herculis, caput Aethiopis, caput arietinum, caput aprinum, anterior apri pars, eadem alis instructa, capitis vitellini imago obliqua, caput bovinum adversum, anterior pars pegasi vel hippocampi, caput caninum, *leo praedam devorans*, *rictus leoninus*, *caput gryphis*, *phoca*, caput aquilinum, avis, oculus, persona tragica, cassis, amphorula. Hi ex aversa parte quadratum incusum purum habent. Ex ustraque parte signis hi sunt ornati: caput leoninum torque punctis distincta insigne) (caput Herculis in quadrato incuso expressum; vas ansatum) (oculus; *caput gryphis*) (*leoninus rictus*). — Thesauri Volaterrani haec sunt signa: hippocampus, gorgoneum, *caput phocae*, persona tragica, *caput muliebre*, cassis, scutum, caput aquilinum, caput arietinum, polypus²⁾.

Cum igitur diversissimis notati sint signis, eo inter se cohaerent hi nummuli, quod ad eandem pretii normam redacti sunt. Longe enim maxima pars 65—55 grammata pendit, hoc est vicesimam et quartam partem stateris Babylonii. Sunt igitur oboli drachmae Phocaicae. Alii cum duplum valent, diobolum efficiunt. Inveniuntur praeterea tertiae et sextae oboli partes et nonnulla pondera, quorum quae sit ratio, non tam clare perspicitur³⁾.

1) Mélanges de Numismatique 1874/1875 p. 12—44. Primam reperti thesauri significationem habes apud Chabouillet R. N. 1869/1870 p. 348—360. Blanckard et Laugier iconographie des monnaies du trésor d'Auriol qui ont été acquises par le Cab. des Méd. de la ville de Marseille ut adipiscerer, mihi non contigit.

2) Cf. Gamurrini Periodico di Numismatica et Sfragistica diretto dal march. C. Strozzi (Firenze) 1872 (IV) p. 208; 1874 (VI) p. 55.

3) 1356 nummorum e thesauro Aurioliensi selectorum Hucher l. l. affert pondera («poids des médailles de la découverte après la vente de la troisième série de M. Lecomte»). Horum 1170 habent pondera obolorum: 67 (1); 66 (2); 65 (73); 64 (1); 63 (1); 62 (2); 60 (5); 59 (9); 58 (30); 58—57 (43); 57 (11); 56 (80); 6*

Massilienses eodem tempore circiter 30 varia signa in nummis cedendis adhibuisse ab omni abhorret probabilitate. Accedit quod haud pauca eorum aliarum, Asianarum imprimis, propria fuisse scimus urbium, velut phocam et gryphem Phocaeae, hippocampum Lampsaci, aprum alatum et arietem Clazomenarum, rictum leoninum Cyzici, caput Aethiopis Lesbi, Sphinga et amphoram Chii. Caput iuvenile apicatum et caput aquilinum in nummis occurrunt, qui in Phrygia reperti esse dicuntur¹⁾. Leo denique praedam devorans notissimum nummorum Veliensium insigne est²⁾.

Quae cum ita sint, illi nummi quin non a Massiliensibus cusi sint, sed commercio in Galliam pervenerint, dubium esse nequit. — Ut igitur ad rem nummariam Massiliensium cognoscendam parum eis proficiimus, ita ad commercii eorum rationem illustrandam permagni sunt momenti.

Sexto enim saeculo exeunte et ineunte saeculo quinto a. Chr.³⁾ Massilienses non solum cum Velia, sedetiam cum Asianis civitatibus commercia celebravisse docent. — Quarum pleraque aut ab eadem Ionum gente oriundae aut per Phocaeam, communem metropolin, etiam artiore affini-

56—55 (4); 55 (517); 54 (24); 63 (16); 54—30 (22); 53 (4); 52—50 (50); 51 (67); 50 (154); 49 (13); 48 (17); 46 (13); 43 (1); 43—42 (2); 40 (3); 39 (2); 35 (1); 30 (2) = 1170 nummi. 115 pro diabolis habendi sunt: 1.30 (1); 1.20 (33); 1.10 (64); 1.06 (5); 1.05 (2); 1.00 (10) = 115 nummi. Tertiam oboli partem hi efficere videntur: 24 (1); 20 (9) = 10; quartam hi: 10 (8) = 8 nummi. Pentobola fortasse his indicantur ponderibus: 3.20 (1); 2.90 (1); 2.83 (1); 2.75 (1) = 4 nummi. Praeterea haec occurrunt pondera: 80 (1); 76 (1); 75 (25); 71 (1); 70 (10); 70—69 (11) = 49 nummi; quae equidem triemiobolia esse putaverim.

Gamurrini 58 nummorum thesauri Volaterrani pondera indicat; sunt autem oboli: 71 (1); 69 (3); 68 (1); 66 (2); 65 (1); 64 (2); 63 (2); 59; 57; 56; 55; 54; 52; 51; 48 (his octo ponderibus 16 nummi insignes erant); 57 (2) = 30 nummi; diobola: 1.39 (1); 1.34 (1); 1.37; 1.28; 1.18; 1.17; 1.16; 1.13; 1.12; 1.10; 1.08; 1.06; 1.04; 1.02; 1.00; 0.99; 0.97 (horum quindecim ponderum 26 nummi erant) = 28 nummi. Quod Gamurrini ad duas diversas pretii normas, alteram Phocaicam Doricam alteram, huius thesauri nummos redactos esse dicit, fundamento caret; neque enim nummorum premium ita constituere licet, ut medium pondus pro rato habeatur. Praeterea thesauri Aurioliensis ponderibus redarguitur Gamurrinii sententia.

Quae pondera de la Saussaye et de Lagoy afferunt, haec sunt: 58 (2); 53 (1); 43 (1); 32 (!) = 5 oboli. 1.00 (1); 96 (1); 80 (1); 75 (2) = 5 triemiobolia.

1) de Saulcy apud Hucherum l. l. 2) Hucher, qui hos nummos Macedoniae urbibus tribuit, haec adnotat: «sur quelques — uns on croit voir les lettres OHA entre la tête et la patte du lion». Num forte ΥΕΔ i. e. Υελητῶν?

3) Propter artis ruditatem illi aetati adscribendi esse videntur hi nummi; anno 527 vetustiores esse non possunt propter admixta Veliensium numismata.

tatis vinculo cum illis coniunctae erant. Foedere tamen atque legibus statutum fuisse, ut unaquaque civitas reliquarum numismata pro ratis atque iustis haberet, non est cur cum Chabouilletto¹⁾ credamus. Etenim cum eiusdem omnia essent pretii, re ipsa factum est, ut inter se commiscentur. Neque etiam ita rem explicandam esse putaverim, ut Massilienses propterea alienarum usos esse civitatum nummis cum Mommesso²⁾ dicamus, quod initio propria caruerint moneta. Unum enim illorum signorum, quae supra enumeravimus, ad ipsam Massiliam pertinere videtur.

Vetustissimi nummi, quos ad Massiliam referri certis demonstrari potest argumentis, item argentei sunt et exigui ponderis; in adversa parte caput muliebre gerunt capillis prisco more in gradus et anulos comptis insigne; ex parte aversa carabo signati sunt, infra quem M littera legitur (de la S. 8—10). Hac littera et loco, quo reperti sunt (ad Sancti enim Remigii e terra prodierunt³⁾), efficitur, ut quo pertineant, non sit ambiguum. Carabi signo Massilienses classe maritimisque rebus plurimum valuisse indicatur. Carabus enim et per se, utpote animal marinum, maris afferit memoriam, et brachia eius, χηλωί, molium, quibus fluctus a portubus coerceri solent, imago sunt; hae enim et ipsae χηλωί dicebantur⁴⁾. Caput autem illud muliebre de Lagoy haud iniuria pro Diana simulacro habere videtur. Hacc enim Massiliae inde a primordiis urbis praecipius colebatur honoribus⁵⁾ et drachmis quoque Massalioticis signo est.

His statutis etiam nummulos eisdem signatos imaginibus, sed littera illa carentes (de la S. 6—7) Massiliae assignabimus⁶⁾. — Sed fortasse etiam audacius progredi licet. Idem enim caput in nonnullis nummis exstat ad Auriol vicum, Volaterris, in portu Massiliensi repertis, qui ex altera parte quadrato sunt incusi⁷⁾. Hi igitur haud scio an pro antiquissimis Massiliensium numismatis habendi sint, quoniam nummos quadrato incuso insignes nummis ex utraque parte signatis praecessisse constat.

Qui nummi cum saeculo sexto exeunti et saeculo quinto ineunti tribuendi esse videantur, sequentes ad saeculum quintum medium

1) l. l. 2) Mitth. d. antiquar. Gös. in Zürich VII (1853) p. 231.

3) de Lagoy description etc. p. 5. 4) Carabus saepius in numismatis urbium maritimorum occurrit, velut in Agrigentinis (Mionnet I p. 210 sqq.; Suppl. I p. 359 sq.), Erycinis (Mionnet I p. 235), Cois (Mionnet III p. 402 sqq.).

5) Strab. p. 179. 6) Huius et praecedentis generis haec sunt pondera: 85; 75; (triemiobolia). 65; 53; 48 (oboli).

7) Thesauro Volaterrano duo tales nummi continebantur. Quot in thesauro Aurioliensi fuissent, Hucher indicare omisit, id quod valde dolendum.

et exeuns pertinent. Hi ex aversa parte rotam gerunt, vario modo formatam. Multiplicem et insolitam eius figuram nummus praebet, quem de la S. № 11 notavit¹⁾. Eandem fere rotae speciem in vetustissimo aere Etrusco habes²⁾. Item summam redolet antiquitatem ea rotae forma, quae № 15. 16 propria est. In antiquissimis enim Chalcidis³⁾, Thebarum⁴⁾, Siciliae⁵⁾ nummis occurrit. Formam aliquanto recentiorem № 12. 13 praebent. In parte adversa horum nummorum omnium caput iuvenile expressum est, pileo quodam vel κυνέη opertum; pileus et ipse parva rotula ornatur. Quid sibi velit hoc caput, mihi quidem non satis constat. Neque enim Apollinis id esse potest, ut vult de la Saussaye, propter pileum⁶⁾, neque Vulcani, ut censem Duchalais, quippe qui ab antiquis artificibus nunquam fingatur imberbis.

Qui sequuntur nummi (№№ 18—50), item rotam habent in parte aversa, in adversa caput iuvenile, sed nudum et crispum; e fronte eius cornu exstat (in nonnullis velut 18, 20, 21, 24, 26, 27, 28, 30, distinctissime exaratum). De la Saussaye hoc quoque caput Apollinis esse censuit omniumque tulit assensum. Sed cum capilli recisi tum cornu⁷⁾ illud huic sententiae quam maxime refragari videntur. Immo dei aquae potentis id esse hoc ipso cornu demonstratur. Similibus iuvenum cornutorum capitibus dei fluviales saepissime in nummis Siculis exprimuntur⁸⁾. Rhodani igitur fluvii imagine nummos illos Massilienses signatos esse suspicari quispiam potuerit, nisi aliud etiam verisimilium videatur. In nummo enim, quem de la Saussaye № 21 notavit, et in altero a de Lagoy⁹⁾ publici iuris facto ΛΑΚΥΔΩΝ est adscriptum. Quae inscriptio quin ad effigiem pertineat dubitari non potest¹⁰⁾. Hanc igitur Lacydonis portus esse inde colligitur. Sequitur reli-

1) Alterum rarissimi huius nummi exemplum habes apud Duchalais description des médailles gauloises № 57 = planche I № 5. 2) Catalog of the greek coins in the British Museum, Italy p. 18. 3) Brit. Mus. Centralgrecce p. 106; 167 = pl. XX 3—8. 4) I. l. p. 60 sqq. = pl. IX 11—17.

5) Salinas R. N. 1867 pl. IX. 6) Apollinis Amyclaei statua, quam Pausan. III 19, 2 πανοπλίᾳ instructam fuisse narrat, nihil probari in aperto est.

7) Apollinis Cereatae cognomen (Paus. VIII 34, 5), ad quod provocat de la Saussaye, num omnino cum χέρας voce cohaereat, merito dubites.

8) Gelas fluvius in nummis Gelois (Brit. Mus. Sicily p. 71); Selinus fluvius in nummis Seliniis et argenteis (I. l. p. 141) et aeneis. (I. l. p. 143); Hypsas fluvius in nummis Agrigentinis (I. l. p. 19); Hippatis fluvius in nummis Camarinensibus (I. l. p. 36—37); Amenanus fluvius in nummis Catinensibus (I. l. p. 50); Aesarus fluvius in nummis Crotoniensibus (Brit. Mus. Italy p. 356). 9) R. N. 1857 p. 383 = pl. X 1. 10) Hoc Raoul-Rochette perspexit Mém. de l'Acad. des

quorum quoque nummorum imagines ad Lacydonem referendas esse¹⁾. Hoc enim saepius fieri videmus in nummis, ut imaginum nomina modo adscribantur modo omittantur²⁾. Eundem igitur sensum huic signo subesse appetet quem carabo in antiquissimis illis nummis efficto: portus nempe opportunitas³⁾ eo praedicatur.

Artem si spectas, tria horum nummorum genera discernenda esse appetet.

1. № 18—23; 50. Lacydonis caput ad dextram conversum aliquid servavit austerioris; rotae radii finem versus dilatantur; inter eos Μ littera conspicitur.

2. № 24—32. Lacydonis caput ad sinistram plerumque conversum omnibus numeris perfectum absolutumque est, quo fit ut hi nummi pulcherrima Siculorum numismata elegantia aequiperent eudendique artem id temporis Massiliae summopere floruisse demonstrent. Neque etiam forte factum est, ut in nonnullis sculptoris nomen additum legatur. (Hunc enim esse sensum litterarum genis Lacydonis barbulac loco inscriptarum de la Saussaye perspexit⁴⁾). Quales inscriptiones nummis addi non solent nisi singulari pulchritudine insignibus. — Rotae radii, quibus litterae ΜΑ interpositae sunt, acquatam habent formam.

3. № 34—49. Labentis artis vestigia ostendunt. Inter radios rotae signa subsiciva velut flosculus, luna crescents, punctum etc⁵⁾ conspiciuntur; propter caput Lacydonis aut singulae aut binae leguntur litterae velut Ν, Τ, ΝΛ, ΠΝ⁶⁾. Occurrunt exempla horum


Inscr. XIV 399 n. 1. De la Saussaye, qui hunc nummum semel tantum percussum esse putat «à l'occasion de l'agrandissement du port» nummo a de Lagoy edito refellitur, qui a de la Saussaye multis distinguitur rebus. Akermani (ancient coins I p. 142) sententiam, qui a Lacydone portu proprios nummos emissos esse putat, non est cur pluribus redargamus.

1) Portum iuvenis figura representatum habes apud Philostr. imagg. 16 (p. 419, 28); cf. Millingen Syll. of anc. coins pl. II 30; Panofka Terracott. 75.

2) Sic exempli gratia in nummis Camarinensium modo additur modo omittitur Hippatis fluvii nomen.

3) De Lacydone portu cf. Melae II 5, 77; Eustath. ad Dionys. Per. 75.

4) I. l. p. 65. v. Sallet die Künstlerinschriften auf griech. Münzen 1871 p. 42 sq. — Sunt autem hae inscriptiones:

 Priores tres habes apud de la S. № 31—33; quarta a Salleto addita est.—Ceterum confer Carpentinum R. N. 1861 p. 399: inter 4000 eius, de quo agimus, generis nummos «deux ou trois exemplaires laissaient voir les lettres ΜΑ sur la joue; cinq ou six le mot ΑΤΠΙ et quelques autres, moins rares, les lettres ΠΑΡ ou ΠΑΨ». 5) Carpentin I. l.

6) de la S. 39—42; 44.

nummorum sub involucre argenteo plumbo vel ferro intus munita¹⁾. Quae a falsariis profecta esse non est cur putemus; ipsae enim res publicae hoc modo a civibus mutuas quodammodo pecunias exigere solebant²⁾. — A barbaris haec numismata imitando expressa esse № 51—53 demonstrant; quae per Helvetiam maxime dispersa reperiuntur.

Sed iam inquirendum, ad quam actatem illi nummi pertinere videantur. Hoc quidem extra dubium positum est, drachmis Massalioticis eos esse antiquiores. Neque enim usquam drachmis commixti deteguntur. Immo duo maximi thesauri, quorum descriptio publici iuris facta est, solis his constabant nummulis. Alter eorum anno 1366 «apud castrum de Tourreves³⁾ Bajuliae Sancti Maximini archiepiscopatus Aquensis» a pueris ludentibus repertus est; eius descriptio in actis Provinciae⁴⁾ servata a Fauris de Saint-Vincens⁵⁾ edita est. Alter anno 1860 «dans une propriété de M. le due Sabran» effossus a Carpantino l. l. non ea, qua par erat diligentia, descriptus est. — Continebantur eo «environ 4000 pièces toutes appartenant au troisième type d'Apollon» (secundum de la S.); quorum plerique ad secundum et tertium, quae supra distinguenda esse duximus, genera pertinuisse videntur; in uno enim nummo solo eoque valde detrito caput Lacydonis dextrorsus spectabat.

Praeterea id tantum dici potest, secundi generis nummos pulchritudine insignes ad medium fere saeculum quartum referendos esse videri. Siciliae enim in urbibus saeculo quarto ineunte cedendi artem perfectam absolutam redditam esse constat; Massilienses quippe remotiores aliquanto post cumulum assecutos esse suspicari licet⁶⁾.

Praeter Lacydonis imaginem, artificum nomina adscripta, ipsam denique fingendi artem, etiam pondera tactum nummorum Siciliensium commonstant. Rectissime enim Mommsen⁷⁾ eos non obolos drach-

1) de la S. № 42; Carpentin l. l.
Münzwesens p. 368.

2) Cf. Mommsen Gesch. d. Röm.
3) hodie Tourves. 4) «dans les archives de la chambre des comptes d'Aix, registre dit Viridis fol. 10».

5) Apud Papon hist. générale de Provence (1777) I p. 648 n. Haec sunt chronographi verba: «et erat ipsa pecunia formae talis habens ab una parte formam capitis Sarraceni, et ab alia parte erat formae talis habens crucem cum litteris sicuti patet MA et erat puri argenti, quod dicebatur valere denarios quinque vel circa nunc usualis monetae». 6) Num e litterarum forma de nummorum aetate aliquid colligi possit, videant peritiores.

7) Gesch. d. R. M. p. 116 n. 69.

mae Phocaicae, sed λίτρα ἀργυρίου esse contendit ad Siculorum exemplum constituta¹⁾.

Qui restat recentissimus omnium nummulus (tamen et ipse drachmis vetustior esse videtur) ex adversa parte caput Minervae, ex altera aquilam gerit, iuxta quam ΜΑΣΣΑ vox legitur. Post Minervae caput aut A aut B litterae visuntur; in prioribus aquilae stellula addita est; de la S. 259.260. Unus horum nummorum in thesauro a Carpantino descripto repertus est. Eundem si audis²⁾, hi quoque a barbaris imitando expressi sunt.

Notissima numismatum Massiliensium drachmae sunt, quarum ingens ad nos pervenit copia. Omnibus ex altera parte caput muliebre, ex altera leo signo est.

Caput muliebre si spectas, tria maxime distinguenda sunt genera:

1. Cineinnus pulcherrimi capitis dextrorsus conversi nescio quibus ramis³⁾ comptus est; collum monili, auris crotaliis τριγλάννοις ornata est. de la S. 54—57.

2. Caput minus pulchrum, sed eodem ornatu comptum; post collum arcus et pharetra prominent, quare Diana eam esse effigiem perspicitur. de la S. 70—102.

3. Diana protome modo ad dextram modo ad sinistram spectans; in umero arcus⁴⁾ et pharetra visuntur; e crinibus artificiose compositis πλόκχμος in tergum demittitur; in vertice cirrus eminent; frons diadema, collum monili, auris crotaliis compta sunt; umerus vesti fibula connexa non tegitur. de la S. 115—282.

Quin caput in nummis primi generis expressum et ipsum Diana sit, propter reliquos non est dubium. Sed nulla re hoc indicari animadvertisendum est; immo Cereris vel Proserpinac ora, qualia in celeberrimis illis urbium Sicularum numismatis conspiciuntur, prae se fert hoc caput; quamobrem antea Cereris vel Flora esse putabatur. Massilienses igitur cum civitatis suaे patronam in nummis exprimere vellent, neque typus eius suppeteret, Cereris illam imaginem a Siculis mutuo sumptam substituisse videntur. Atque initio quidem nihil novaverunt nisi quod coronam spicacem foliacea mutaverunt; postea quo

1) Quod Carpentin nulla afferit pondera, valde dolendum est.

2) «J'ai recueilli deux ou trois variétés barbares et un exemplaire surfrappé d'un K du côté de la tête». l. l.

3) Oleaginos eos de la S. dicit. 4) In nummis accuratius expressis et bene conservatis arcus in caput cervarium terminari dicitur. Friedländer und Sallet das kgl. Münzkabinet № 575.

clarius Dianaë eam esse effigiem appareret, arcum addiderunt pharetrumque. Postremo vero iustum reposuerunt Dianaë imaginem.

Leonis, quo pars aversa ornatur, quattuor sunt formationes.

1. Leo supra lineam stans capite obstipo, dorso incurvo, cauda falcata, lingua exserta in insidiis felium more delitescere videtur. Quo schemate efficitur, ut totus fere nummi orbis figuræ lineamentis pulcherrime expleatur. de la S. 54—57; 73—110.

2. Leo hiantem erigit rictum, protentis pedibus prioribus; cauda alteri pedum posteriorum circumligata est. de la S. 71; 231—258.

3. Alter pes leonis sublevatus est; quod quid sibi velit, per se non satis perspicitur. Cauda modo pedibus circumligata modo erecta est. de la S. 153—174; 191—222.

4. Leo quietus ingreditur. de la S. 116—152; 261; 275—277.

Leonis signum Massilienses mutuati esse videntur a Veliensibus, quorum in antiquissimis appareat nummis. In didrachmis Veliensibus leo ipsis quoque illis quattuor schematis¹⁾ expressus est. Has si contuleris, etiam cur in tertia illa formatione pedem sublevet leo, explicari videbis; capiti enim arietino inititur, quod schema ab antiquissimo illo leonis praedam devorantis signo derivatum esse appetet. Sed etiam in didrachmis Veliensibus caput arietinum interdum omittitur.

Quod ad pondera attinet, antiquissimae drachmae tertiam partem stateris Babylonii (= 11.15 gr.) accuratissime efficiunt.²⁾ Reliquæ multo sunt leviores; plerumque enim 2.60—2.65 pendunt, interdum plus (= 2.80), saepius minus valent. Gravissimum hoc ponderis discrimen Momm̄sen³⁾ rectissime ita explicat, ut Massilienses drachmarum pretium ad victoriatorum Romanorum normam redegitte dicat. Gallia enim Transpadana post bellum Punicum primum subacta cum Romani et huius regionis mercaturam occupavissent et ad negotia Transalpina multum valere coepissent, Massilienses, quo cum negotiatoribus Romanis contendere possent, ad illorum exemplum nummorum suorum pretium temperare coacti sunt.

1) Carellii nummorum Italiae veteris tabulas CCX edidit C. Cavedonius Lipsiae 1850. Primum schema habes tab. CXXXVII 17—27; secundum tab. CXXXVIII 34—35; CXXXVIII 43—46; 49; tertium tab. CXLI 64—66; quartum tab. CXXXVIII 20—33; 36—38.

2) 3.85 (Annuaire de Numism. 1879 p. 268); 3.80 (R. N. 1861 p. 402); 3.77 (de la S. № 55—57); 3.76 (№ 58); 3.72 (№ 54); 3.56 (№ 59).

3) Gesch. d. R. M. p. 398. Drachmas levioris ponderis victoriatos Romanos aequare iam Borghesius (decad. 17.=œuvres compl. II p. 302) animadverterat.

Quae adhuc de signis ponderibusque disputavi si contuleris et praeterea ad inscriptiones, signa subsiciva, litteras additas animum adverteris, haec drachmarum genera discernenda esse apparebit:

1. Drachmae graviori pondere; pars adv. 1, pars av. 1. Supra leonem inscriptio **ΜΑΣΣΑ** conspicitur. In nonnullis signa subsiciva apparent, velut luna crescents puncto addito insignis aut post Dianaë caput (de la S. 56. 57) aut ante leonem (57) collocata, stella supra leonem (61), orbiculus (58) infra leonem, punctum (Duchalais deser. № 69) supra leonem posita¹⁾. Ceterum hae drachmae admodum sunt rarae. Saepius occurunt exempla a barbaris imitando expressa (61—69; tab. XIII Libici; Oxybi).

2. pars adv. 2, pars av. 1; pondus imminutum; supra leonem **ΜΑΣΣΑ** inscriptum; inter crura eius signa subsiciva, velut stella (105), caduceus (106), pharetra (107), cornu copiae (108), luna nascens (109), ramus (110), serpens (?) (111), tridens (112. 113), triquetra (114), delphinus (R. N. 1861 p. 487), «rameau feuillu d'un seul côté» (R. N. 1860 p. 488) occurunt. Signorum subsicivorum loco in nummis, recentioribus nimirum, litterae **A, B, Δ, E, Ι, H, Θ, Κ, Λ, Μ, Ξ, Ο, Π, Ρ, Σ, Τ, Υ, Φ, Ψ**²⁾, **ΑΑ, ΒΒ, ΔΔ, ΕΕ, ΖΖ, ΣΣ** obviae sunt. Quas cum neque ad magistratus neque ad officinas referri appareat, formarum notae fuisse videntur, quibus nummi simul percussi a reliquis distinguerentur³⁾.

3. pars adv. 2, pars av. 2. Supra leonem **ΜΑΣΣΑ**, infra («à l'exergue») **ΛΙΗΤΩΝ** inscriptum. In unico huius generis exemplo publici juris facto (de la S. 71) ante leonem **Α** littera collocata est.

4. pars adv. 3, pars av. 2; eadem inscriptio. In nonnullis exemplis signa subsiciva ante leonem posita occurunt, velut ramus (de la S. 231), cuspis (R. N. 1860 p. 488). Sed saepius eorum loco singulæ

1) De la S. in № 56 et 57 **Ε** litteram, in № 58 Omikron conspicit dicit. At litterae in huius generis nummis nondum comparent.

2) Haec sola R. N. 1860 p. 488, reliquæ apud de la S. 1. 1.

3) Idem habes in denariis Romanis. Cf. Momm̄sen R. M. p. 457: «Dass die auf einem Theil der römischen Silbermünzen vorkommenden inconstanten Zeichen, seien dies nun Wappen oder latein. oder griech. Buchstaben oder Silben oder lat. Ziffern und bloss auf einem oder auf beiden Stempeln angebracht, gedient haben, um die einzelnen Stempelschneider oder auch nur die einzelnen Stempel zu unterscheiden und somit die Controle zu erleichtern, ist ausgemacht. Cf. praeterea Friedländerum Hermae IX 1875 p. 251.

(de la S. 233 — 234) aut binae litterae, interdum per monogramma scriptae (de la S. 235 — 248) comparent, quae etiam in parte adversa repeti solent (de la S. 249 — 258). Unum exemplum ex adversa parte signo (palma, R. N. 1860 p. 488) ex altera duabus litteris notatum est. Etiam has formarum notas esse crediderim. — In uno item exemplo (de la S. 238) praeter illas litteras monogramma exstat inter crura leonis positum.

5. pars adv. 3, pars av. 3; eadem inscriptio. Inter crura leonis vel singulae vel binae vel trinae litterae interpositae sunt. de la S. 190 — 230; 282.

6. pars adv. 3, pars av. 3; supra leonem **ΜΑΣΣΑ** inscriptum. Infra lineam, in qua stat leo, («à l'exergue») singulae, binae, trinae litterae exaratae sunt; praeterea inter crura leonis singulae litterae, ante protomen Diana monogrammata occurunt, quibus fortasse magistratus argento feriundo praepositi indicantur, cum litteris infra lineam collocatis distingui videantur formae¹). de la S. 153 — 189; 262 — 274.

7. pars adv. 3, pars av. 4; eadem inscriptio. Infra lineam semper trinae litterae, ante leonem aut inter crura eius et ante protomen Diana singulae vel binae per monogrammata scriptae comparent. de la S. 116 — 152; 261; 275 — 281.

Haec septem genera ita inter se cohaerere vides, ut unumquodque et cum praecedenti et cum sequenti sive imaginibus sive signis subservientis sive litteris adscriptis sive denique titulo connexum sit. Quodsi praeterea ad artis quoque continuationem — nam cum priorum generum nummi elegantia quadam excellant, reliquorum labentis artis vestigia ostendunt, quae in ultimis generibus ad summam barbariem demissa iacet — animum attenderis, illam seriem ad tempora transferre non dubitabis.

Argumentis in ipsorum nummorum natura positis alia accedunt extrinsecus petita. Anno enim 1860 ad Cadenet vicum (dép. de Vau-

1) Mira profecto protulerunt viri docti, dum harum litterarum sensum explanare student. Exempli causa Lorichsium afferro, virum de re nummaria Iberum optime meritum. Qui litteras **A** et **KΠA** (de la S. 142) hunc in modum explicat: «l' **A** pour la première officine et le reste pour **K** urator **P** ecuniae **A** rgenteac»; litteras **Δ** et **ΔΑΔ** (de la S. 136); «**Δ** pour la quatrième officine; à l'exergue **ΔΑΔ**. Quarta Assium Denariorum [officina]»; litteras **N** et **OAE** (de la S. 180); «**N** ou treizième numero de l'officine, **OAE** Officina **AE** ris».

cluse) thesaurus circiter 1800 drachmarum Massalioticarum effossus est, quarum 854 a de la Saussaye examinatae dispositae descriptae sunt¹). Praeterea Carpentin²) 28 earum, in nummothecam Massiliensem delatas, tractavit³). Secundum de la Saussaye inter 809 drachmas (de 45 enim non constabat) 501 eius erant generis, quod quintum esse voluimus, et novitatis prae se ferebant speciem. Has igitur ea aetate, qua thesaurus depositus est, maxime in usu fuisse appareat. 204 ad genus sextum pertinebant et item usu nondum erant detritae. Quamobrem eas paulo ante thesaurum defossum feriri coeptas omniumque recentissimas esse censeo⁴). 50 genus quartum spectabant et aliquantulum attritae erant, quare eas per aliquod tempus in usu fuisse colligitur. Tertio generi duae tribuendae erant drachmae, et ipsae aliquantum detritae. 52 eaeque valde contritae ad secundum referebantur genus. Primi generis inter eas, quas excusserat de la Saussaye, nullum exstabat exemplum; earum autem, quae in nummothecam Massiliensem perlatae sunt, una ad id pertinebat genus⁵). Quod nullum earum, quas septimum genus efficere diximus, ocurrebat exemplum, de la S. sine dubio recte ita explicat, ut eas id temporis nondum feriri coeptas fuisse dicat.

Haec de ordine chronologico, quo drachmarum genera inter se excipiuntur. Absolutam si quaeris temporum rationem, inde proficiendum est, quod inter bellum Punicum primum et secundum, ut videtur⁶), earum pondus ad victoriatorum normam redactum est. Cum sincerarum drachmarum sat exiguis ad nos pervenerit numerus, eas haud ita multo ante feriri coeptas fuisse suspicari licet. — Ad saeculi tertii initium artis quoque ratione ducimur, si quidem venustissimis illis nummulis, quos saeculo quarto medio assignavimus, haud parum sunt inferiores.

Post Massiliam a Caesare expugnatam drachmas feriri desiisse Mommsen⁷) recte inde concludit, quod neque trium virorum neque imperatorum Romanorum nomina in eis legantur. Alterum huius sententiae argumentum sagacissime inde repetit, quod

1) R. N. 1860 p. 485 sqq. 2) R. N. 1861 p. 401 sqq.

3) Optaudum est, ut reliqua pars thesauri ea providentia, qua de la S. usus est, describatur. Cf. de la S. l. l.: «Le reste de la trouvaille a été vendu ... à M. Blancard, archiviste de Marseille, lequel compte publier une notice sur la portion du trésor venue entre ses mains». Quod num perfecerit ille, ignoro.

4) Quanquam de la S. eas praecedentibus vetustiores esse putat.

5) Carpentin l. l. 6) Mommsen R. M. p. 673.

7) Nordetruskische Alphabete, Mittheil. d. antiquar. Ges. in Zürich VII (1853) p. 238; R. M. p. 675.

cum pondera drachmarum procedente tempore sensim fuerint imminuta¹⁾, levissima, hoc est recentissima, pondera non ipsarum propria sint drachmarum Massalioticarum, sed nummorum ad illarum exemplum, pretium si spectas, a coloniis Massaliensium barbarorumque civitatibus percussorum²⁾ Tertium denique affert argumentum, quod in recentissimis horum nummorum thesauris³⁾ drachmae Massalioticae non occurrant.

Iam de aere Massiliensium agendum est. — Cuius sex genera distinguere haud abs re visum:

1. Adversae parti caput Apollinis ad sinistram conversum, coma in cervicem demissa coronaque laura ornatum, signo est; in altera taurus supra lineam cornibus obversis dextrorsus incursat. Plane eadem signa in Tauromenitanorum nummis exstant⁴⁾ neque dubium esse potest, quin Massilienses ea ab his mutuo sumpserint, cum tauri imago ad Tauromenii nomen optime quadret, non perspiciatur, quid cum Massilia habeat commune.

Infra lineam («à l'exergue») **ΜΑΣΣΑΛΙΗΤΩΝ** inscriptum legitur. Cum in adversa tum in aversa parte minora cernuntur signa, velut corona, luna dimidia, hemicyclium, diota, fulmen, bucranium, vittis, spica, cornu copiae, arcus, delphinus, concha, fax, Victoria volans etc. Ambitus horum nummorum sextum vel septimum sealae Mionnetiana gradum obtinet, rarius quintum. Ceterum haud medioer fabrefacti sunt artificio. de la S. 283—303.

Thesaurus circiter 300 horum nummorum continens ad Sancti Marcelli vicum haud procul a Massilia distantem repertus est⁵⁾.

2. Caput Minervae dextrorsus spectans) (tripus varie constructus, a cuius lateribus in exemplis paulo vetustioribus **ΜΑ**, in recentioribus **ΜΑΣΣΑ** litterae adscriptae sunt. In utraque parte varia signa secundaria adiuncta sunt; semel eiusmodi signi loco littera **B** posita est. Ambitus sextum obtinet locum, secundum Mionnetum; fabrica aliquanto vilior est quam praecedentis generis. de la S. 377—387.

Hoc genus praecedens excepsisse inde colligitur, quod subter Mi-

1) Cf. Mommsen R. M. p. 398 n. 101.
p. 97 sq.; 105; 110. 3) Huc imprimis thesaurus ad Lugdunum repertus pertinet: de Lagoy méd. gaul. p. 6.

2) De his nummis cf. infra

4) Torremuzza Siciliae veteres nummi tab. LXXXVII 12. 13.
5) 17 eorum Chaland descriptis et exprimi curavit lettres numismatiques = Revue Numism. belge 1857 p. 318—321.

nervae capite et tripode in nonnullis exemplis vel Apollinis caput vel taurus vel inscriptio **ΜΑΣΣΑΛΙΗΤΩΝ** cernitur. (de la S. 378—381). Apparet igitur illos nummos, cum novis signis signari coeptum esset, denuo malleo subiectos esse novis imprimendos formis.

3. Signa primi generis repetita sunt: Apollinis caput sinistrorsus spectans) (taurus cornupeta ad dextram conversus. Sed et modulo minore (4—5 secundum Mion.) et arte rudiore confecti sunt hi nummi. Inscriptio in his quoque à l'exergue posita, sed informibus exarata litteris et amputata est; nam tantum litterae **ΜΑΣΣΑΛΙ**, **ΜΑΣΣΑΛ**, **ΜΑΣΣΑ**, **ΜΑΣ** comparent. Praetera plerumque haud bene sunt conservati, id quod cum metalli vilitate cohaeret «qui est formé d'un assez mauvais mélange dur et cassant offrant de la ressemblance avec le métal des médailles gauloises fondues. Ce métal peu propre à recevoir l'empreinte du coin, se corrode et se déteriora facilement dans la terre»¹⁾. Supra taurum varia signa subsiciva vel variae litterae conspiciuntur: «j'ai trouvé les variétés suivantes: en lettres **A**, **E**, **Ρ** et en symboles: proue, couronne, épi, astre, fleur à trois feuilles, croissant avec un point, corne d'abondance, rameau et un symbole incertain dont la forme se rapproche de celle d'un sympulum»²⁾. Duo exempla, quae de la Saussaye affert (317. 318), ad Sancti Remigii reperta sunt³⁾. Anno autem 1849 in Druentiae ripa «dans le territoire de Marseille» c. 400 nummi huius generis in lucem prodierunt, quos de Lagoy marchio breviter sed scite descripsit⁴⁾.

4. Eadem signa, sed et caput Apollinis et taurus modo ad dextram modo ad sinistram partem conversa. Supra taurum **ΜΑΣΣΑ**, infra lineam **ΛΙΗΤΩΝ** inscriptum. Capiti Apollinis signa subsiciva vel litterae interdum monogrammate scriptae, tauro litterae addita. Modulus etiam minor (2 $\frac{1}{2}$ —3), ars inferior quam praecedentis generis. de la S. 304—315.

5. Artis vilitas ad meracam barbariem collapsa est. Taurus interdum tranquillus stat. Supra taurum **ΜΑΣΣΑ** vel **ΜΑ** inscriptio, à l'exergue signa secundaria aut singulae vel binae vel trinae litterae comparent; interdum inscriptio infra lineam, signa subsiciva supra taurum posita. de la S. 322—373.

6. Modulus 1—2. Fabrica seram prodit aetatem. Ingens varietas

1) de Lagoy R. N. 1849 p. 323. 2) de Lagoy I. I.
3) de la Lagoy I. I. 4) I. I.

signorum; in aduersa enim parte caput Minervae (388—412) et caput Diana modo turritum modo coronatum conspicitur, quod de la S. pro Diana¹⁾ habet, ego Fortunae vel ipsius Massiliae humana specie induatae²⁾ esse suspicor. de la S. 423—431. In aversa parte Minervae Poliadis statua (388), leo (389—393), aquila (394—402), noctua in caduceo posita (403—404), delphinus tridensque (405—428), navis (406—412; 424—425), caduceus (413—420; 427; 431), taurus cornuta (423), duae manus coniunctae (421) comparent³⁾.

Haec sex genera ipso illo ordine, quo ea enumeravimus, se exceptisse cum modulis paulatim imminutis tum arte sensim lapsa demonstratur. Primum genus post aboletos obolos vel potius litra argentea signari coeptum esse verisimile videtur. Artem si respicis, ad eandem aetatem atque drachmae graves pertinere potest. Tertium genus ea spectat tempora, quibus Romana pecunia in Gallia Narbonensi circumferebatur. Thesauro enim ad Druentiam reperto duo denarii Romani continebantur. Quintum genus aeris sexto generi drachmarum aequale esse propter fabricae et litterarum ad formas spectantium similitudinem suspiciari licet. Sexti denique generis nummos aeneos post Massiliam a Caesare expugnatam usque ad extremam antiquitatem signatos esse puto.

Mommsei⁴⁾ quidem propriorum nummorum ius Massiliensisibus a Caesare ademptum esse statuit argumentis, quae supra exposui, et scriptorum locis innixus, quales sunt Dio Cass. 41, 25: ἐκείνων τότε γένι τε ὄπλα καὶ τὰς ναῦς τά τε χρήματα⁵⁾ ἀφείλετο, ὑστερον δὲ καὶ τὰ λοιπὰ πάντα πλὴν τοῦ τῆς ἐλευθερίας ὄνοματος. Flor. II 13: «Omnia ablata praeter libertatem». Oros. VI 15: «Massiliam vitam tantum et libertate concessa ceteris rebus abrasit». At enim illa de argento tantum valent; scriptorum autem testimoniis contrarium, atque Mommsei vult, efficitur. Propriorum enim nummorum ius fundamentalum αὐτονομίας est tam necessarium, ut res publica illo carens arbitrii esse⁶⁾ nullo pacto dici possit. Quid? credisne eam civitati

1) Propter № 423, ubi pharetram pone caput depredere sibi visus est. Sed id valde dubium. Corona autem muralis a Diana simulacro aliena est.

2) Τύχης enim urbane imagine ipsam urbem representari nemo nescit.

3) Nummus 422 mihi valde suspectus est. 432—434 a barbaris ad exempla Massiliensis eudentibus profecti esse videntur.

4) R. M. p. 675.

5) Haec verba non ad ius proprios nummos edendi ademptum, sed ad pecuniam praesentem ablatam pertinere appetunt; neque Mommsei aliter ea intellexisse videtur.

6) Locis supra exscriptis addit Strab. p. 181: καὶ ὁ Καῖσαρ δὲ καὶ οἱ μετ' ἐκείνους γεμόνες τὴν αὐτονομίαν ἐφύλαξαν ἦν ἐξ ἀρχῆς εἰχεν ἡ πόλις.

tem, cuius in dictione Strabonis quoque temporibus complura oppida erant, eo caruisse iure, quo oppida utebantur latina?— At ne in aeneis quidem nummis principum Romanorum mentio fit. Libertatis Massiliensium id ipsum est indicium; singulare illud quidem ac praecipuum et, quantum sciam, praeterea solis Atheniensibus concessum. Hi enim et ipsi iure argentum signandi amissi imperatorum quoque temporibus nummos aeneos edere pergebant, in quibus tamen neque imperatorum neque magistratum Romanorum ulla exstat mentio¹⁾. Accedit denique Faurisii de Sancto Vincente testimonium, quod de la Saussaye e commentariis eius manu scriptis afferit²⁾. Is enim anno 1789 ad Aquas Sextias in monumento sepulchrali «élevé d'après les conjectures les plus vraisemblables pendant le règne d'Antonin-Pie» numnum aeneum (nummo 429 apud de la S. similem) repertum esse narrat; quem nummum usu nondum tritum («à fleur de coin») fuisse.

Quae cum ita sint, Mommsei sententiam de solo argento valere appetunt. Contra ius aeneos nummos signandi Massilienses, sicut Athenienses, imperatorum quoque aetate retinuisse putandi sunt. Quod ipsis nummis confirmatur. Sigma enim litterae forma lunaris nisi in nummis aeneis non occurrit³⁾; item in his tantum inveniuntur litterae latinae⁴⁾. Qua ex re etiamsi certi termini repeti non possint, tamen hos nummos ad inferiorem aetatem, quam drachmas argenteas, pertinere appetunt.

Fabrica infimae aetatis indicia prae se fert; huc spectant planitas signorum, exiguitas modulorum, globosa denique nummorum forma⁵⁾.

Iam ad rem nummariam coloniarum Massiliensium pergamus.

Coloniarum ad ortum et in mediterraneo sitarum tres proprio nomine nummos signaverunt: Avenio, Cabellio, Antipolis.

Avenioniensium unum nummum argenteum afferit de la Saussaye (tab. XVI Avenio 1), ex altera parte capite Apollinis, ex altera apro insignitum, supra quem AOYE inscriptio cernitur. Illud signum e nummis Massiliensisibus aenis mutuo sumptum esse appetunt, hoc saepius

1) Beulé monnaies d'Athènes p. 389—401. 2) p. 88.

3) MACCA: de la S. 390, 392, 395, 396, 400, 402, 405, 417, 426, 427—430.

4) MASSA: de la S. 401. D: de la S. 392, 393. 5) Cf. de la Saussaye p. 84: «on ne frappe plus guère que dans les petits modules et sur des flans globuleux, qui donnent à ces pièces l'apparence des médailles impériales de potin d'Alexandrie et des petits-bronzes d'Anastase ou de Justin.»

in nummis Gallorum occurrit et pro proprio eorum insigni habetur¹⁾. Pretium huius nummi si spectas, ad normam drachmarum Massaliotiarum id formatum esse apparet; sed pondus habet etiam magis minutum (2.55) quam recentissima illarum exempla; quo ad seriorem aetatem eum pertinere perspicitur. — Sequens nummus (Nº 2) aeneus est et eisdem signis impressus; inscriptionem habet **A.Y.E.** Et huius et praecedentis nummi ars satis bona est. — Reliquorum contra fabrica vilissima est. Nº 3 et 4 Apollinis caput et taurum cornupetam exhibent, Nº 5 taurum stantem et caput muliebre corona murali ornatum, quod de la Saussaye nescio quo iure Dianaes esse iudicat, ego pro Fortunae urbanae habuerim. Hi eadem inscriptione signati sunt, qua nummus primus.

Cabellioniensium item unum nummum argenteum afferit de la S. (tab. XVII), ex parte adversa capite muliebri et inscriptione **CABE**, ex aversa cornu copiae in corona laurea posito et inscriptione **LEPI** notatum. Huius pondus 0.49 est; aliud exemplum 0.55 pendit (Combe Mus. Brit. p. 34); duplum 1.12 valet eiusdem generis nummus secundum Mommsen²⁾ in nummotheca Vindobonensi asservatus. — Hos anno 44 vel 43, quo tempore Lepidus Galliae Narbonensis proconsulatum tenuit, emissos esse apparet. — Paulo priores nummi aenei 2—5 esse videntur. Quorum qui ultimo loco allatus est, ex altera parte Jani caput bifrons et inscriptionem **CABE** habet, ex altera leonem Massiliensem, qui dudum satis miro errore pro M. Antonii triumviri capite habitus est. Quem errorem Mionnet³⁾ corredit, sed inscriptionem infra lineam positam et hic et de la Saussaye **M. ANT.** interpretantur, cum clarissime **ΜΑΣΣ . . . ΩΝ** scriptum sit. Nº 2—4 in parte adversa caput muliebre corona laurea circumdatum et **CABE** inscriptionem, in parte aversa caput juvenile galeatum et inscriptionem **COL** praebent. — Idem caput muliebre in nummo Nº 6 occurrit, sed corona murali ornatum, unde Fortunae id esse coligitur. Caput autem galeatum cum de Lagoy pro Marte habendum esse videtur, quo populum Romanum repraesentari arbitror. His igitur signis ad coloniam Latinam Cabellionem deductam alludi videtur. Ad Fortunae porro imaginem cornu copiae in nummorum 1 et 6 aversa effictum bene quadrat. In nummo 6, ut ad hunc revertar, in parte aversa **COL CABE**, in aversa **AVGVST-COS. XI. IMP CAESAR** inscriptum est. Anno igitur 23 a. Chr. cum percussum esse apparent.

1) Cf. de la Saussaye R. N. 1840 p. 245 sqq.

2) R. M. p. 675 n.

3) Suppl. I p. 133.

Antipolitanorum nummi (de la S. tab. XIV) aenei sunt et ex adv. parte Apollinis capite, ex aversa Victoria tropaeum coronante signati; in illa Nº 1—4 inscriptionem **ΕΙΣΔΗΜΟΥ¹⁾**, in hac **ΑΝΤΙΠολιτῶν ΛΕΠΙδος** gerunt. — Nummi 5 inscriptionem de la Saussaye hunc in modum interpretatur **ΕΠΙ Λουκίου ΚΟΡυγηλίου**. — Reliquorum tituli obscuri et incerti sunt²⁾.

Omnis hos nummos ea demum aetate percusso esse apparet, qua coloniae illae proprio utebantur iure. Quod post Massiliam a Caesare expugnatam factum est. Is enim Massilienses territorio, quod posse derant, privavit praeter litoris tractum inter Massiliam et Varum flumen interpositum³⁾. Sed in hoc quoque Antipolis eis adempta eiusque loco Nicaea in laeva Vari ripa sita concessa est⁴⁾.

Quamobrem nullus horum nummorum annum 49 a Chr. n. excedere potest. Quia cum temporis ratione optime convenient, quae ex ponderibus nummorum argenteorum et ex inscriptionibus supra collegimus⁵⁾. — Cum vero ius nummorum civitatibus in Gallia Narbonensi sitis brevi post annum 23 a. Chr. n. ademptum esse videatur⁶⁾, ad angustum temporis spatium referuntur nummi a coloniis Massiliensium ad ortum sitis emissi.

Cum Cabellio, Avenio, Antipolis a Plinio oppida Latina dicantur, et Cabellioniensium nummi quoque **COL** inscriptionem prae se ferant, Herzog⁷⁾ a Caesare illa civitate Latina donata esse haud iniuria conieceris videtur. Prisco autem Romanorum more oppidis Latini nominis nisi nummos aeneos non emittere licet⁸⁾. Atqui ab Avenioniensibus et

- 1) 1. **ΙΔΗΜ**
2. **ΙΣΔΗΜ**
3. **ΙΣΛΙΜ**
4. **ΜΙΔΙ**

- 2) 6. **ΚΛΝ**
7. **ΙΑ·ΤΕ**
8. **ΣΥΙΣ**
ΡΑΙΜ Mionnet I p. 131 n. 11.
ΛΑ·ΚΑ " " n. 12.
Ο·ΦΡΟ. Scott R. N. 1854 p. 293.

3) Athenopolis, quippe quae in Massiliensium remausisset dicens (cf. Plin. III 5 Athenopolis Massiliensium), proprios nummos signare non potuit. Vel propterea Hucher sententia, qui nummum aliquem aeneum signis Massalioticis impressum Athenopoli tribuit (R. N. 1855 p. 322), stare non potest. Inscriptione huius numismatis Massiliensium potius nomen barbarorum imitatione corruptum quam Athenopolitanorum contineri videtur.

4) Strab. p. 184. 5) Quae igitur Herzog (Galliae Narb. hist. p. 30 sq.) de ratione, quae inter Massiliam eiusque colonias intercesserit, e nummis Avenioniensibus colligi vult, fundamento carent. 6) Mommsen R. M. p. 677.

7) Herzog I. I. p. 86 sqq.

8) Mommsen R. M. p. 318 sq.

Cabellionicibus argentum quoque signatum esse supra vidimus. — Simili modo Nemausenses civitate Latina a Caesare accepta¹⁾ argenteos²⁾ percosserunt nummos. Quod haud facile aliter explicaveris nisi ita, ut propter bellorum civilium turbas, quae alia quoque maiorum instituta everterunt, illam legem neglectam esse dicas³⁾.

Coloniarum ad occiduum diem sitarum duae tantum⁴⁾, Emporium et Rhoda, proprio nomine nummos percosserunt⁵⁾.

Emporium, quod, ut supra⁶⁾ exposuimus, inter Gallorum migrationem et annum 347 a. Chr. conditum est, cum brevi post adeo convaluisse, ut proprii fieret arbitrii⁷⁾, suo nomine nummos emittere coepit et initio quidem pondera monetae Massiliensium retinuit. Antiquissima enim Emporitanorum numismata nummuli argentei⁸⁾ sunt, secundum Zobelium gr. 1.20; 0.60; 0.30; 0.15 pendentes. Sunt igitur tertiae, sextae, duodecimae, vicesimae quintac partes drachmae Phocaicae, ad cuius legem Massiliensium quoque nummos redactos fuisse supra vidimus. Signa autem non Massilia, sed e Campania Siciliaque petita sunt⁹⁾. Tituli Ε, ΕΜ, ΕΜΠ modo dextrorsus modo sinistrorsus scribuntur¹⁰⁾.

1) Mommsen R. G. III⁶ p. 553.

2) de la Saussaye XIX 5. 3) Eodem modo Lenormant la monnaie dans l'antiquité II p. 205 explicandum esse censem, quod hac aetate coloniae civium Romanorum velut Corinthus, Lugdunum, quae ex vetere more hoc iure carebant, suo nummos ediderint nomine. 4) Nam quod de la S. p. 90 sq. et tab. XIII Agathae attribuerat nummos, ipse p. 204 incertissimum id esse concessit. — Item iniuria Rhodanusiae et Hemeroscopeo olim adscribabantur nummi.

5) Emporitanorum Rhodensiumque nummos nitide expressos habes apud Heiss monnaies antiques de l'Espagne Paris 1870 pl. I—IV; cuius libri textus negligenter conscriptus est. — Valde autem dolui, quod Zobelii de Zan-groniz commentatoribus annalibus Hispanicis, quibus nomen est Memorial Numismatico Espagnol tom. IV, V, VI (1878 sqq.), insertis uti mihi non licuit. Quae aliqua sane ex parte eiusdem viri de re nummaria Iberum prae ceteris bene meriti commentario compensantur, qui Monatsber. d. Acad. z. Berlin 1881 p. 806—832 exstat. Hic infra saepius laudabitur. 6) p. 75. 7) Hoc praeter nummos etiam Rhoda colonia ab Emporitanis emissae et foedus ante bellum Punicum secundum cum Romanis ictum demonstrant. 8) Gaillard catalogue de monnaies recueillies en Espagne Paris 1844 p. 24 n. 367; p. 25 n. 377—385; pl. II n. 3, 5—9. Heiss I n. 11—17.

9) Haec afferuntur a Zobello: p. adv. caput Minervae, Proserpine, Arethusae; p. av. gallus, singula vel bina folia hederacea, trini tali, polypus, diota, caput taurinum, caput lupinum, noctua, capra, taurus facie virili barbata insignis, eques, singulæ vel trinæ aves, caput mulieris, taurus cornupeta, bini delphini, pegasus volans, qui capit is loco Amorem conquiniscentem gerit.

10) Zobel illos his posteriores esse vult; sed num temporis ratio hac re definiri possit, dubito.

Cum Carthaginienses, qui Massiliensium calamitate usi magnam Hispaniae, qua mari mediterraneo alluitur, partem recuperaverant¹⁾ mercaturam per omnem Hispaniac oram gerentes multum pollere coepissent, Emporitani ut ad illorum normam nummorum pondera redigerent, pernoti sunt. Exstant enim numismata Emporitana, quae propter artis rationem nummulis illis posteriora esse apparet. Horum quae fabricae paulo vetustioris indicia praे se ferunt, gr. 5.00, reliquæ gr. 4.70 pendunt. Quae pondera ad legem nummorum Carthaginiensium accomodata esse cum iam Quicipo²⁾ perspexisset, Zobel³⁾ demonstravit. Emporitanos id fecisse apparet, quo facilius rem gercent cum Carthaginiensium colonis. Cuius commercii complura exstant documenta. Anno enim 1866 ad Carthaginem Novam Emporitanorum nummus (Heiss I 1) una cum nummo Ebusitano et Carthaginiensi repertus est⁴⁾. Cum Ebuso imprimis artam societatem iniisse videntur. Thesauro ad Dertosam effosso praeter drachmas, quae appellari solent, Emporitanas nummus argenteus Ebusitanus continebatur⁵⁾. Ebusitanorum porro nummi in Aquitania haud raro occurrunt⁶⁾. Quid quod barbari Aquitaniam incolentes, qui saepissime Emporitanorum et Rhodensium imitati sunt drachmas, interdum Ebusitanorum nummos expresserunt⁷⁾.

Atque initio quidem Emporitani nummos ad Carthaginiensium normam formatos signis imprimebant ipsis quoque a Carthaginiensibus mutuo sumptis. Illuc enim spectant caput Cereris et equus phaleris ornatus, qui a Victoria volante coronatur⁸⁾. Nummi his signis conspicui quinque grammatum pondo pendunt. Sed brevi post Punicorum signorum loco, quae et ipsa e Sicilia a Carthaginiensibus petita erant, alia successerunt e nummis civitatum Siciliensium desumpta. Caput enim

1) Cf. p. 76. 2) Essai sur les systèmes métriques et monétaires des anciens peuples. — Mommsen (annali dell' Instituto XXX=1863 p. 6) horum nummorum pretium ita explicabat, ut denos obolos valere diceret. 3) I. I. p. 811—813.

4) Heiss I. I. p. 44. 5) Heiss I. I. 6) Romé de l'Isle (catalogue des médailles antiques et modernes du Cabinet de M. d'Ennery. Paris 1788 p. 113) postquam nummum Ebusitanum descripsit, haec addit: «il est à remarquer que ces médailles se sont trouvées en assez-grand nombre à Vichy-Toulouse et qu'elles varient beaucoup pour les lettres de la légende et du revers».

7) Nummus, quem de Longpérier (R. N. 1840 tab. XVII 48) primus vulgavit, et qui «à l'Ile de Noë près Condoum» repertus est, ex altera parte caput Cabiri Ebusitanorum insigne, ex altera rosam Rhodensium barbarice expressam præbet: (Eundem nummum de la Saussaye R. N. 1866 tab. XVII 48 et Robert numismatique de la Province de Languedoc p. 24 № 37 ediderunt).

8) Heiss p. 20.

Proserpinæ, sive id est Cereris vel etiam Arethusæ, tribus vel duobus piscibus circumdatum celeberrimum Syracusanorum est insigne; pegasus autem volans, qui proprie antiquissimum Corinthiorum signum est, et Syracusanorum et aliorum Siculorum in nummis occurrit. Hoc tamen Emporitani peculiari modo ita immutaverunt, ut capitis loco pusionem alatum manibus potenter summos pedes prehendentem et cuius alis illius formarentur aures, pegaso iniungerent. Singulari hæc figura quid sibi voluerint, non constat. Alterius partis signo Emporitani novam significationem subiecisse videntur. Proserpina enim sive Ceres sive Arethusa nihil ad eos pertinebat. Immo Dianam præcipuis colebant honoribus, sicut Massilienses et reliqui Massiliensium coloni¹⁾. Quamobrem cum in nonnullis nummis²⁾ capiti illi arcus pharetraque adiuncta sint, Diana id esse Emporitani voluisse videntur. Simile Massiliae factum esse supra vidimus.

Opera confecti sunt hi haud mediocri; pondus habent aliquanto imminutum; plerumque enim non plus quam 4.70 gr. valent. Ad aetatem eorum definiendam thesaurus ad Cheste vicum haud procul Valentia distantem repertus³⁾ magni momenti est. Eo enim præter nummos Carthaginenses, denarium Romanum satis vetustum, victoriatos denique Saguntinos gravi pondere insignes, haud paucae drachmae Emporitanae eius, quod modo descripsimus, generis continebantur eaque usu satis contritae. Cum victoriatos istos Saguntinos 3.41 gr. circiter valentes Zobel⁴⁾ inter annos 228 et 219 a. Chr. n. emissos esse demonstraverit, nummi illi Emporitani medio fere saeculo tertio attribuendi sunt.

Eadem pondera et signa nummi quidam præbent barbarica fabrica et titulis Ibericis insignes. Indicetum nomen in his agnoscit volunt viri docti linguae Ibericae periti. Ab illis igitur, qui eandem Graecis urbem habitantes seorsim administrabantur⁵⁾, profecti sunt hi nummi; quos ad eandem referri aetatem atque drachmas illas Emporitanas e ponderibus colligitur.

Cum Romani post bellum Punicum primum in Hispania multum valere coepissent et Saguntinos ipsosque Emporitanos foederibus sibi

adiunxissent, hi ad illorum normam monetæ suæ pretium redegerunt. Nam quod nummi Emporitanorum eisdem signis impressi, sed negligenter confecti 4.22 gr. plerumque valent, recte Zobel ita explicandum esse dicit, ut eorum pretium antiquissimis denariis Romanis, quorum 72 unum pondo pendebant, accommodatum esse dicat. Quod ante annum 217 a. Chr. factum esse inde perspicitur, quod haud ita multo ante hunc annum 84 denarii ex una argenti libra confici coepti sunt¹⁾.

Cum vero Romani denariorum pondus imminuissent, Emporitani ipsi quoque nummorum suorum pretium proinde elevavisse videntur, cum recentissimi eorum 3.90 gr. pendant²⁾. Hos nummos usque ad Hispaniam in provinciae formam redactam vel usque Emporias a Catone expugnatas ab Emporitanis emissos esse Zobel putat.

In nummis aeneis, quorum pretia item ex exemplis Romanis pendent, Graccae inscriptiones non occurunt. Qui propter Ibericas inscriptiones Emporiis tribuuntur³⁾, ex parte adversa omnes Minervae caput galeatum, ex aversa pegasi, taurum cornupetam, leonem, equum, hippocampum gerunt. Zobel primos pro assibus, secundos pro semisibus, ultimos pro quadrantibus habet.

Postquam Caesar coloniam Latini nominis Emporias deduxit, per aliquot tempus nummos Minervae capite et pegaso impressos Emporitani signaverunt, in quibus præter urbis nomen latinis litteris scriptum nomina magistratum quinquennalium singulis litteris per puneta dirumptis indicata exstant⁴⁾.

Rhodensium nummi⁵⁾ ex parte adversa capite illo e Syracusanorum tetradrachmis deprompto, ex aversa rosa signati sunt. Capiti tamen nunquam pisces adduntur. Rosæ insigne vario modo formatum est. Etenim aut a fronte aut a tergo conspicitur. Plerumque quaternis foliolis proceris velut binis diametris in quattuor aequales partes dividitur. Quare fit, ut rotæ speciem præ se ferat. Fortasse Massiliensium nummorum exemplo Rhodenses permoti sunt, ut hac singulari figura insigne suum formarent. Ubi radii illi foliacei desunt, rosa ita figurata est, ut vetustæ illius rotæ, quæ in antiquissimis Massiliae nummulis conspicitur, speciem præ se ferat. Quod forte fortuna

1) Strab. p. 160: κανταῦθα δὲ καὶ ἐν τῷ Ἐμπορίῳ τὴν Ἀρτεμιν τὴν Ἐφεσίαν τιμῶσιν. Cf. id. p. 180.

2) Heiss I 8.

3) Cf. Zobelium comment. in hon. Mommensi p. 819.

4) I. l. p. 821. 5) Strab. p. 160: δίπολις δ' ἐστὶ τείχει διωρισμένη, πρότερον τῶν Ἰνδικητῶν τινας προσοίχουσ· ἔχουσα, σὶ καίπερ ιδίᾳ πολιτευόμενοι κοινὸν ὅμως περίβολον ἔχειν ἐβούλοντο πρὸς τοὺς Ἑλληνας ἀσφαλείας χάριν.

1) Bahrfeldt Numismat. Ztschrft von Wien 1883 p. 5 sqq.

2) Zobel I. l. p. 809.

3) Heiss IV 37—53.

4) Heiss III 54—68.

— Etiam capiti Minervæ interdum (Heiss III 54.) arcus pharetraque addita sunt, unde id quoque pro Diana accipi voluisse Emporitanos perspicitur.

5) Heiss I.

factum esse vix quisquam crediderit. Etiam horum pretium ad nummorum Carthaginiensium normam redactum est. Quoniam vero exempla minus quam 4.70 gr. valentia rarissime inveniuntur, per parvum temporis spatium Rhodenses nummos signavisse videntur. Ceterum summo artificio numismata sua exarabant.

Iam nummi ad exemplum Massiliensium colonorumque eorum a barbaris percussi considerandi sunt. Qui propterea haud exigui sunt momenti, quod ex eis quam late patuerit illorum cum indigenis commercium, cognoscitur.

Emporitanorum nummi, a quibus ordiri iuvat, ab Indicetibus eodem illis περιβολῷ utentibus ita expressos esse, ut Graecorum nomini suum substituerent characteribus Ibericis exaratum, supra memoravimus. Barbarorum item imitatione nummos, qui apud Heiss sunt № 18—36, procusos esse cum ex fabricae vilitate, tum ex inscriptionibus Graceis illis quidem, sed mutilatis et litteris Ibericis adulteratis cognoscitur¹⁾. Praeterea caput illud iuvenile, quo nummi Celtiberici et argentei et aenei Romanorum iussu signati ornantur²⁾, ex capitibus illius, sive Cereris id est sive Proserpinæ sive Arethusæ sive Diana, quod in nummis occurrit Emporitanis, imitatione ortum esse suspicor. Magna enim vultuum similitudo inter ea intercedit, in teretum genarum plenitate, menti valde eminentis magnitudine, semiaperti denique oris proprieitate posita³⁾. Cincinnorum porro comptus a fronte in torum collectorum, quo hoc caput Celtibericum insigne est, ex Emporitani illius capitibus ornatu explicatur. Inde quoque repetendum, quod huius collum plerumque monili distinguitur⁴⁾. Maxime autem piscibus, quibus utrumque circumdari solet, Celtiberum signum ex nummis Emporitanis depromptum esse demonstratur.

De Luynes dux⁵⁾ et Mommsen⁶⁾ etiam nummos, qui in Gallia, qua inter septentrionem spectat et occasum, ad oras maxime oceanii Britannici,

reperiri solent et civitatibus Aremoricis tribuuntur¹⁾, ad drachmarum Emporitanarum exemplum formatos esse arbitrantur, quippe qui ab altera parte caput cincinnatum, ab altera equum et Victoriam supervolantem praebeant. Sed vultus lineamentis et capillorum comptu e Philippeis, quos per totam Galliam septentrionalem signis incredibili modo depravatis²⁾ a barbaris expressos esse constat, illud caput petitum esse evincitur. Equus autem in altera parte proclusus bigae residuum est; quae vulgo pro Victoria habetur, aurigam esse appetit; currus denique una rota («une fleur à lis heraldique» Rondier) vel pluribus indicatur³⁾.

Creberrimi sunt nummi ad Rhodensium exemplum a barbaris formati. In nonnullis et caput mulibre et rosa manifesta agnoscuntur⁴⁾. Horum etiam pretia ad Rhodensium legem accommodata sunt; valent enim gr. 5.06—4.17⁵⁾. Plerumque autem radii illi foliacei in cruce abierunt (quamobrem «monnaies à la croix» hi nummi nuncupari solent), ipsa floris folia in lunas dimidiatas communiuntur aut omnino omittuntur⁶⁾. Pondera habent admodum varia; aut enim 4.70—4.60 aut 3.75—3.12 aut 2.95—1.83 aut denique 0.48—0.25 pendunt⁷⁾.

1) 982 tales nummi in Caesarea insula (Jersey) in lucem prodierunt: Don op description de la trouvaille de l'île de Jersey, Hannover 1838. 390 eiusdem generis nummi «près bourg de Vouillé (Poitou)» effossi sunt: Rondier R. N. 1842 p. 76. 550 denique ad Avranches (St. Lô) sunt reperti: R. N. 1846 p. 319.

2) Omnia nummorum Gallicorum signa, quae non aut a Massiliensibus aut a Rhodensibus vel Emporitanis aut denique a Romanis mutuo sumpta sint, ex Philippeorum imaginibus continua barbarorum imitatione deformatis atque corruptis pendere censeo. Ut uno defungar exemplo, in nonnullis nummis Gallicis aliqua planta occurrit, quae pro visco haberi et e Druidum mysteriis repeti solet. (cf. Meyer Mith. d. antiq. Ges. zu Zürich XV p. 4). At capillus capitis Apollinei est in Philippeis expressi. Etiam «le véritable symbole de la nation Gau-loise», aprum, ex equo Philippeorum ortum esse suspicor. Sed haec hoc loco pluribus persequi non possum.

3) Cf. exempla apud Don opium expressa. 4) Heiss tab. I 4—9; Robert numismatique de la Province de Languedoc tab. I 1—8.

5) Haec sunt pondera a Robert et Heiss allata: 5.06 (1); 5.00 (1); 4.98 (1); 4.93 (2); 4.89 (1); 4.85 (3); 4.75 (1); 4.70 (1); 4.57 (1); 4.39 (1); 4.17 (1).

6) Capiti interdum pisces adduntur (plerumque foliorum specie per errorem formati), quos, cum a nummis Rhodensium alieni sint, ex Emporitanorum nummis petitos esse appetit.

7) I. 4.70; 4.69; 4.60. II. 3.75; 3.65; 3.51; 3.49; 3.45—3.41; 3.40—3.30; 3.12. III. 2.95; 2.90; 2.75; 2.70; 2.30—2.25; 2.15; 1.86; 1.83. IV. 0.48—0.40; 0.44—0.25; 0.39; 0.26. Primum genus ex Rhodensium lege pendet; secundum fortasse ad Philippeorum normam redactum est (cf. Mommsen nordetrusk. Alph. p. 247 sqq.); tertium et quartum coniungenda sunt, utpote drachmae et oboli Massilienses.

1) № 36 pegasi loco centaurum gerit, qui ex illo ortus est prono errore. Pusionis enim, cuius figura caput pegasi efficitur, solum caput retentum; alarum autem loco dextra Centauri longo munita gladio successit.

2) Heiss tab. V—XLI. Variarum gentium per totam paene Hispaniam Tarraconensem habitantium sunt nummi.

3) In nonnullis nummis barbatum est id caput; sed barbam suo Marte suaque arte a barbaris additam esse ex fabricae eius vilitate appetit.

4) In nonnullis nummis monile in limbum vestis abiit.

5) R. N. 1840 p. 87. 6) Mommsen R. M. p. 768 n. 49. Nordetrusk. Alph. p. 247 sq.

Creberimi inveniuntur hi nummi cum per totam Aquitaniam tum ad Tolosam urbem¹⁾, quamobrem Voleis Tectosagibus tribui solent. Sed etiam in Gallia Narbonensi²⁾ et Lugdunensi³⁾ occurunt.

Saepissime autem Rhodensium signum cum imaginibus a Philippeis assumptis ita coniungitur, ut ab altera parte vel capitinis Apollinei vel bigae vestigia, ab altera rosa vel crux conspiaciatur⁴⁾. Huius generis nummi non solum per Aquitaniam, Narbonensem, Lugdunensem, sed etiam per Germaniam⁵⁾ et Helvetiam⁶⁾ passim inveniuntur.

Galli cum a Massiliensibus accepissent quaecunque ad vitam cultiorem pertinent, nummis quoque uti ab his didicerunt. Et interdum quidem flandi feriendi labore vitato numismata a Graecis percussa in suum contulerunt usum. Massiliensium enim et drachmae et oboli et

1) De la Saussaye R. N. 1838 p. 223; 1866 p. 389 sqq.; de Saulcy R. N. 1867 p. 3 sqq. Quam frequentes sacculo XVIII ad Tolosam provenerint, ex Audiberti (dissertation sur les origines de Toulouse 1764) testimonio a de la Saussaye allato colligitur: «pour se former une juste idée de la quantité de médailles que fournit Vieille-Toulouse, il suffit de savoir, que les paysans s'offraient, il n'y a pas longtemps, à y travailler pour rien; les médailles d'argent qu'ils trouvaient à coup sûr les dédommagaient amplement de leur salaire». Item quan plurimi reperti sunt ad «ile de Noé près d'Auche» et «entre Mirande et Condom»: de Longpérier R. N. 1840 p. 413; Hervey de St.-Dénis R. N. 1841 p. 155 sqq. Ad Cuzance (canton de Martel, dép. Lot) circiter quattuor milia horum nummorum protracta sunt: Bulletin de la Soc. archéol. du Midi de la France 1879 p. 477 sqq. Alii thesauri inventi sunt ad Aurillac (Cantal): de Luynes R. N. 1840 p. 86; ad Rodez (Aveyron): Robert I. l.; ad Castelnau-d'Anduze: Robert I. l.; Perigueux (Dordogne): Robert I. l.; ad Blaye (Gironde): Robert I. l.

2) Ad Baeterras 750 reperti sunt: Robert I. l. (Noguier bull. de la soc. archéol. et scientif. de Béziers 1872 inspicere non potui); alii thesauri prodierunt ad Mesuam (Mèze, Hérault): Robert I. l.; ad Lutevam (Lodève, Hérault): de Lagoy mél. de numism. p. 9 sqq. Etiam in sinistra Rhodani ripa interdum occurunt: Chaudruc de Crazannes R. N. 1839 p. 161; Robert I. l. p. 31; de Lagoy description de quelques médailles inédites p. 29 n.

3) Ad «Bridiers près la Souterraine (Creuse)»: Fillioux description d'un trésor trouvé à Bridiers» 1864.

4) Caput Apollinis cum cruce coniunctum habes apud Robert pl. I 33; 27. Biga et rosa barbarice depravatae in nummo occurunt ad «Montauban (Tarn et Garonne) reperto: Chaudruc de Crazannes Revue Numism. belge 2 sér. VI (1856) p. 385.

5) Ad Abnoba montis pedem et in reliquo territorio Badensi, ad superiores partes Rheni et Danubii fluminum. Cf. Robert I. l. p. 22; H. Meyer Mitth. d. antiqu. Ges. z. Zürich XV (1863) p. 12.

6) Ad Genavam et Noviodunum (Nyon): Meyer I. l.

aes haud raro procul Massilia et barbaricis commixta nummis deteguntur. Sed eudendi arte a Graecis assumpta et ipsi nummos signabant ad illorum exemplum, rudissima sane fabrica usi, sed neque imagines neque inscriptiones mutantes. Huc pertinent oboli № 51—53 apud de la Saussaye, drachmae № 60—69, 115, 282, nummi aenei № 316, 360—363, 432—434. Interdum vero Massiliensium inscriptioni barbarorum nomen substitutum est sive Graecis sive barbaricis litteris exaratum. In nummis ad primi generis drachmarum exemplum vilissima arte expressis inscriptiones comparent Tuscis vel Raeticis characteribus confectae: riko¹⁾, piruko²⁾, rutirio vel potius trutirio³⁾, unure-kurto⁴⁾. Quarum prima civitatem Ricomagensium in Alpibus Maritimis sitam indicari appetet; reliquae quid sibi velint, non liquet. Drachmae secundi generis Segobiorum⁵⁾ et Tricoriorum⁶⁾, tertii generis Caenicensium⁷⁾ nominibus inscriptae sunt. Drachmas septimi generis Aedui imitati sunt, nisi quod leonem gradientem in ursum transformataverunt⁸⁾; hae ab altera parte inscriptionem EDVIS, ab altera ORCETI (i. e. Orgetorix) praebent. Glanicorum⁹⁾ denique drachmis ab altera parte Diana caput, ab altera taurus cornupeta signo est. Nummorum aeneorum signa (caput Apollinis, taurum cornupetam) Samnagenses¹⁰⁾ imitati sunt.

A Massiliensium nummis aeneis, quos primum genus effici voluimus, etiam imagines aeris illius, quod in Galliae Narbonensis et Aquitaniae ora reperiri solet et litteris Celtibericis inscriptum est¹¹⁾, repetendas esse censeo. De tauro cornupeta dex-

1) Mommsen nordetrusk. Alph. p. 255; de la Saussaye tab. XIV argenteum et aeneum exemplum exprimi curavit.

2) Mommsen I. l. p. 205 et p. 252. H. Meyer Beschreibung der in der Schweiz aufgefunden. Gall. Münzen, Mitth. d. ant. G. z. Zürich XV (1863) tab. I, 1. Friedländer Ztschrft f. Numism. 1878 p. 115. de la S. tab. XIII Libici.

3) Mommsen I. l.; Meyer I. l. tab. I 2—3 = p. 1. de la S. tab. XIII Oxybii.

4) Friedländer I. l. 5) ΣΕΓΟΒΙ de la S. tab. XIV.

6) OKIPT de la S. I. l. 7) KAINIKHTΩΝ de la S. tab. XIII.

8) Meyer I. l. tab. II 91—93. Complures ad Chantenay (Nièvre) repertae sunt: de Saulcy R. N. 1862 p. 1 sqq.

9) ΓΛΑΝΙΚΩΝ de la S. tab. XIII.

Cf. Robert tab. IV 21—23.

11) Decem eius exempla apud Heiss tab. LXV expressa habes. Inscriptiones Celtibericae quid sibi velint, nondum exploratum est. Heissii, qui Narbonensium nomen eis indicari putat, rationem fundamento carere appetet. Fiorelli (catalogo del museo nazionale di Napoli 205, 206; collezione Santangelo 110, 111) «Narboni Setienae» tribuit hos nummos.

trorsus incurvante, quo aversa pars ornatur, nemo dubitaverit; sed etiam caput illud velatum sinistrorsus spectans, quo adversa pars impressa est, ex Apollinis capite ortum esse suspicor. Nam primum quidem lineamentorum quaedam similitudo manifesta appetat¹⁾. Torum autem, qui supra frontem, et nodum, quod in cervice comparet, haud facile explicaveris nisi hoc ex crinibus Apollinei capitatis in cervicem demissis, illum ex corona laurea²⁾ ortum esse dicas. Cum initio capilli βρρβαρινός nonnullis virgulis indicarentur, postea velum eis significari putatum est. Cum igitur barbari per Aquitaniae Galliaeque Narbonensis oram occidentalem habitantes Rhodensium antea nummos imitati essent, posteriore aetate Massilienses per hunc tractum plus valuisse videntur, quamobrem illi ad horum maxime exemplum nummos suos formaverunt. Quod fortasse post Volcas Arecomicos a Pompeio in Massiliensium dicionem concessos³⁾ factum est.

Eadem fere aetate Massilienses etiam cum Balearibus commercio aliquo coniunctos fuisse e nummis appareat. In horum enim moneta aenea taurum cornupetam Massilia arcessitum cernere licet⁴⁾; Massiliensium rursus nummus aeneus ad Sancti Remigii repertus⁵⁾ ab altera parte Diana protomen, ab altera Cabirum⁶⁾, notissimum Balearium insigne, gerit.

Ad antiquiorem aetatem referenda sunt, quae de Massiliensium cum regionibus ad ortum positis commercio e nummis eruuntur. Per Helvetiam enim et per Galliam Cisalpinam oboli et drachmae cum ab ipsis Massiliensibus fabricata, tum a barbaris ad illorum exemplum expressa inveniuntur. Atque tribus maxime viis Massilienses Alpes peragravisse videntur. Primum quidem secundum Rhodanum flumen, lacum Novorum Castellorum (lac de Neufchâtel), Arurium flumen. Haec via indicatur thesauris haud procul Arausione⁷⁾, ad Eborudu-

1) Cf. Heiss № 1. 2) Quae in nummo tertio apud Heiss paululum tantum immutata est.

3) Caes. b. c. I 35. 4) Heiss tab. LXIV 20.

5) de Lagoy notice sur l'attribution de quelques médailles gauloises 1837 tab. № 14 = p. 26. Quod Heiss p. 425 de hoc nummo se dubitare profitetur, quod sibi non contigerit «de retrouver cette pièce ou un exemplaire semblable», auctoritatem eius viri, qui erat de Lagoy, hac re non infringi appetat.

6) de Lagoy Cabirum iniuria pro Apolline habuit.

7) Ad Jonquieres (Vaucluse) inter nummos barbaricos duae drachmae Massiliotae effossae sunt: Fortia d'Urban antiquités de Vaucluse I 285--287, quem, sicut Mommsen, non novi nisi ex eis, quae Dureau de la Malle R. N. 1839 p. 329 sq. affert.

num¹⁾, prope Castella Nova Vogesi²⁾, ad Bernam³⁾, ad vicum denique, cui nomen est Kloten⁴⁾, repertis. Altera via per Ractiam ducebat. Huc pertinent thesauri ad Cimo⁵⁾, Casamario⁶⁾, Burwein⁷⁾ protracti. Tertiam denique viam Athesis cursum secutam esse thesauris in huius fluminis ripa repertis demonstratur⁸⁾. Ultimorum duarum viarum terminum Adriam urbem fuisse apparet, unde antiquitus electrum in Graeciam advectum esse constat. Atque electri petendi causa Massilienses trans Alpes commeasse per se consentaneum est. Adriae autem cum urbe, quam iam Phocaeenses adiisse verisimile est, Massilienses per Galliam Cisalpinam mercaturam fecisse ex nummis per Lombardiam repertis cognoscitur⁹⁾.

1) Ad Yverdun duo nummi Massaliotici reperti sunt: Wiberg Einfluss d. klass. Völker auf d. Norden, deutsche Uebers. Hamburg 1867 p. 89.

2) Ad vicum haud procul Neufchâtel situm, cui nomen est Préfargier sur la Thène, tres oboli Massilienses provenerunt: Wiberg I. 1.

3) Prope Bernam quattuor thesauri nummorum Massiliensium reperti sunt: Mommsen nordetrusk. Alph. p. 235 n. 35.

4) Hottinger apud Mommsenum p. 236 = R. M. p. 398 n. 99.

5) «Cimo oberhalb Agno am Laganersee»: Mommsen nordetrusk. Alph. p. 325. 6) Soret mém. de la soc. de Genève I p. 231.

7) Ad Burwein (Oberhalbsteinal, Graubünden) anno 1786 magna copia nummorum et ab ipsis Massiliensibus percussorum (in quibus drachmae primi et sexti generis) et a barbaris expressorum reperta est. Nummorum barbaricorum partim Massiliensium nomine partim characteribus Tuscis inscripti erant: Mommsen nordetr. Alph. p. 203. Schreiber der Münzfund von Burwein, Mitth. d. ant. Ges. z. Zürich XV p. 31—34.

8) Ad vicum Castel Tesino in valli Sugana situm nummos Massalioticos argenteos saepius provenire Giovanelli (Ztschrft. d. Ferdinandea's zu Innsbruck V 1839 p. 38 n. 2.) testatur. Magna porro copia argenti et Massiliensis et barbarici ad Brentonico («am rechten Ufer der Etsch unterhalb Roveredo») reperta est: Mommsen nordetr. Alph. p. 204. «Bei Trento kamen in einer alten Graeberstätte lauter massaliotische Silbermünzen zum Vorschein mit Ausnahme zweier Denare der Minucia und der Fabia, lauter römisches Kupfer mit Ausnahme einer unbestimmten Münze (Giovanelli dei Rezi p. 81)». Haec Mommsen R. M. p. 397 n. 28. Sed Giovanelli loco, quem laudat, nihil de nummis Massalioticis dicitur; ipse Giovanelli ad alium suum librum «intorno all' origine e condizione antica di Trento» provocat, quem ut inspicerem, mihi non contigit. — Denique ad Sanginetum vicum haud procul Legnano oppido (in Athesis ripa dextra) situm numisma ad Massiliensium exemplum barbara confectum arte repertum est: Cavedoni annali di num. I p. 81.

9) Borghesi Decad. XVII (= oeuvres compl. II p. 302) copiosissimi drachmarum Massiliensium thesauri in Lombardia «non ha guari» reperti mentionem facit. Ad Sancti Cesarii haud procul Mutina drachma Massiliensis et quattuor

Sed quantopere Massiliensium moneta ad Gallorum commercia pertinuerit, inde quam luculentissime apparet, quod per totam Narbonensem, Lugdunensem, Helveticam, posteriore aetate etiam per Aquitaniam barbari nummis utebantur ad normam drachmarum Massiliensium redactis. Illud sane a Mommseno¹⁾ non recte positum esse videtur, aureorum quoque pondera a Gallis non ad Philippeorum, a quibus signa mutuati sunt, sed ad drachmae Phocaeensis legem temperata esse²⁾. Argenteorum autem nummorum pondera, quae quidem inter gr. 2.80 et 2.20 varient, optimo iure ex imitatione drachmarum Massalioticarum pendere censem. Item rectissime nummulus argenteos 0.55—0.25 valentes pro partibus drachmae Massiliensis habet³⁾. Nonnullos horum nummorum Mommsen nordetrusk. Alph. p. 234 sub unum conspectum posuit. Nummos ad exemplum Rhodenium percussos seriore aetate eadem pondera praebere supra vidi mus. Volcarum Areconomicorum nummos Philippeorum signis impressos item hoc spectare ex Robert p. 38 colligitur. Multo vero latius pertinuisse nummos ad Massiliensium legem percussos ex thesauris ad Laveyron (Drôme), Haustun (Drôme), Moirans (Isère), Saint-Clair (Isère), Dolomien (Isère), Mont Beauvray (Saône et Loire), Veyrier (Haute-Savoie), Roc de Cher (Haute-Savoie) repertis apparet, de quibus Vallier (Revue Numismatique belge 1882 p. 5 sqq.) nonnulla vulgavit. Sed haec quaestio accuratius tractari nequit, priusquam plura de illis thesauris afferantur.

Quod reliquum est, ut et hoc fiat et omnino ad Massiliensium rem nummariam diligentius attendatur, vota faciamus.

nummuli barbara fabrica ad exemplum obolorum Massiliensium expressi prodierunt: Cavedoni bull. arch. 1834 p. 199.

1) Nordetrusk. Alph. p. 242—247.

2) Quod Strab. p. 181 lege caustum fuisse apud Massilienses tradit, ne dotes centum aureorum modum excederent, aurum sive signatum sive pensitatum apud eos pro pecunia fuisse hac re non demonstrari puto. Legem enim illam, sicut reliquias (Strab. p. 180: οἱ δὲ νόμοι τούτων), Phocaea oriundam fuisse verisimile est.

3) Nordetr. Alph. p. 234.

Errata.

p. 13, 38 *lege Phil. Suppl. IV.*

p. 32, 3 » *positac*

p. 41, 23 » *Etmaneum gens habitare*

p. 42, 24 » *litoris*

p. 45, 18 » *appellatos*

p. 54, 24 » *Sordorum*

p. 77, 12 *dele* ⁴⁾

p. 79, 16 *lege Σάλους*

p. 80, 5 » *Raetiaeque*